


# NKAAMBONZI TA TULI KABUNGWE?

 Bacoolwe kujoka kuno ku cikambaukilo alimwi, kumane kutandila, Ndi yeeyela kuti, kufwaafwi ku myeezi yotatwe yakutabako. I basikaale baka jisi ciindi ciyumu, a Ndime akwalo. Oh, kwa pumunwa, nekuba, lino, nkabela ulimvwa kunji mbuli kunjila mu kuswangana alimwi. Elyo kulangila lino kutalika mvwiki eyo iboola, busiku obu buboola muli Bwatatu, ku i—i lubukulussyo moonya muno mu cikombelo. Elyo Leza nawayanda, Ndi jisi kubaanga nku. . . I Mwami wakandi syomezya musyobo wa mulimo mupya a wandeene. Elyo ikuti na Wa botelwa kucita boobo, Ndi langila kutalika musyobo oyo—oyo mupya wa mulimo mvwiki ino iboola, kuno ku cikombelo, ku busena butaanzi.

<sup>2</sup> Elyo mpawo, Nse jisi miswaangano iikanzidwe, pele cita Australia a New Zealand, kuli Mukazimaziba oyu uboola. Elyo mpawo Mukwesu Osborn wiitila muswaangano wakweengezya ngo Nda kabaanga ndamu syomezya kuno ciindicimwi cainda, mu Tulsa, pele kuzwa ciindi eco cisyoono, pele tatunaba masimpe oyo.

<sup>3</sup> Cali cibotu ncobeni, Mukwesu Jeffreys, kuba aku sukana janza lyako kuno, akwalo kumvwa mulombe wako kaimba nyimbo eyo, elyo yebo kolizya. Nda botelwa eco, wisi a mwana. Sa tamu botelwi eco? “Kokomezya mwana mu nzila nja elede kuunka.” Mbo mbubo, Ba. Guenther, nywebo—nywebo mulizi kuti eco cililuleme, kuli nyoonse. “Kokomezya mwana mu nzila nja elede kuunka, elyo cindi akomena takazwi kuli njiyo.” Nkabela obo mbwini. Ndiza inga kwaba ziindizimwi cakuti inga wazwa kuli njiyo, pele ta kazwi kuli nguwe. Mwabona? Uyo—uyo kkala a nguwe lyoonse. Oko kuyiisya kutaanzi alimwi kufumbwa mbwa kakomezegwa kucita, uyo—uyo kkala ncobeni a nguwe. Lino, eci ngu. . .

<sup>4</sup> Nda swaana Mukwesu Jeffreys anze awo, elyo Nda amba, “Mukwesu Jeffreys. . .” Nda yeeya, yebo ulizi, Nda kkomana lyoonse kubona bakwesu bangu bali boonse baswaya mu busena, pele busiku buli boobu bwa mukwesu uboola kuswaya! Obu mbusiku bwa bantu buyo baboola ku cikombelo, kakutanaba buyo lubukulussyo olu. Obu mbusiku. . . Tu yanda kubweza sunumasiku, a cifumo juunza, a masiku juunza, ali ceeco buyo nco tusyoma kuno ku cikombelo, ku—ku cilangalanga alimwi. Tu jisi buzumini bumwi bugambya ncobeni, bweenzu maningi, pele munzila imwi na imbi tula bujana mu Bbaibbele eli. Buboneka kubako kabotu.

<sup>5</sup> Elyo lino, ikuti na kunooli mukwesu na mucizi mweenzu mukati, oyo uuzulilwa ku kabungwe kamwi, na—na utazuminani, uuliko kwini sunumasiku, tu yanda kuti uzibe kuti uli tambwidwe amanza obile. Mwabona, uli tambwidwe buyo mbuli mbo kukonzya kuba. Pele lino Nda syoma. . . Elyo tubamba eci kuba canguzu maningi. Aboobo ikuti na caboneka kuti to cizumini, ee, lino, kocita obo mbuli Mbwe cita cindi Nda noolya pai lya cheri. Elyo cindi Nda noolya pai lya cheri, lili nde yandisya loko, Mebo lyoonse, cindi Ndali. . . Cindi Nda lya pai, ikuti na Nda pwaya nseke, Nse sowi pai pe. Ndi—Ndi sowa biyo nseke a kuzumanana biyo kulya pai. Aboobo, na mbuli kulya nyama yankuku. Lino, nyoonse nywebo mula yandisya nyama yankuku, mwabona. Elyo cindi mwa pwaya kafuwa, ta muleki, mula zumanana kweenguluka kafuwa a kuzumanana kulya nyama yankuku. Ee, eyo nje nzila njo mweelede kucita sunumasiku, eco nce Nda amba kuno, nywebo buyo. . . cindi waluma cintucimwi, yebo wati, “Lino, Nse—Nse buyo. . . Ndi janikide buyo muli eci, mbuli Njiisyo niini ya mbungano, mu miswaangano eyo yotatwe itobela. Bali mu kubaanga nkulungalanga alimwi kuli ceeco nco—eco nco basyoma, a kucilingula koonse.”

<sup>6</sup> Elyo nzila buyo njo konzya kutandila kubamba bantu Kwi isyoma, nkuzwidilizya canguzu loko mane bayo ziba kuti Eco nce cintu ciluleme. Eyo nje nzila buyo mbo konzya kwiibamba kujatilila. Mbuli buyo mweenzuma wangu, Ba. Wood mbe Nda kali abo; ikuti na wakankamina mpikili kutamaninina buyo, elyo boodi linootebede koonse, imuuwo uyounga kulyuunsizya aanso cakufwambaana loko. Pele weelede kwikankamina mane yabbila, kwibamba kujata canguzu. Aboobo lino ikuti na Nda bamba eci cabukali maningi kumasena aya amwi, elyo kuli ndinywe noba sikuswaya sunumasiku abo bakkede mu busena, Ta ndili—Ta ndili mukusola kumusowa. Ndili mukusola buyo kuzwidilizya mbungano eyi kuli eco nco tu syoma. Boonse bamvwisya eco kabotu loko lino, amwaambe, “Ameni.” [Mbunga yaamba, “Ameni.”—Mul.] Ncibotu. Eco—eco cili kabotu. Elyo lino kugusya eci ku maanza angu. Elyo mpawo—mpawo i. . . Bali mukuci rekorda, a zintu zimwi, cakuti kwaakumana, ikuti na bali kuyanda kuziba mpawo eco nco twiiminina ncobeni, akuti nimbaakani nzi mpo twiimvwi, marekordi aya ayo caamba. Elyo mpawo tula cita eci ziindi zinji loko, nkaambo kuli bantu bapya basangana elyo—elyo tula zumanana. Elyo lino tatu kokonzya kujokoloka mu Njiisyo zyoonse zya mbungano, pele imwi buyo eyo nje tu yanda ku—ku kanana wo. Elyo lino, masiku Bwata tu, nekuba, kutalika. . .

<sup>7</sup> Lino, Muvulo a Bwabili, Ndiya kumwi, ku kukomba, kulibambila mulimo wa kuponesegwa. Elyo inga mwaba ku mafooni, na kufumbwa nko muyanda, a kuletelela muntu uuli oonse ngo muyanda, ku lubukulusyo olu luboola. Elyo mubaambile kutanjila mukubinda lino, kutali kuboola,

akwaamba, “Ee, lino Ndiyo inda mukati a kukombelwa, sunumasiku. Elyo masiku juunza, nku koonse...” Muta citi obo. Amu njile a kuswiilila kwakaindi kaniini, nkaambo tu yanda kuliiba mu ciindi cesu a kubamba kabotu Ijwi eelyo mumsi maningi cakuti dyabulosi takabi akwalo kabeela kaniini ka busena bwakusola kweenda. Elyo mpawo cindi mwalekela lusyomo lwanu kutondezegwa kumamanino alo, mane mwatalika ku syoma, mpawo amulekele gano lyanu litamvugwi kutalika kubeleka, mpawo lusyomo lwa Leza luyo lizwidilizya. Mpawo muyo zumanana kuunka kubusena. Mwabona?

Nkaambo, lusyomo lwanu talukaciti maningi. Gano lyanu litamvugwi lyeedelede kunjila mu nzila omo lusyomo lwanu molweendela, elyo mpawo lusyomo lwa Leza lulanjila kunze a kucitondezya coonse. Mwabona? Pele, ikuti na lusyomo lwanu, “Oh, inzya, Nda lujata kabotu lino!” Elyo a gano lyanu litamvugwi akwalo, kalipiluluka awa, kwaamba, “Nda libuzya ikuti na liyo ndikutaukila?” Ta lika citi, mpoonya buyo. Mwabona? Aboobo tu yanda oku kube kuswaangana kwini kwa kuponesegwa. Elyo Nke tana kunjizya muntu umwi mu twaanda, a zintu zimwi, ku kuponesegwa, na kuswaangana oku kupya, Ndi yanda kuti bamvvisye ncobeni eco nco banjilila muya. Aboobo amuyeeye buyo, elyo kuboola a kutuswaya, elyo tuyo kkomana kumutambula.

<sup>8</sup> Lino amuyeeye, lino, cifumo, tuyo zumanana a Njiisyo ya mbungano. Elyo masiku juunza nzila njoonya. Lino muli tambwidwe kuboola, nkabela kufumbwa muntu inga waboola. Tuli kkomene lyoonse kubona muntu uuli oonse. Pele lino eci, sunumasiku, cigamikwa buyo muunzi ku bantu ba cikombelo kuno, abo—abo baka komezegwa mu Njiisyo eyi. Nkambo, ku masena akubelekela, masena ancito zyabuvangeli, tu bweza biyo mbaakani iini, Njiisyo zyabuvangeli izya Malembe. Pele kuno ku cikombelo, tu jisi miyeeyo yesu iini a buzumini bwesu bwini, mbuli i—mbuli i—mbuli i mbungano, elyo eco ncencico nco tweelede kulingula, sunumasiku.

<sup>9</sup> Elyo katutana kujula Ijwi Lyakwe lyakalelekwa, sa inga tii twa kotamika buyo mitwe yesu kwakaindi kaniini ku mupailo?

<sup>10</sup> Leza sibukozu a Singuzuyonse, Walo, nyika kiitana sola kuzunguluka ku atomu ntaanzi, Wa kali Leza. Tona cinca nokuceya. Elyo cindi kwaakubulika maatomu aa kwijatilila canguzu, alimwi taku cinokwe inyika yakujatililwa canguzu, Yebo ucinooli Leza. Uli wa buteeli, alimwi kuzwa ku buteeli. Nduwe Leza. To kajisi matalikilo aa mazuba, naanka magolelo aa buumi. Yebo unooliko lyoonse. Elyo, Taata, Yebo mukuba mupatikompatila, elyo swebo notugola, mpawo twa lomba luse Lwako Lusetekene, Leza, mukuziba kuti muuya oyu wesu uyo sangana mu Butamani, kuzwa ku zintu ezi zyaciindi, kunjila Butamani. Aboobo, Mwami, tuli ano kulangalanga lufutuko

lwesu, kubona obo mbo twiimvwi mu meso aa Ijwi Lyako, a kubona obo mbo tusimpikidwe mu luzibo lwesu. Sena tu ponena eco cibotezya kuli Nduwe? Sa muuya wesu upa bulunguluzi antoomwe a Muuya Wako? Elyo sena kuyiisya kwesu kupa bulunguluzi antoomwe a Bbaibbele eli? Elyo, Taata, akube kuti tu lingule koonse, kabotu, mu kuswangana oku kotatwe kuboola akutobela. Ko cipa, Mwami.

<sup>11</sup> Kolongezya mweembeli kuno, madaikona, basyomesi, a basibungano boonse, bantu abo basika ku mbungano eyi. Kuzwa kuciindi ca mazuba angu kuno, Mwami, kuli banji, banji cakuti Nse zyi aalo mazina abo, na oko nkobazwa, pele Ndili masimpe kuti Uli bazi boonse kujatikizya mbabo. Elyo tuli kokuno ku bukanze bomwe, sunumasiku, Mwami, kuswaangana ku Ijwi lilembedwe. Elyo kotupa Muuya Uusalala mu maumi esu, cakuti inga twa kkala caluumuno, a cakulibatamika, a mu kulemeka Leza, a kulingula maumi esu kwiinda ku Ijwi Lyakwe. Ko cipa, Mwami.

<sup>12</sup> Elyo mu buyake obu, sunumasiku, Mwami, kuli bakwesu bangu ba zibeela zyandeene izya—izya mbungano. Elyo, Mwami, Ndili lumbide maningi kuti bali kokuno ku luswaanano. Ndiza inga twaimpana ku milazyo misyoonto ya Njiisyo. Pele muli oyo umwi mulazyo mupati ncobeni, tu liimvwi mbuli babunyina bakamantene mu cipani. Cakuti, O Leza, akube kuti uyumye luswaanano lwesu—lwesu, a lwesu. . . a zyaanzyo zya luzyalo lwa Leza a luyandisyo lube aali ndiswe cabuvubi. Lino, mukuziba, Mwami, kuti oyu mulimo mupati loko ku muntu kucita, nkaambo tuli jisi kuno kubweendelezi bwa kuyeeya kabotu, sunumasiku, oko kuya buntu obo buunka ku Butamani. Aboobo twa komba kuti Muuya Uusalala uyo njila moonya mu Ijwi, a ku Li batamika aku Li pandulula mu nzila Yakwe Mwini, kuli ndiswe, zintu Nzya yanda kuti tuzibe. Ko cipa, Mwami. Elyo cindi zyotatwe. . . ziindi zyakuswaangana zyamana, akube kuti tuunke mbuli mbungano yakayumisigwa, mbuli bakamantene antoomwe, kubikka myoyo yesu a makanze esu oonse antoomwe, a basicisima iba Bwami bwa Leza, akuya kunembo mbuli kutanabede.

<sup>13</sup> Ndi yanda Ku kulumba, Mwami, kuno mu busyu bwa mbungano a—a bantu abo bali kokuno, kuti Wa kandipa lino mvwiki zikubwene zya kulyookezya kubotu. Ndi limvwa kabotuloko sunumasiku nkaambo ka Busyu Bwako a cilongezyo Cako. O Leza, twa kombela mukwesu kuno, mukwesu wesu uuya kumasi aambi, kuya kulaale mu masi ayo, aa musinze, mabi oko buumi bwakwe mbubonya nkobubikkidwe mbuli cisaalilo. O Mwami, longezya Mukwesu wesu Jeffreys mbuli mbwaunka, a mwana wakwe, a mukaintu wakwe, nkabela komupa butebuzi bunji. Akube kuti akadonkole mu misinze kusikila Mumuni wa Makani mabotu ukamweke kulaale amu bukwasule. Kotu swiilila, Taata, nkambo twa lomba nkumbizyo eyi mu Zina lya Mwami Jesu, Mwana Wako. Amenii.

<sup>14</sup> Lino, sunumasiku, kubala mu Bbaibbele lyangu liniini ilya Scofield. Nda zwaa kwiinda myaka iili makumi obile ayosanwe, calino. Elyo Ndi cikonzya ku libala, pele liba akusiyasiya maningi. Aboobo Nda kajana magilazi akubalizya cindi Nda nobalabala, elyo Ndiyo bona nzila mbwa beleka sunumasiku, kwa ciindi cangu citaanzi.

Lino Ndi jisi ziiyo, mbuli ezi, ezyo, “Sena Mbungano yeelede. . .” Oh, zintu zinji, ikuti na twa konzya kusika kuli nzizyo. Cimwi cazyo, “Nkaambonzi nco twiitwa kuti Mbungano? Nkaambonzi ta tuli kabungwe? Nkaambonzi—nkaambonzi tu syoma mu bukwabilizi Butamani bwa buntu ibwa musyomi? Nkaambonzi nco tulwana bakambausi banakazi? Nkaambonzi nco tubbizya kwiinda kukunyikizya? Alimwi sa Mbungano iyoinde mu Mapenzi mapati?” Elyo bunji bwa ziiyo ezyo kuno, Ndi yeeyela kuti Ndi jisi zili kkumi azyosanwe na kkumi azili lusele zyazyo, zya masiku masyoonto atobela.

<sup>15</sup> Aboobo Ndi yeeya kuti, sunumasiku, ku kutalika, ca kutalisya, ciboneka kuba Mwami kuti wacibikka ku moyo wangu ku ciyo eci, i. . . *Nkaambonzi Ta Tuli Kabungwe?* I kaambo eco. . . Lino, ta tukwe cintu cakulwana bantu bamwi abo bali nkabungwe. Ta tukwe cintu caku balwana, pele Ndi yanda kupandulula kaambo nco twaa taunka a kabungwe kali koonse. Nda kananikwa mu mbungano niini ya Baptisti, mbuli mbo muzi. Elyo Baptisti takali kabungwe, tiikakali obo, kusikila buyo calino, elyo lino ili mukuba buyo kabungwe mbubonya mbuli zimwi zimbi. Pele, kaambo nco twaa tabeda kabungwe. . .

<sup>16</sup> Lino, tuli kabunga. Tuli kabunga, kalembedwe kuno mu—mu nkuta, mbuli kabunga, nkamu ya bantu abo bakalibunga antoomwe kukomba Kristo, pele ta tuli mu kabungwe. Taakwe kamwi kayo tweekulezya, nywebo mwabona. Ta kali kabungwe. Kalo—kalo nkabunga buyo, luswaanano aakati ka basyomi Banakristo. Bantu bala sika kuno ku mbungano. Elyo eyi iba mbungano yabo ya nkobakkala ikuti na bala yanda kusika, kufumbwa kuti kaba pona.

<sup>17</sup> Elyo inga basika kuno a kukazya zintuzyoonse nzo tukambauka. Eco cili kabotu kumaninina. Yebo ucili, kufumbwa kuti koli Munakristo, uli jisi luswaanano, a kuba antoomwe mbubonya buyo mbuli bamwi. Mwabona? Ikuti Nda amba kuti Ndila syoma mu kubbizya kwiinda kukunyikizya kwa maanzi, nkabela yebo wakasyoma mu kusansaila, a kukkala ncobeni kuli nkuko, inga katucili bamwi mbuli mbo twa kabede ikuti na toonse twa zuminana. Inga tii twa konzya kuzuminana mu buzule, bweelene. Pele kufumbwa kuti koli mukwesu na mucizi Munakristo, uli tambwidwe aa maanza obile, mwabona, bantuboonse.

<sup>18</sup> Aboobo ta tujisi kabungwe kali koonse, nkaambo Ndi yeeya kuti kabungwe kamwaya bunyina. Bamwi babo bayooti, “Ee, ta tukwe cintu cakucita mu lubukulusyolo. Olo ndubukulusyolo

lwa Methodisti.” “Ee, olo ndwa Baptisti. Ta tujisi . . .Tuli bana Methodisti. Ta tukwe cintu cakucita a loolo.” Mukwesu, ikuti na Kristo uli muli ndulo, toonse tweelede—tweelede kucita andulo. Tweelede kubikka kwesu . . .Walo—walo Mubili wa Kristo uli—uli mukupenga. Elyo Nda bona eco maningi mu masi sunu, ku nzila cakuti tu jisi . . .Lino, Kristo kwiina nakacita, ku ciindi cili coonse, kusola kubunganya mbungano iili yoonse yakabungwe. Lino, acilekwe eco cisyomezegwa mu kaanzambwene.

<sup>19</sup> Lino, lino, Ndiyo mubuzya masiku juunza, ikuti na cimwi ca zintu ezi nco muyanda kuziba, mbuli makani aakale amwi ayo Nge ndibalulula, na cintucimwi cimbi. Nse jisi ciindi buyo cakusopolola eco moonse, Nse kasiki ku ciuyo cimbi, nkaambo inga wa manizya mvwiki aa ciuyo eco ncoonya. Pele ikuti na muyanda kuziba busena, kufumbwa cintu, amu ndibuzye biyo, a kucibikka awa a—a desiki, nkabela Ndiyo cibweza kuciingula kuli ndinywe.

<sup>20</sup> Lino, kabungwe kakaindi maningi, a mbungano yakabungwe eyo njo twa kali ayo lyoonse, ni mbungano ya Katolika. Elyo ya kabunganisigwa myaka ili myaanda yotatwe a imwi kwiinde lufu lwa muapostolo wamamanino. Elyo mbo mbubo. Mula cijana mu Nicene Fathers ntaanzi, alimwi mula cijana mu malembo aa Josephus, alimwi, oh, bunji bwa—bwa basimakani aakale bapati. Mwabona? Elyo mbuli kuciimo mu i—i . . .kufumbwa makkalo aabungano, muciiindi coonse kusikila ku lufu lwa muapostolo wamamanino, elyo myaka iili myaanda yotatwe lubazu lumbi lwa baapostolo, kwakanyina mabungano aatubungwe. Elyo Katolika yakali kabungwe kataanzi ika mbungano.

<sup>21</sup> Elyo mbungano ya Protestanti twalo ntubungwe oto twakazwa ku kabungwe. I lubambululo lutaanzi lwakasika, lwakali Luther; kuzwe Luther kwakasika Zwingli, kuzwe Zwingli kwakasika Calvin, elyo kuyabuya buyo muciiindi cakatobela mbuli obo. Elyo muciiindi cakatobela ku Lubukulusyoy lwa Wesley, elyo muciiindi cakatobela kuli Alexander Campbell, John Smith, a bamwi bambi, mwabona, kuyabuya muciiindi cakatobela. Elyo inkamu zyamamanino nzo tujisi nzibeela zyandeene zya bukkalo ibwa Pentekoste.

<sup>22</sup> Elyo Nda syoma kuti Leza wabeleka mu bukkalo abukkaloo. Pele sena mwakasola kubona kuti, ziindi zyoonse imbungano niya kakilwa, elyo mbo zyakabeda buyo kabungwe zyakatalika kukakilwa mpoonya buyo? Elyo kufumbwa cindi nizya kakakilwa, Leza kwiina naka busya mbungano ezyo alimwi. Ila inka nkoonya kumakankilo. Lino mula buyo . . .Ikuti na muyanda kuziba makani aakale ali eco, inga—inga twa tondezya, cakuti—cakuti taakwe mbungano, kwiina lyoonse mu makani aakale aa mabungano, kabungwe kali koonse nikaka sola kuwa ako kakasola kubuka alimwi. Baptisti, Methodisti, Presbyteriani, Lutherani, kufumbwa mboinga yaba, cindi nizya

kawa, zyaka nyonyooka. Lino, mbo mbubo. Lino, eci, Nda—Nda mwaambila lino, a mupakamane maningi, nkaambo tuyo bamba eci kujata. Mwabona? Ta kunaba, ku ciindi cimwi. Cindi muntu nakazwa kali mugame a kupanga mbungano, ya katalika.

<sup>23</sup> Leza ubeleka a bagame, kutali a kabungwe. Leza kwiina mu bukkalo nakasola kubeleka a kabungwe. Wa kabeleka lyoonse a mugame. Mu Cizuminano Cakale, Wa kabeleka a mugame. Mu Cizuminano Cipywa, Wa kabeleka a mugame. Mu bukkalo buli boonse, Wa kabeleka lyoonse a bagame, a kutali tubungwe pe. Aboobo, nkokuti, ikuti na Leza tako mu kabungwe, cindigwasya nzi kuba acintucimwi cakucita ankako mbuli kabungwe? Lino, Nse ambauli zya bantu mu kabungwe ako, Ndi kanana makani a kabungwe lwako, nkaambo bantu ba Leza bali mu tubungwe oto toonse.

<sup>24</sup> Lino, Leza talekeli cintu cili coonse kucitika citakuti Wa pa lucenjezyo kuli ncico. Nse syomi kuti kuli cintu cili coonse . . .

<sup>25</sup> Lino, mbuli mbo tu jisi twaambo oto tuzwa, mu mabungano, mbuli otu nto twa kajisi calino twa makani aa bulowa a mafuta, a zintu zimwi. Elyo mulizi lugwalo lwa “Oyandwa Mukwesu Branham,” a zintu zimwi. Pele kaambo nco Nda kaima kulwana eco, nkaambo taciko mu Ijwi. Elyo ako nkekaambo Ndi lwana kabungwe, nkaambo takako mu Ijwi. Elyo ceelele kuba cintucimwi mpo twe elede kuyaamika lusyomo lwesu. Elyo ikuti na ta tukonzyi ku luyaamika aa kabungwe kamwi, twe elede ku luyaamika aa Ijwi lya Leza. Nkambo Eyo nje ntalisyo ilikke, ndi Ijwi lya Leza.

<sup>26</sup> Elyo mpawo ikuti na Ijwi lya Leza talyaambi zya kabungwe, pele kukanana ku kalwana, nkokuti twe elede kukanana antoomwe a Ijwi. Takukwe makani eco bishopo, kufumbwa muntu ncaamba, kufumbwa muntu ncayeeya, eco muntu mubotu ncaamba, kufumbwa cintu nco caamba, ikuti na ta ceendelani a Ijwi lya Leza, nkokuti cili lubide. Mwabona? Lyeedelede kuba, Ijwi lyeedelede kuba cintu camamanino. Ijwi lya Leza lyeedelede kuba ameni wakugozya.

<sup>27</sup> Lino amuyeeye, Nseli mukusampaula muntu uuli oonse pe (mula mvwisya eco) mu tubungwe. Kuli makumi a zyuulu zya bantu bayandisi mu tubungwe oto toonse, balo mbana ba Leza. Pele kubandaanya a kubapambula, Nda kalwana. Elyo Ijwi lya Leza lila kalwana.

<sup>28</sup> Elyo Nda syoma kuti kwiina inkamu yatulengwa twabuyo mu nyika sunu, kwiina inkamu yatulengwa twabuyo iliko lyoonse mu nyika, pele ako kakaambwa kuboole kumbele, ku Ijwi lya Leza. Nda syoma kuti Ijwi lya Leza lila twaabila zintuzyoonse nzo tu bulide, moonya omu mu Ijwi. Kuzwa i . . . matalikilo esu kusika kumamanino, kula janwa moonya mu Ijwi lya Leza. Elyo mpawo Nda—Nda syoma kuti na kuli mu Ijwi lya Leza, nkokuti twe elede . . . Li laamba ciza kumbele. Elyo Ijwi lya Leza ndu cenjezyo.

<sup>29</sup> Lino, ta mweelede kubala Ijwi lya Leza mbuli buyo mbo mubala mutende. Mula bala Ijwi lya Leza kwiinda ku Muuya Uusalala, mwabona, nkaambo Muuya Uusalala Mwini ulakanana kwiinda muli Kristo. Kristo kalumba Leza kuti Wa kasisa zintu ezi ku meso a basongo a basimaanu, nkabela inga wazi yubununa ku bana mbuli banga baiya. Aboobo, nywebo mwabona, kwiina nzila yakusola kwiya, kwiina nzila yakusola kupanga kabungwe. Kuli nzila yomwe buyo ya kululama, eyo, amweenzegwe a Muuya wa Leza. Elyo luzibo olo lweelede kweendelana a Ijwi eli. Mwabona? Mpawo mwaijana. Mwabona?

<sup>30</sup> Mbuli cindi twa selemuka awa mu maminiti masyoonto lino, tu langanya bantu abo bali—bali. . . Bamwi babo mbana Calvinini balwanina lubambululo, bamwi babo mbana Arminia balwanina lubambululo, a—a nzila zyandeene. Lino, lyoonse kuli, takukwe makani obo mbo citenda kuba ciniini, cili jisi mbali zybobile kuli ncico. Obo mbwini ncobeni. Elyo bonse bajisi twaambo twa kukazizya. Pele, cintu ca ncico nkuti, mpaali aalede Bwini bwa ncico? Awo mpo tu boola, awo mpo tu yeeya, ku luzyalolwa Leza, tula mutondezya Bwini bwa ncico. Lino atu bweze buyo. . . elyo awa mpawo buyo mpe Nda kajana njiisyo zimwi ezi zya mbungano zilembedwe.

<sup>31</sup> Atu jule mu Mabbaiibbele anu, kwa maminiti masyoonto buyo, nyoonse nywebo lino. Elyo atuye ku Ziyubunuzyo, cipati 1; na Ziyubunuzyo, cipati 17, ku kutalisya. Elyo atu talike kubala kujana awo mabungano aya nkwa katalikila, a ceeco—ceeco cakazitalisya. Lino, Bbabiibbele lila cenjezya kumbele ku zintuzyoonse. Lila cenjezya kumbele ku mazuba ayo nge—nge tu ponamo. Elyo lino, Ziyubunuzyo, cipati 17, na mula yanda. Nda amba 13, Sa ndali kwaamba eyo, eyo iili i. . . Tula sika kuli eyo kwindanda kaindi, ayalo, eyo iili mu cisinsimi ca United States. Pele amu swiilile kabotu loko lino.

*Elyo mpaawo kwaka ndisikila umwi wa baangelo bali musanu ababili oyo waka jisi mitiba iili musanu aibili, a kwaambaula a ndime, kwaamba. . . Boola okuno; elyo Ndiyo kutondezya. . . yebo lubeteko lwa sibwaamu oyu mupati oyo uukkede atala a maanzi manjimanji.*

<sup>32</sup> Lino amuyeeye, eci cimvika maseseke. Lino mwanakazi oyu simpuwo mbi, lino, ikuti na tuyo yiisya eci, weelede kuziba kusaanguna ezyo ziiminizyo nco zyaamba. Lino, *mwanakazi*, mu Bbabiibbele, wiiminina “mbungano.” Bali bongaye bazi obo, kuti tuli Nabwiinga? I Mbungano ngu Nabwiinga.

<sup>33</sup> “Boola okuno elyo Ndiyo ku tondezya lubeteko.” Lino, kuyooaba lubeteko luyoambwa kuli sibwaamu mupati, mwanakazi utasalali oyo uukkala aa maanzi manjimanji. Lino, *mwanakazi* kaiminina “mbungano,” a *maanzi* aiminina “bantu.” Lino, ikuti na mwa cilangisya, akwalo, amulange, kampango ka 15 kuciindi nomuli awo, kampango ka 15, cipati nciconya.



*Elyo wa kati kuli ndime, I maanzi ayo ngu wakabona,  
awo sikuvuula mpakkeke, balo mbantu, . . . makamu, . . .  
misyobo yabantu, a mwaambo. (Mwabona?)*

<sup>34</sup> Lino, eyi mbungano mpati, mwanakazi mupati, lino amuyeeye walo mwanakazi simpuwo mbi. Elyo ikuti na mwanakazi wiiminina mbungano, (elyo Mbungano ya Kristo ngu Nabwiinga, Nabwiinga uusalala), nkokuti ngooyu mwanakazi uutasalali. Mpawo uleelede kuyooba ulicengeezya kuba, nabwiinga, uutasalali. Mwabona? Lino, elyo ncinzi ncacita? “Ula kkala atala,” na kuba *aatala*, caamba, “kuba abweendelezi ku maanzi manjimanji.” Mu majwi aambi, uli jisi nguzu moonse mu masi a myaambo a bantu. Walo muntu mulemu, mwanakazi oyu mbwabede.

*Lino, oyo bami ba nyika bacita bwaamu, . . .*

<sup>35</sup> “Nkambo bami ba nyika bacita bwaamu,” bantu bavubide, bantu balemu bacita. Mbobuti mbonga wacita, mbobuti mwaami mbwanga wacita, bwaamu a mbungano? Bwalo mbwaamu bwakumuuya. Bwakumuuya! Niinzi bwaamu? Ngu, ee, buli mbuli mwanakazi kapona cakutalulama ku mulumi wakwe. Walo uupona a mwaalumi umbi kakuli uli jisi mulumi. Elyo mbungano eyi, nkokuti, ili—ili cengeezya kuba Nabwiinga wa Kristo, kakuli ili mukucita bwaamu a bami ba inyika, a buponi bwakwe butasalali, buzumino butasalali. Oh, Lili sakene alimwi Li jisi zibotezya zyandeene. Nda liyanda ncobeni Ijwi. Lino amubone.

*. . . oyo bami ba nyika bakacita bwaamu, nkabela  
abaabo bakala aa nyika bakakolwa a waini wakwe wa  
bwaamu.*

<sup>36</sup> “Waini” wakwe ncecentu ncali mukuvozya, kukwelelezya kwakwe, “Tuli Mbungano! Nde ndiswe tu cijisi.” Mwabona? Lino, amu bikke buyo eco mu mizeezo yanu lino. Ncibotu. “Aboobo wa kabw- . . .”

<sup>37</sup> Lino, angelo wakaambila Johane, “Ndiyo ku tondezya lubeteko olu lubolela mbungano eyi mpati.” Lino amulange.

*Aboobo wa kanditola mu mwuya kuya mu nkanda:  
elyo Nda kabona mwanakazi kakkede aa cinyama  
cisalalapyu, . . .*

<sup>38</sup> *Kusalalapyu*, mu Bbaibbele, ciiminina “zyabwaami.” I mubala *uusalalapyu* caamba “kusubila.” Elyo *cinyama* ciiminina “nguzu.”

Sena mwabona, cinyama cakazwa mu lwizi, cakali mu Ciyubunuzyo, 13. Elyo cindi mwabona cinyama kacizwa mu lwizi, cakali kwaamba kuti nguzu ezi zyakali kubuka aakati ka bantu.

Pele mu Ciyubunuzyo 13, cindi mwanaambebele oyu nakayutuka, wa kayutuka kuzwa ku nyika, kutali ku bantu,

United States. Pele mpawo, kumane, wa kajisi meja maniini obile, inguzu zyakubuleya a bukombi bwabunakristo. Elyo mpawo wakatambula nguzu, a kwaambaula mbuli simwaaba mbwa kacita kumbele lyakwe. Aboobo mweelede kuceengela buyo, tu boola mu kupenzegwa kupati kwa bukombi a zintu nzyoonya nzo bakacita mu Rome yabuhedeni myaka minji yakainda, nkambo ngu MBUBOBU MBWAAMBA I MWAMI.

Lino amu mulange. “Kakkede aa cinyama, nguzu.”

<sup>39</sup> Sena mwakabona Rabeka? Cindi Elieza naka mujana, cakali mu ciindi caku mangolezya, nkabela waa kapa nkamele meenda. Nkaambo, Elieza wakati, “Ikuti na musimbi uti boole a kupa nkamele eyi meenda, uyooba i . . . a kundipa cakunywa, uyooba umwi Ngo wasala, Mwami, kuba nabwiinga wa muzike Wako, Izaka.” Elyo kuciindi nakacili kukomba, Rabeka wakasika a kuteka meenda a kumupa cakunywa, kupa nkamele meenda. Amubone, nkamele cakali cinyama. Elyo eco cinyama ncoonya ncakali kupa meenda, cakali ncoonya caka mubweza kuya kuli sibwiinga wakwe, Izaka.

<sup>40</sup> Elyo, mazuba ano, nguzu zya Muuya Uusalala, ezyo Mbungano nzoili mukupa meenda a kukomba, nce Cintu ciyo Ibweza kuzwa ku nyika eyi, kuyo swaanganya Nabwiinga. Masimpe, Izaka wakali mu muunda, ku mangolezya. Ta tuswaanganyi Mwami kujulu mu Bulemu pe. Baefeso, cipati 5, ilati tuyo Mu swaanganya mu mulengalenga. Oh, eco cibamba bana Methodisti kulibambila koongolola. Amu ciyeeeye! Mwabona? I Mwami . . .

Izaka wakazwa ku ng’anda ya bawisi, nkabela wakali mu muunda cindi na kabona Rabeka kaboola atala lya nkamele. Elyo waa kamuyanda, ku kubonekela kutaanzi, elyo wakasotoka kuzwa ku nkamele a kuzuza kuyo muswaanganya. Mbo mbubo. Oko nko tu swaanganya Mwami. Elyo nkamele njiona njaakali kupa meenda, yaka mubweza kuya ku mulumi wakwe.

Elyo Nguzu nzyoonya Mbungano nzoili mukukomba, ezyo nyika nzoiti kuti ciimo cakwiindilizya, ezyo Mbungano nzoili mukukomba, ziyooaba Nguzu nzyoonya ziyo kwempa Mbungano kuya mu mulengalenga, “Kuyo swaanganya Mwami mu mulengalenga.” I Muuya Uusalala! Mwabona? Kuli i . . .

Elyo, amulange, Rabeka wakali nakalindu.

<sup>41</sup> Elyo mwanakazi oyu muvuule, ngo tu kanana awa. Lino, mwamvwiya kuti nguzu niinzi lino? I—i nguzu, nco zyaamba, kuti, cinyama. Waa kali atala lya cisalalapyu. Lino, musyobo nzi wa cinyama mbounga waba? *Cisalalapyu*, ezyo inga zyaba nguzu “zyabuvubi.” Ino musyobo nzi wa mbungano eyi mboiyooaba lino? Yalo ni mbungano ivubide, nkabela ni mbungano ndemu, nkabela ni mbungano yanguzu, nkabela koongelezya kwayo kufumpa makamu a bantu. Elyo bami ba nyika bacita bwaamu bwakumuuya a nguwe, abo mbantu balemu be nyika. Lino tuyo

ziba mbwabede, mu kaindi buyo kaniini, a kuziba makani aa kabungwe aka.

*Elyo mwanakazi wakasamide zyadowalowa (cabwami), . . . wakasamide muli zyadowalowa a mibala iisalalapyu, . . . kasakatide a ngolida a mabwe mayandisi . . . ingale, kajisi cinywido ca ngolide mu janza lyakwe cizwide cisesemyo a busofwi bwa bwaamu bwakwe:*

<sup>42</sup> Ncinzi ncanga uno jisi mu janza lyakwe? Njiisyo yakwe, eyo njaabila ku bantu, “Tuli Mbungano. Tuli *eyi*.” Elyo wabamba bami ba nyika ku kolwa a nguwe, mbuli obo. “Tuli *eci*. Tuli nguzu zipati! Tula fumpa masi oonse. Tuli mbungano mpati maningi iliko. Ko boola, konywa wesu. . . Awa, kotila musyoonto wa nguwo. *Ko unywa. Ko unywa.*” Nceeco we, mwabona. Elyo waa kali jisi mu janza lyakwe cinywido. Amulange.

*Elyo mwanakazi wakasamide muli zyadowalowa a mibala iisalalapyu, . . . kasakatide ngolide a mabwe mayandisi a ingale, kajisi cinywido mu janza lyakwe ca cisesemyo a busofwi bwa bwaamu bwakwe:*

<sup>43</sup> Lino, beenzuma, tatuli mukubala mutende wamazuba. Tu bala Ijwi Iya Leza Litamani a lyaka longezegwa. Majulu a nyika zyoonse ziyoloba, pele Ijwi eelyo linoliko lyoonse. Mbo mbubo.

*Elyo aa mutwe wakwe kwakali lembedwe zina, kwa kalembedwe i zina, mubwini, MAKANI AASISIDWE, BABULONI I MUPATI, I BANYINA WA BASIBWAAMU, I CISESEMYO CA NYIKA.*

<sup>44</sup> Lino, awa ciindicimwi cakainda, Nse syomi mu mbungano awa, pele Nda kakambauka ciiyo, *Bulembo Aa Bulambo*, a kupa bwiime bwa makani aakale kujatikizya Babuloni. Lino, inkamu zyoonse zyatulengwa twabuyo ezyo zyakayutuka lyonse, bukombi boonse a inkamu zyoonse zyatulengwa twabuyo ezyo ziliko mu inyika sunu, zyakatalikila mu Matalikilo. Lino, ikuti na muyo jana *Two Babylons* ya Hislop, ikuti na muyanda kwaatobezya mu makani akale, na amwi ayo mabbuku mabotu, inga mwajana akwalo inkamu zyoonse zyatulengwa twabuyo ayeeyo njo muyanda kujana. Ndiyo mujosya kuya kwa maminiti masyoonto, ku bakambausi banakazi, mwabona, a kumu tondezya ncobeni nko bakatalikila lutaanzi, mwabona, kaindi mu Matalikilo. Elyo aa zintu ezyo zyoonse zyandeene, aboobo zyakazwa buyo ku Matalikilo. *Matalikilo* caamba “kutsalika.” Mbangaye bazi kuti oku kuli luzi? Matalikilo kwalo nkutsalika. Aboobo, zintuzyoonse ziliko, zya kajisi matalikilo.

<sup>45</sup> Cindi Nda langa cisamu. . . Nda kali mu zisaka kwa myeezi iikubwene, yotatwe, kutandila yobile. Nda bona cisamu, obo mbocili cibotu. Nda cibona, cila wa ansi; cimbi cilasyuuka mu busena bwaco, buumi buzumanana. Elyo Nda yeeya eco. Pele ku

busenabumwi cisamu eco cakajisi kutalika. Ca kaleelede kuba a kutalika. Elyo nzila buyo mbo cikonzya kubambwa kuba cisamu, na kuba mubanga, na bbichi, na mingili, na kakunka, kufumbwa mbo cakabede, kwali Bupampu bweendelezya kunze lya ncico. Na ikuti na kuli comwe buyo, kali cisamu comwe ca mubanga, zintuzyoonse mu inyika nizyakaba cisamu ca mubanga zyoonse. Pele Cintucimwi, Bupampu, bupati, bweendelezya, bwakacita kucibamba mu ncililano.

Lilelekwe Zina Lyakwe Lisalala! Ngo nguwe Umwi Oyo uubamba mweezi a nyenyeezi mubweende bwa mapulaneti a zuba. Ula bamba zintuzyoonse mu ncililano yazyo. Elyo Uyo bamba Mbungano Yakwe mu ncililano. Iyo langa ncobeni mbubonya buyo Mbwa Iya nda kulanga; kujwe, kumbo, kunyika, na kumusanza, na kufumbwa Mbwa bede. Cindi twa konzya kugusya mizeezo eyi yatubungwe ku miyeeyo yesu a kuliwaala lwesu mu Kalivari. Uyo ibamba mu ncililano, ikuti na tuli balyaabide buyo mbuli masamu a bulenge Bwakwe bumbi. Tamu boni mweezi kawaamba kuti, “Nse kamweki sunumasiku. Yo nyenyeezi zimwi amumweke mu busena bwangu.” Pele swebo, oh, tuli andeene, nywebo mwabona.

<sup>46</sup> Lino, Babuloni, amulange obo Babuloni mbo yakaboneka. Ila libonya kumatalikilo aa Bbaibbele. Ila libonya aakati ka Bbaibbele. Elyo ila libonya ku mamanino aa Bbaibbele. Lino, kuli cintucimwi. Lino, yaka talika a Nimurodi. Nimurodi nguwa katalisya Babuloni mu Kkuti lya Shinar, moonya mumsi lyaakati ka Mulonga Tigrisi a Efrati. Elyo Efrati wakali kwiinda aakati. Elyo—elyo obo migwagwa yoonse, moonse mu cisi eco, yakali kugama ku Babuloni. Elyo umwi aumwi wa milyango eyo wakali kutandila tukokola tuli myaanda yobile kukwasula, milyango eyo yakabambwa ku butale. Elyo cindi wanjila mukati ka muunzi wa Babuloni, tugwagwa toonse twakali kugama ku cuuno cabwami.

<sup>47</sup> Lino, inga mwaunka ku Rome, sunu, nkabela migwagwa yoonse iyo gama ku Rome. Elyo kuli Maria nakalindu muniini kaimvwi ku makkona oonse, a tunyoneno twa mugwagwa, a Kristo mwana mu janza lyakwe, katondekede nzila eyo iiyaku Rome. Mwabona? Ila libonya kumatalikilo, Bbaibbele; ila libonya aakati ka Bbaibbele; elyo njeeyi ili kumamanino aa Bbaibbele.

Lino Ndi yanda buyo kuzumanana kubala, kwa maminiti buyo masyoonto, kutegwa mujane ntalisyo ya ceeci. Mwabona? Ncibotu. “Elyo Nda kabona mwanakazi,” lino amulange, “mbungano.” Cindi mwa bona *mwanakazi*, amu yeeye buyo, “mbungano.” Mwabona?

*...Nda kabona mwanakazi kakoledwe bulowa bwa basalali,...*

48 Lino, nkokuli bbala *musalali* nkolizwa? I bbala *musalali* lizwa kuli “umwi wakabamusalali,” na “umwi wakasalazigwa,” wakabambwa kubamusalali. Ncibotu.

...Nda kamubona kakoledwe *bulowa bwa basalali*,...

49 Lino, ikuti na mwanakazi oyu ni mbungano, waa kapenzya basalali. Alimwi walo ni mbungano mpati kwiinda. Uli jisi nguzu koonse ku nyika. Ngu endelezya maanzi manjimanji. Elyo walo...I bami ba nyika bacita bwaamu a nguwe. Ee, ino nguni? Kubaanga makani aasisidwe. Lino Muuya uyo... Nywebo mulizi, kuleelede kuba zipego zya kumuuya zili fuka mu mbungano; ku busongo, a cimwi ku kumvwisya, a cimwi ca kuponya, a cimwi ku *zintu zimwi*.

...a *bulowa bwa baabo bakajaigwa nkambo ka Jesu*:...

50 Kuboneka kuti tii bakajisi makani aceeco Jesu ncakaamba. Nceeco mbungano ncoya kaamba. Mbo mbubo. Nkabela eco cililuleme, acalo.

...elyo *cindi ni Nda kamubona, Nda kagamba a lugambo lupati*.

51 “Nda kagamba a lugambo. Nda...Ca kali i—i—i cintu cigambya kujatikizya nguwe, obo mbo Nda kagamba kuti waa...” Lino andi bweze buyo busena bwa Johane a kusola kujula eco aniini, mwabona. Johane wakati, “Ngooyo uli kkede. Walo ulibamba kuba mbungano ya Bunakristo. Uli jisi nguzu kumakani aamali oonse aa inyika. Uli jisi bami ba nyika ku bweendelezi bwakwe. Walo ncintu civubide acizwide kukwelelezya, nkabela mbobuti mbwakonzya kukolwa a baabo bakajaigwa nkambo ka Jesu? Mbobuti mbwakonzya kupenzya basalali? Mbobuti mbwakonzya kujaya abo bajaigwa nkambo ka Kristo? Elyo nekubaboobo ulita minina kuba Munakristo, lwakwe, mbungano ya Bunakristo.” Lino amulange.

*Elyo angelo waka ndaambila, Nkambo kaceeco wagamba? Ndiyo kwaambila makani aasisidwe aa mwanakazi, a cinyama eci ncatantide, a ceeco nca kajisi. . .mitwe ili musanu aibili a meja ali kkumi.*

52 Lino, oku nkubala buyo kuzizilwe awa lino. Mula mvwisya eci. Eci nцитete maningi.

*I cinyama eco ncowa kabona cakaliko, elyo sunu taciko; elyo ciyo seluka kuzwa...tanta kuzwa ku mulindi uutagoli, elyo ciyo inka mu lunyonyooko: elyo abo bakkala aa nyika bayo gamba, abo bata jisi mazina alembedwe mu bbuku lya buumi kuzwa ku malengelo aa inyika, cindi niba bona...cindi niba—cindi niba kabona cinyama eco cakaliko, eco sunu taciko, elyo nekubaboobo nkocili mubumbi.*

<sup>53</sup> Lino, lino eci ceelede kucisa, aboobo nceeci we. Wa kati, lino amubone, kuti, “Cindi boonse,” kutali bace buyo, pele, “boonse bakkala aa nyika bayo gambwa.” Boonse babo bayo gambwa. I inyika yoonse iyo gambwa kujatikizya mwanakazi oyu. Kuli nkamu yomwe buyo ita kagambwi kujatikizya nguwe, elyo mbaabo baka jisi mazina abo mu Bbuku lya Buumi ilya Mwanaambebele.

<sup>54</sup> Lino, Inga ndasyanikizya buyo akwalo eci mpoonya awa, nkaambo tuyo njila muli ncico mu maminiti masyoonto. Mwabona? Ncindiinzi mazina abo nakabikkwa mu Bbuku lya Buumi ilya Mwanaambebele? Sa kuzwa cindi ca lubukulusyo nko bakajanika? I masiku niba kaunka ku cipaililo na? I masiku niba kaba zizo zya mbungano? Nse soli ku mucisa pe. Pele, Ndi mwaambila, Bbaibbele lya kaamba, “Mazina abo akabikkwa mu Bbuku lya Buumi ilya Mwanaambebele kuzwa ku malengelo aa inyika.” Mbombubo! Cindi Leza, ku matalikilo, wakabona kuti Uyo tuma Mwana Wakwe, alimwi kuti inga Uyo bweza busena bwa basizibi, cindi Bulowa bwa Mwana iwa Leza nibwa katilwa. I Bbaibbele lyakati Bulowa Bwakwe bwakatilwa kakutanaba malengelo aa inyika. Mbangaye bazi kuti Bbaibbele lyaamba obo, kuti, “I Bulowa bwa Kristo bwakatilwa kakutanaba malengelo aa inyika”? Cindi Bulowa obo nibwakatilwa, zizo zyoonse zya Mubili, zilaa mazina akalembwa a Bulowa obo, mu Bbuku lya Buumi ilya Mwanaambebele, ku malengelo aa inyika. Ino uyoowa nzi? Oh, mukwesu! Eco cijula milyango, embo na?

<sup>55</sup> Ee, lino atu bale buyo eci mpoonya awa, a kubona ikuti na eco nce caamba cili luleme. Mwabona? “Elyo angelo waka ndaambila, ‘Nkambo kaceeco nco. . .’” Nda syoma nkampango ka 8, “Elyo cinyama eco nco kabona. . .” Ncibotu. Nce ncico.

*I cinyama eco nco kabona nkocili, elyo sunu taciko;  
elyo ciyo tanta kuzwa ku mulindi uutagoli, . . .*

Lino, tujokela kuli ako, pele Ndi yanda kujana aka kambi, nkaambo tula sika kuli nkako.

*. . .elyo ciyo inka mu lunyonyoko: elyo abo bakkala  
aa nyika bayo gamba, abo bata jisi mazina alembedwe  
mu bbuku lya buumi kuzwa ku malengelo aa inyika, . . .*

<sup>56</sup> “Kuyooba nkamu aa nyika,” mu majwi ambi, “abo bayo cengwa,” nkambo wa kabacenga. Elyo kwakali buyo nkamu yomwe yata kacengwa, nkabela eyo yakali imwi yaka jisi mazina ayo mu Bbuku lya Buumi kuzwaku malengelo aa nyika. Tula njila muli eco kwamana asyoonto.

<sup>57</sup> Lino amubone mwanakazi, mbungano, waa kali “*Makani Aasisidwe, Babuloni.*” Tula bona kulibonya kwakwe kwiinda kuli Nimurodi. Akali makanze nzi aa Nimurodi? Nimurodi wakatalisya muunzi a kucitya miinzi yoonse imbi kutela mitelo ku muunzi oyu. Sa inga twabona cintu cili boobu sunu? Sena kuli busena buli boobu sunu? Sena kuli mbungano eyo ijisi

bweendelezi ku masi oonse mu inyika? Masimpe. Sena kuli busena sunu obo bubamba masi oonse kupa mitelo kuli mbubo? Sena kuli busena?

Atu zumanane a kubala kamwi ka ceeci, aniini buyo, kutegwa mumvwiye muyeeyo oonse wa ncico. Ncibotu.

*...eco cakabona cinyama eco cakaliko, ...sunu taciko, elyo nekubaboobo nkocili mubumwi.*

*Elyo ngaaya maanu ayo ajisi busongo.*

<sup>58</sup> Lino, mbangaye bazi kuti busongo cimwi ca zipego zya Muuya? Lino, ni nkamu unzi Njali mu kwaambila, mpawo? We elede kuti waambaula ku nkamu ya bantu abo bajisi i—i zipego zyaku Muuya kazibeleka mu Mbungano eyi.

*... ngaaya ku maanu ayo ajisi busongo.*

<sup>59</sup> Lino, amwi ime, amujane eco moonse mu makkalo aya aa mbungano awa. Kuzwa, Muuya Uusalala kawaambaula cantangalala, obo zipego ezyo mbo zyeede kubeleka mu buzuba bwa mamanino. Lino, tuli jisi zipego zya kuponya kazibeleka. Oh, ciyo—ciyo bota. Ee, mukwesu, kuli zipego zimbi. Eco ncimwi buyo ca nzizyo. Eco ncintu buyo ciniini loko citakwe kusinizya. Ee, nceeci cipego cipati maningi mpoonya awa. Nceci cinga caba cibotu kwiinda, cipego ca Muuya Uusalala ica busongo, kubikka Ijwi lya Leza antoomwe a ku tondezya Mbungano awo mpo iimvwi, kwiinda buyo kubamba muntuumwi kuponesegwa? Toonse tula yanda kuba kabotu. Pele inga Nda salila buntu bwangu kuba kabotu, kwiinda mubili wangu kuba kabotu, kufumbwa ciindi. Oh, ma!

Amumvwe Muuya Uusalala kuambaula kwiinda muli Johane, ku Patimosi, kati, “Ngaaya ku busongo. A swiilile kuli Eci.” Lino tuli mukuba a muyeeyo kauzwiidilizigwa awa. “Ngaaya...”

*Elyo ngaaya maanu ayo ajisi busongo. I mitwe ili musanu aibili nge malundu ali musanu aabili, awo atala mwanakazi mpa kkede.*

<sup>60</sup> Kuli muunzi omwe buyo, oyo Ngwe zyi, mu inyika. . . Kuli miinzi yobile, eyo Nje zyi, eyo ijisi malundu aali musanu aabili na ainda muli njiyo. Cincinnati nguumwi wayo, ako keede kuba kaano kayeeyelabuyo ika Cincinnati. Ngu umpe mutumbu, nywebo mulizi, kuti. . . a zintu zimwi. Pele uli jisi ainda muli nguwo. Pele kwiina mbungano yeendelezya Cincinnati.

Kuli busena bomwe luzutu mu inyika yoonse, bujisi mbungano iikkede aa zilundu zili musanu azibili, eyo yeendelezya inyika mbiizulwa. Lino, Nda kazwa linolino kuya. Zyoonse zintu ezi.

Elyo Nda kabona awo mpo kwa kaamba kuti, “Elyo ngaaya ku busongo.” Ciyubunuzyo 13. “A mumuleke oyo ujisi busongo abale myeelwe ya cinyama, nkaambo walo mweelwe i wa

muntu.” Kutali nkamu ya bantu, nkamu ya bantu, pele “i” muntu. “Elyo mweelwe wakwe ngu myaanda iili cisambomwe a makumi aali cisambomwe acisambomwe.”

<sup>61</sup> Nda kamvwa kanjikanji, kuti, atalalya cuuno cabwami ica pope waku Rome, kulilembedwe kuti, “VICARIVS FILII DEI.” Nda kalibuzya kanjikanji ikuti na obo bwakali bwini. Amweenge mweengo, kucibamba mu myeelwe, mu nombolo zya ziiminizya zyaba Romani, a kubona ikuti na mbo cibede. Bwalo mbwini ncobeni. Nda kaima *oko* muni lya bbanti lyakumutwe lya misyini yotatwe lisamwa aa pope, mu magilazi, “Bwami bwa gehena, a julu, a kusalazigwa kwinda mukupenga saansi.” Mwabona? Aboobo, zintu ezyo, Nda kazwa linolino kuya, kuzwa linolino ku Rome akuziba kuti mbwini. Lino tu lizi cakatondezegwa mubube.

*Elyo mbaaba bami bali musanu ababili: bosanwe bakamana (abo bakali ku ciindi eco), elyo umwi nkwali (oyo ngo umwi weelede kusika lino, oyo wakali Kaisara), elyo uumbi walo uci boola (oyo wakali Heroda, oyo wakali mubyaa); . . .*

<sup>62</sup> Lino amulange. Amulange obo mbo cilondokede.

*. . .elyo cindi aboola, weelede ku zumanana kwa kaindi kanini.*

<sup>63</sup> Sena kuli uuzi bulamfu bwa ciindi Heroda mbwakalela? Myeezi ili cisambomwe. Wakakwela banyina kwiinda nu kagwagwa, ali teselobbomu wa mbizi. Elyo wakaumpa muunzi; akuu gwabika aa Banakristo. Elyo waka cenceleka cakuli cengeezya kunselelo lya cilundu kuciindi nobakali. . . kuciindi kaumpa muunzi. Myeezi ili cisambomwe—cisambomwe. Elyo mwabona, “Elyo cinyama. . .” Lino amulange, mulange obo mbwakali mupelenge. Mwabona? Lino amulange.

*Elyo cinyama cakaliko, elyo sunu taciko, acalo. . . nca musanu azitatu, elyo ncamusanu azibili (bulenge bwa camusanu azibili), elyo ciya mu lunyonyooko.*

<sup>64</sup> Muntu oonse ulizi *lunyonyooko* nco caamba, ngu “gehena.” Elyo amulange awo mpa katantila kuzwa, “gehena.” Ino ncenzi? I malindi aatagoli. Kwiina ntalisyo ku njiisyo ya Katolika. Kwiina Bbaibbele lya njiisyo ya Katolika. Kwiina cintu cili boobo mbuli kufumbwa Bbaibbele lya njiisyo ya Katolika, pe. Taba taminini kuba. I mupaizi wakayaka awo, mupaizi oyu muniini atala awa ku mbungano ya Moyo Uusetekene kaboola kokuya. Wa kati, “Oh, wa. . .” Nda kali kumwaambila makani a kubbizya Mary Elisabeth Frazier. Wa kati, “Oh, wa kamubbizya kweendelana a nzila mbungano ntaanzi ya Katolika mbo yakali kubbizya.”

Nda kati, “Ilili niya kacita obo?”

Wa kati, “Mu Bbaibbele, Bbaibbele lyako.”



65 Nda kati, “Sena mbungano ya Katolika yakabbizya boobo? Sa oko nkuyiisya kwa mbungano ya Katolika?”

“Inzya.”

66 Nda kati, “Mu kutakonzya kulubila kwa mbungano ya Katolika, nkaambonzi ncoya kacinca maningi?” Mwabona?

67 Wa kati, “Ee, mwabona, nyoonse mula syoma Bbaibbele. Tu syoma mbungano.” Mwabona? “Ta tukwe makani Bbaibbele nco lyaamba. Nceeco mbungano nco yaamba.” Obo mbombubo ncobeni. Nawasola kuboola ku kazekele, kuli nkako, kacisole lomwe, wabona. Ta bakwe makani aceeco Bbaibbele nco lyaamba; eco tacikwe cintu cakucita a ndilyo. Ba bikkila maanu ali eco mbungano nco yaamba. Mwabona?

68 Pele ta tukwe makani mbungano nco yaamba. Tu syoma eco Leza ncaamba. Ameni. Nkambo Bbaibbele, kuli lembedwe kuti, “Akube kuti ijwi lya muntu libe lya bubeji, nkabela Lyangu libe Bwini.” Eyo nje nzila mbo tu tali kabungwe.

69 Lino amulange. Amuswiilile kuli eci, kwaciindi cisyoono. “Bami bosanwe abo bakaliko, bakawa, bami bosanwe.” Ikuti na muyanda eco kuzwa ku makani aakale, Ndiyo citondezya kuli ndinywe. “Elyo umwi nkwali, elyo umwi uciboola.”

Lino amulange, “cinyama.” Lino, cinyama takali mwaami pe. Ca kali “umwi oyo uuliko, oyo utako; elyo nekubaboobo nkwali mubumwi, elyo sunu taciko; nekubaboobo nkwali mubumwi, elyo sunu taciko.” Ino ncinzi? Matobelanwa a bapope, nguzu, cinyama kaceendelezya. Eco nce ciindi Rome ya buhedeni niyaka sandulwa kupanga Rome ya pope. Rome ya buhedeni yaka sandulwa, elyo mpawo yakaba yaciimo capope, ili, baka jisi pope mubusena bwa mwaami, elyo pope ngu mwaami wa kumuuya. Ako nkekaambo usamikidwe musyini, mwaami wa kumuuya, utaminina kuba sikwiiminina Jesu Kristo. Nceeco we. Lino amubone.

70 Elyo tuyo tondezya njiisyo ya Katolika awo a kumu tondezya nzila mboyaka njila canguzu munzila ya mabungano aa Protestanti, mwabona, nzila mboicikkede mukati moonya mu mbungano ya Protestanti, kunji kwa njiyo. Kwiimpene, ncobeni, ku Bbaibbele, kwiimpene kumaninide. Lino, “I cinyama eco cakaliko, eco sunu citako.” Lino amuyeeye, “Boonse babo bayo cengwa, bakkala aa nyika, bata lembedwe mazina kuzwa ku malengelo aa inyika.” Atu bone.

*Elyo cinyama cakaliko, elyo sunu citako, (kampango ka 11) elyo nekubaboobo calo ncamusanu abatatu, elyo...ca musanuazibili, nkabela ciinka mu lunyonyooko. (Uyo zumanana mane akaume malindi aatagoli ku mamanino a lweendo.)*

*Elyo meja aali kkumi ayo ngo kabona balo mbami bali kkumi, . . .*

Lino amulange awa. Ikuti na muyanda kubona cintucimwi cibotelezya, amulange eci.

*...balo mbami bali kkumi, abo batana tambula bwami; pele balatambula nguzu mbuli bami oora lyomwe a cinyama.*

<sup>71</sup> Tabali bami basamikidwe misyini; mbaleli banguzu zimaninide. Mwabona, kwiina nobakali bami bakasamikidwe misyini, pele balatambula nguzu mbuli bami, oora lyomwe, mu bulelo bwa cinyama. Eco cili buyo mu ciindi eci ciniini ciyubilila ndyoonya lino oko baleli banguzu zimaninide nkobali mukubuka. Mwabona? “Tambula nguzu mbuli bami, oora lyomwe a cinyama.” Lino, ncibotu.

*Aba bali jisi muyeeyo omwe, elyo bayoopa nguzu abwendelezi bwabo ku cinyama.*

*Aba bayo lwana a Mwanaambebele, elyo Mwanaambebele uyo bazunda: (Bulemu!) nkambo Mweendelezi wa mweendelezi, a Mwaami wa bami: elyo abo bali anguwe bategwa, i basale, a basyomeka.*

<sup>72</sup> Ni Ndakonzya kukambauka nkambauko ndyoonya lino ali eco, “I basale, kakutanaba malengelo aa inyika, elyo kaba kkalilila cakusyomeka mu kwiitwa kwabo.” Aleluya! Nce ncico. “Bala tegwa, i basale, a basyomeka.” A nkabala kaswaanganya, mwabona, “I basale, a basyomeka.” Bayo mu zunda. Takukwe makani obo mbo bakomena.

<sup>73</sup> Elyo kkomunizimu eyi mpati, mulimo wa kkomunizimu ngo tujisi sunu, muta pengi a njiyo pe. Eyo ibeleka ncobeni mu maanza aa Leza. Inga ndaci tondezya ku Bbaibbele eli. Uyo mubamba kupengela boonse bakajailwa lusyomo mba kajaya lyoonse. Iyi, munene. Amu lange bami aba boonse kabazuminana antoomwe, nkabela bayo musulaika. Elyo cisi coonse, inyika yoonse, kiifumpwa kkomunizimu. Baa, weelede kuba mulimo wa Leza, wa kumusubula. Yebo wati, “Kolindila kaindi kaniini, Mukwesu Branham. Kkomunizimu, mulimo wa Leza?” Masimpe, ncobeni, mulimo wa Leza. I Bbaibbele lyakaamba obo. Pele weendela mu kukosola lubeteko aa bantu batalemekileza a banyongene basimause. Ncinzi cisyeede mu inyika eyi? Ino tu jisi nzi? Kuno buzuba bumwi. . .

<sup>74</sup> Nda ima aa ciiyo cangu kwaciindi cisyooonto, ikuti na cilakonzeka. Nda kali kubala kabeela ka Malembe awo mwana wamusokwe mpa takali kunjila mu mbunga ya Mwami kwa nzyalani zili kkumi azyone. Mbangaye bazi obo? Mbo mbubo, Deutronomo 23; mwana wamusokwe. Ikuti na mwanakazi wajatwa mu muunda, nkokuti, kule kuzwa kubukwabilizi bwa mwaalumi, elyo mwaalumi wazunda mwanakazi oyo, oyo mwaalumi uleelede ku mukwata. Elyo takukwe makani na waba muvuule, walo weelede kupona awe mane akafwe. Elyo ikuti na mwanakazi oyu wakwatwa kuli nguwe, kalibamba kuti ngu

nakalindu, kakuli tali obo, mpawo inga waa jaigwa nkambo kancico. Elyo ikuti na mwaalumi a mwanakazi abo bakwetene, nkabela bazyala mwana wamusokwe, cakuti, mu mbunga ya Mwami taka njili pe, ku nzyalani zili kkumi azyone. Elyo myaka ili makumi one ni nzyalani. Iyooba myaka ili myaanda yone cibi eco kacitana sola kuzwa mu Israyeli.

<sup>75</sup> Leza ula sulaika cibi! Mbobuti mbo mulangila kucovwaila mu Bulowa Busalala ibwa Mwami Jesu, nkaambo buyo kuti muzulilwa ku kabungwe kamwi, kulangila kunjila? Mu boola ku mbaakani zya Leza kwataba boobo tamu booli nokuceya. Yaa. Daikona, mukambausi, kufumbwa mbotunga twaba, tatu jisi cintu cakucita a ncico. Amu boole ku milazyo ya Leza.

<sup>76</sup> Nzyalani zili kkumi azyone. I muntu uliko uukkede lino oyo wakali kubandika eco a ndime. Kati, “Mbobuti mbotuziba oyo uyosola kufutulwa kai?”

<sup>77</sup> Nda kati, “Mpaawo mpo elede kuba muna Calvin mubotu.” Zina lyako lya kabikkwa mu Bbuku kakutanaba malengelo aa inyika. Leza ulabweza bulowa obo bweendela musinga. Eco cili kuli Nguwe. Mwabona?

“Pele ino eci cijisi nzi . . .”

<sup>78</sup> Amuswiilile. Nywebo no bantu bakubusyi, sunu, Nse zyi naa mula boola ku mbungano eyi, na nko muboola, nywebo no balombe a basimbi bakubusyi. Sena mwaka mvwisya, zintu nzo mucita, ikuti na kuli nzyalani iimbi, bana banu bayo betekwa kuli eco nco mucita? Sa tamu jisi bulemu bwakulilemeka kabotu? Nywebo no basimbi nomuli ku masena aya basama tubbudula otu tuniini twakaindi a zintu koonse, nywebo mulizi, eco citondezegwa ku mwana wako musimbi. Sena wakalizi kuti banyookulu bakali i-i mukaintu uusama bubyabi, abalo banyoko mbaimbi abazyani, elyo ako nkekaambo ncoli simisobano yazisapi sunu? Nincobeni. Bayooba buti bana banu? Iiyi, munene. Leza wakati Uyo swaya milandu ya bazyali aa bana babo elyo bana babo, ku nzyalani zzyotatwe na zyone.

<sup>79</sup> Elyo sa ulamvwisya, mukwesu wangu, ziindi zyoonse wacita eco ciluleme, ciyo swaaya aa bana bako?

<sup>80</sup> Amubone awa, atu bweze ba Hebrayo, cipati 7. I Bbaibbele lyakati, cindi-cindi Melikisedeki nakaswaana Abrahamu kabweeda ku kujaya mwaami, nkabela waka mulongezya, elyo Lya kati, lino, “Levi . . .” Walo ukanana kumakani a kupa kwakkumi. Kati, “Levi . . .” kajisi “. . . mulao kuzwa ku Mwami kutambula kwakkumi kuzwa kuli babunyina.” Elyo Levi waali kutambula kwakkumi, wakapa kwakkumi, nkambo waka cili mu cikungu ca Abrahamu cindi na kaswaana Melikisedeki. Elyo Abrahamu wakali syanyinakulu wasyanyinakulu. Abrahamu wakazyala Izaka, Izaka wakazyala Jakobo, Jakobo wakazyala Levi; Levi, wisi, syanyinakulu, syanyinakulu wasyanyinakulu.

Elyo kuciindi Levi nakali mu cikungu ca Abrahamu, Bbaibbele lyakati wakapa kwakkumi kuli Melikisedeki. Aleluya!

<sup>81</sup> Muta lekeleli muntu kumwaambila kuti musyobo uli oonse wa mulimo mu inyika inga wanyonganya vwili lya Leza pati lyabweende bwazintu. Lili mukuzumanana ncobeni kweenda! Ca kakanzwa kaindi kuya ku matalikilo. Takukwe madaimona na madaimona akubwene akonzya kunyonganya mabambe Akwe.

<sup>82</sup> Lino, Bbaibbele teelya kaamba kuti “munzilaimwi” wa kakupa. I Bbaibbele lyakati, “Wa kapa kwakkumi,” cindi nakali mu cikungu caba syanyinaku wasyanyinaku. Bulemu! Oyo Mwami wangu. Oh, Waa kali cizyi, akwalo, inyika kiitana kusola kulegwa. Wa kalizi zintuzyoonse. Elyo muli Abrahamu, wa kapa kwakkumi.

<sup>83</sup> Elyo mucizi, mukwesu, mbobuti mbokonzya kubeleka amasena aya, a bantu kabapona a kweenda a bamakaintu ba bantu, nkabela bamakaintu kabamwaya maanda, nkabela kabapona nzila njo mucita, ino mulangila nzyalani iimbi kuba buti? Njeeyi mbo ibede. Yaba buyo nkamu ya bakazyalwa mububyaabi, banyongene, nkamu ya bubu. Elyo kuli cintu comwe cisyaliidwe njiyo, elyo obo mbuzuba bwa atomiki mbotu ponamo. Mbo mbubo ncobeni. Tuli ku ciindi caku mamanino.

<sup>84</sup> Kandikkede cifumo cino, kuya kulaale mu zilundu zya Kentucky, mulombe muniini wakaindi, to konzyi kusola kunjila matende akwe aa tukokola tuli kkumi, kuzwa kukupanga molasesi wa ciganigani. Antela taakazi eelyo janza lyakwe ilya lulyo na lumwesi. Cindi na kamvwa. . . Nda kakonzya kuba ku masena akazibisigwa kubuleya. Nsi ndakazi awo mpo Nda kabede. Nda kali buyo mumwi mwa zilindi. Elyo Nda kali kuunka kutala oko kuyovwima basikaale. Elyo cindi ni Nda kakkala atala awo, Nda katalika kwaambaula kuli nguwe. Elyo mulombe oyu wakati uya kukunjila mu mpi. Elyo kuboola kuziba, twa katalika kwaambaula zya Mwami, elyo wa kati, “Omukambausi, sa tosyomi kuti tuli ku ciindi caku mamanino?” Kulaale kutala kuya mu cilundu.

<sup>85</sup> Nda kati, “Masimpe, nko tubede. Masimpe, mulombe, tuli kuciindi caku mananino.”

<sup>86</sup> Mpaawa mpo tubede. Eli nde oora ndo tupona, mukwesu. Tuli mu busena. Sena to konzyi kubona nzila bamatumbu kaindi eelyo, a bamatata, mbo bakali kupona, a syanene a banene? Sena to konzyi kubona taata a baama mbo bapona? Ta cigambyi tuli mu bubu ciindi cino. Ta cigambyi, inga wakambauka mu tumpangaliko toonse; bayo sama tubbudula mbubonya biyo, a kuswida ku busyu bwako. Bayo fweba misanga ya tombwe akuufulidila nkoonya kuli nduwe, a kwaamba, “Kolanganya mulimo wako wini.” Nkaambonzi? Nkaambo kakuti oyo ngo musyobo nkobazwa. Ndiyo sika kuli eco, cakugama, *I Lunyungu Lwa Nzoka*. Tula ziba omo mwanjila, kubona kaambo ncoba

lilemeka mbuli boobo. Balo mbana ba dyabulosi kuzwa ku malengelo aa inyika. Mbo mbubo. Elyo ta tuli cintu mukati, cisyalilide ncico, aboobo lubeteko buyo nce cintu luzutu cisyeede. Ta tukonzyi kuba acintu cimbi cita lubeteko. Leza uyo mwayaula ncobeni cintu coonse. Elyo bantu bakacicita beni. Leza taka cikanzila kuba boobo pe, pele Wa kalicizi kuti ciyooba boobo. Ako nkekaambo Nca kaamba kuti uyo, “Cenga boonse abo bapona aatala aa nyika, kunze lya baabo bajisi mazina abo aakabikkwa mu Bbuku lya Buumi ilya Mwanaambebele kakutanaba malengelo aa inyika.”

<sup>87</sup> Atu cilange. Amubale ambele aniini lino. Lino, lino Nda syoma tuli aa 12.

*Elyo meja ali kkumi ngo kabona balo mbami bali kkumi, abo batana tambula bwami; pele balatambula nguzu mbuli bami oora lyomwe a cinyama*

*Aba bayooba a muyeeyo omwe, elyo bayoopa nguzu a bweendelezi bwabo ku cinyama.*

*Elyo aba bayo lwana a Mwanaambebele, elyo Mwanaambebele uyo bazunda: nkambo Mweendelezi wa mweendelezi, a Mwaami wa bami: elyo abo bali anguwe ba—ba tegwa, i basale, a basyomeka.*

*Elyo wa kati kuli ndime, I maanzi ayo ngo kabona, awo sikuvuula mpakkeke, balo mbantu, . . . makamu, . . . masi, misyobo yabantu a myaambo.*

*. . . meja aali kkumi ayo ngo kabona aa cinyama, aba bayo sulaika sikuvuula, . . .*

<sup>88</sup> Amulange eco lino, aya “meja ali kkumi,” aya mami ali kkumi. Mwabona, nzintuzyoonse kaziyabuba kasimpe, abo baleli banguzu zimaninide mbobabede. Amulange baleli banguzu zimaninide nko bayaama. Bayaamina kuli? Amu ndaambile buyo—buyo muleli wanguzu zimaninide oyo uta yaami kuli kkomunizimu. Mwabona? Elyo bayo (inzi?) sulaika “sikuvuula,” mwanakazi, mbungano. Pele inzi? Amulange eco ciyo cicita.

*. . . aba bayo sulaika sikuvuula, a kumu suzyaanya alikke aku musamununa, a kulya mubili wakwe, a ku muumpya mulilo.*

<sup>89</sup> Bayo cinyonyoona cintu eco kuzwa mu kulibonya, ca kasimpe mbuli mbo Ndi imvwi awa. Nitwali kujisi buyo ciindi caku tobezya ciyo eco awo ca mbungano eyo, a kwiitobezya moonse mu Malembe, awo mpo Lya kati, amubale, “Bami boonse ba nyika eyi, basilutwe bamaato boonse, a boonse, balila, nkambo Babuloni mupati wajana kusunzyaanya kwakwe mu oora.” Oora lyomwe, ciindi cakwe cakasika! Elyo, oh, obo mbo Lya kaamba, “Amusekelele, nywebo no basalali, a nywebo nyoonse no basinsimi basalala, nkambo Leza waliya nkoto ya bulowa bwa basalali a babunyoko aali nguwe.” Mwabona, mbo

mbubo. Masimpe, kkomunizimu ibelekela bwini mu maanza aa Leza. Mbubonya buyo mbuli Mwaami Nebukadinezara mbwa kabeleka bwini mu maanza, kuboola kubweza ba Juda, cindi niba kazanga! . . . ? . . .

<sup>90</sup> Elyo cibi cakazumanana kubija, lunyungu lwa bululami inga kalucilimo muya elyo lunyungu inga lwazumanana kubija, a kubija a kubija mane kwainda ciindi lwamana. Ca sika ku busena, nkaambo bamanyina a mawisi a bamwi bambi bakapona boobo kumbele lyesu, elyo mu nzila eyo, mane takucikwe cintu cisiilidwe ndiswe. Elyo nywebo mulizi eco Jesu nca kaamba na? Ikuti Na taka kosola mulimo, nekunga akwalo kwiina muntu uyofutuka.

<sup>91</sup> Sa inga mwabona? Sa inga mwabona kaambo nco tu jisi ezi? Nse bambi twaambo. Twa Arthur Godfrey a bantu boonse, nywebo mulizi, mwabona, a twa Elvis Presley, a— a tusolo ansi, maovolosi, a masusu kalengelela ku nsingo zyabo, a nzila ezi zyoonse bakubusyi nzo balilemeka. Ncinzi cicitika? Ino ncinzi? [Mukwesu Branham wakonkomona a cikambaukilo ziindi zili kkumi acimwi—Mul.] Nkaambo ilimukuzwa ku nkamu ya bantu banyongene, bakapona kumbele. Taakwe cisyede! Oh, bayo ima a kwiimba, “Munsi maningi, Leza wangu, kuli Nduwe,” mbuli Ernie muzwakule mucete a boonse abo bamwi mbuli abo, kwiimba misyobo imwi ya nyimbo, a zimwi zimbi mbuli ezyo. Mukwesu, nywebo mulizi cintu na? Kuti, oko nkuupaupa kumaninide. Iiyi, munene.

<sup>92</sup> Muntu takwe mulimo mu cikambaukilo eci oyo wiinka ku masena ayo a zizyano zya kulyuumba buniini zya boogie-woogie a misyobo eyo yoonse ya zintu. Ta jisi kabeela komwe ka mulimo kunze kuno. Eci ncaku bupaizi, bwakaitwa aa Leza. Bakambausi bakaitwa aa Leza bazulilwa awa. Elyo taba zulilwi kuno a zintu zili boobo. Eelyo ndepenzi kuli ncico sunu, bakabamba mbungano kuba buyo mbuli ciyusilo cimwi. Ciyusilo cili kabotu, na uyanda kucita eco, cili kuli nduwe. Pele andi kwaambile, kuli lwandaano lunji ku kusola . . . akati ka ciyusilo a mbungano. Iiyi, munene. Na uyanda kucita zintu ezi mu ciyusilo, a kuba a misyobo yoonse ya zipobwe a zimwi zimbi, cilikuli nduwe. Pele, mukwesu, mbungano yeelede kusalazigwa kuzwa ku cikambaukilo lweendo loonse kusika ku cibuye caansi. Mbo mbubo. Ta ndaambi kusalazigwa kwa mpulungwido zipya a zintu zimwi pe. Nda amba a lubukulussyo lwaka tumwa aa Leza, lwa ciyanza cakaindi olo luyo mwaya zintu kuzwa ku lubazu lomwe kuya kuli lumbi. Iiyi, munene. Mbuli kuyasya mumuni, mumuni wamalaiti aa cikungo ca mapempanya koonse ku cinkosi ca apele. Iiyi, munene, ayo mwaika cindi mumuni wamwetuka.

<sup>93</sup> Lino amulange, “Ba kajisi muzeezo omwe, kapa nguzu zyabo.” Ndili kungsi lya kaako lino. “I meja ali kkumi.” Iiyi, lino.

*Nkambo Leza wakabikka mu myoyo yabo kulomya bukanze bwakwe, (mpaawo mwaunka), a kuzumina, a*

*kupa mami abo ku cinyama, kusikila majwi aa Leza aka zulile.*

*Lino, elyo mwanakazi oyo ngo kabona i walo muunzi mupati, oyo uulela bami boonse baa nyika.*

<sup>94</sup> Lino, kwiina kaambo ka kweenguluka, tu lizi obo kuti nkabunga kazyuuno ka Katolika. Kwiina kaambo ka muntu. . . Nda—Nda syoma eco canguzu mbuli Mbwe syoma kuti Nda katambula Muuya Uusalala. Nda syoma eco mbubonya buyo mbuli Mbwe syoma kuti Ndili Munakristo wiimvwi awa sunu, kuti ako nkabunga kazyuuno ka Katolika ngu i—i. . . I Muunzi wa Vatican ngu i—i muunzi uukkede a zilundu zili musanu azibili. I kabunga kazyuuno ika mbungano ncinyama eco cakaliko, eco sunu citako. Walo ngu Babuloni. Zintuzyoonse zyakatondezya mbubonya buyo, cakulondoka buyo lweendo loonse mu Malembe. Ni mbungano ya Katolika.

<sup>95</sup> Lino, lino nkaaka kaambo kanu kagambya. Yebo wati, “Ee, to ndi yasa, Mukwesu Branham.” Pele andi kubuzye buyo cintucimwi. Atu jokele lino nkoonya ku kampango ka 5.

*Elyo aa mutwe wakwe kwakali. . . lembedwe,  
MAKANI AASISIDWE, BABULONI I MUPATI,  
I BANYINA WA ZISESEMYO. . . I BANYINA WA  
BASIBWAAMU A ZISESEMYO ZYA NYIKA.*

<sup>96</sup> Ino wakali nzi? S-i-k-u-v-u-u-l-a. Elyo waa kali b-a-n-y-i-n-a. Inzi? B-a-n-y-i-n-a. Waa kazyala cintucimwi. I banyina wa banabalombe? Wa basibwaamu! Niinzi sibwaamu? Cintu ncoonya mbuli i—i sikuvuula, mwanakazi mwaamu. Ncinzi caka mubamba kuba mwaamu? Njiisyo yakwe. Waa kali kuli ceengezya kuba mbungano ya Bunakristo, pele kavozya tuyanza twa buzumini twakabambwa aa bantu. Elyo mpaawa waamba kuti waa kajisi. . . Ikuti na waa kali kabunga kataanzi, nkokuti kuboneka kuti kuli tubunga tumwi twa kazwa muli nguwe. Waa kali banyina wa basibwaamu. Sa mbo mbubo? I banyina wa basibwaamu. Ta kakonzyi kuba banyina, lino, wa balombe. Ta kakonzya kuba banyina. . . We elede kuba banyina wa banakazi. Elyo, ikuti na bakali banakazi, akali mabungano. Lino atu lingule. Eco cakazwa ku. . .

<sup>97</sup> Kakali kabunga nzi kataanzi? Mbungano ya Katolika. Kakali kabunga nzi kabili? Luther. Kakali kabunga nzi katatu? Zwingli. Ino kazumanana kuboola kunzi mucuindi cacatobela? Calvin. Elyo mpawo kunjila mu Anglikeni, elyo Anglikeni kuyabuya mu Methodistu mucuindi cacatobela. I Methodistu, ino Methodistu niya kazyalanzi? Kuzwa awo kwakasika Alexander Campbell. Kuzwa Alexander Campbell kwakasika John Smith. Kuzwa. . . Alexander Campbell ni mbungano ya Bunakristo; mpawo, baka jisi zyone na zyosanwe, mbungano ya Kristo a zyoonse inkamu ezyo ziniini zyatulengwa twabuyo twakamana. Elyo mpaawa kwakasika mbungano ya Baptistu, yakali jisi zinjiziniini zyakazwa. Elyo kuzwa ku mbungano ya Methodistu

kwakasika. . . kuzwa ku mbungano ya Methodisti, kwakasika, kusaanguna kwakasika Methodisti ya Wesleyani, elyo mpawo zyakapambukana ziindi zyone na zyosanwe. Mpawo baka boola ku musyobo uumbi wa Methodisti, elyo mpawo bakaya mu nzila imwi alimwi, mpawo bakaboola ku Methodisti ya Lwaanguluko. Elyo—elyo mpawo bakazwa kuli eyo kuyaku Nazareni. Elyo kuzwa ku Nazareni kuyaku Piligrimu Holinessi, a Piligrimu Holinessi kuyabuya muciiindi cakatobela. Nkamu ziniini zyatulengwa twabuyo kazimana mbuli obo, kuzumanana kubeleka muciiindi cakatobela, toonse twakatalisya tuniini—tuniini kaindi kuya twaka zumanana ncobeni muciiindi catobela. Elyo ino toonse twakacita nzi? Elyo kumalekelo twa kakotokela mu Pentekoste.

<sup>98</sup> Elyo Pentekoste yakacita nzi? I cintu ncoonya banyina ncoba kacita, baka jokela ncobeni a kuba kabunga. Elyo yakaba anzi? I—i kabungwe. Kaenda muli komwe, cintu citaanzi, “Ni njiisyo nzi yako?” Mulombe, bala kusakuzya nkamu yameno mabotu, mwabona, kuziba obo mbobede, eco nco syoma. Elyo ikuti na to zuminani bwini a mbabo, mukwesu, yebo watandwa mpoonya awo. Elyo mbo mbubo.

<sup>99</sup> Elyo uta yeeyi buyo kuti nkaambo waamba kuteeti uli muna Pentekoste cakuti ulikwabilidwe. Mukwesu, kuyoooba banji buyo bana Pentekoste basweekede ku mugwagwa mbuli bali mu mugwagwa, Ndili masimpe. Mwabona?

<sup>100</sup> Lino, toonse tubunga oto, ni bakalekela buyo cileleko ca Pentekoste kuunka, kutali kucibamba kabunga, kucibamba buyo mu bunyina a kulekela Muuya Uusalala kupambukanya. I Muuya Uusalala ulapambukanya. Ananiasi a Safira bakanjila ciindi cimwi, kati *niini-a-niini*; elyo Muuya Uusalala wa kati, “Nkaambonzi wabeja?”

<sup>101</sup> Pele tu laamba, “Lino, oyo Mukwesu Jones, utaambi cintu cibi kujatikizya nguwe lino, nguupa kwiinda mu mbungano. Ndi lizi ujisi Muuya Uusalala; Nda kamumvwa kaambaula mu myambo, elyo Nda kamubona kaongolola mu Muuya.” Eco cili buyo mbuli kutila bunyangu aa cikutu cakayuma. Mwabona? Tacili cintu cakucita aco. Leza ngu jisi cakwaamba. Ngu jisi cakwaamba naa mbwabede na pe. Nincobeni. “Pele twa kacilonzezya ku kabungwe kesu. Ee, twa kamu tanda kuzwa ku—ku Assemblisi, Onenessi yamubweza.” I Onenessi yamutola kwaciindi, elyo mpawo bakamu tanda. Nkaambo, baka mulonzezya kuya, elyo ba Jesu Buyo bamubweza. Ba Jesu Buyo balamutola kwaciindi, elyo mpawo cintu citobela cimubweza ni mbungano ya Leza, ila mubweza. Mbungano ya Leza ya Zisinsimi ila mubweza, elyo inkamu ya Tomlinson yamutola. Oh, ma! Mukwesu, na tii twatandila kumaninina! Omo mu Pentekoste, lubukulusyo lwa mamanino. Elyo lino bajisi Blue Flame, elyo bajisi bakombi bamafuta, a i—a bulowa mu busyu. Elyo, oh, yawe, Nse zyi oko nkoba kaunka lino.



102 Cintu comwe biyo, eco ncintu coonse cabija. Sena mwakalizi kuti Bbaibbele lyakati ciyo bija? Sena mwakalizi i—i Bbaibbele likanana zya buzuba bunu, ciyooba kuno, cindi alo matafule aa Mwami nayo zula malusi? Elyo kati, “Nguni Ngwe konzya kuyiisya njiisyo? Nguni Ngwe konzya kubamba Ku ndimvwisya? Nkambo mulao weelede kuba aa mulao, uli aa mulao, a kabala kuba aa kabala.” Nguni Ngwa konzya kuyiisya njiisyo? Abo bakalesegwa ku nkolo, banyina. Mwabona?

103 Lino, ta kukwe—ta kukwe mwanakazi, mwanakazi silunyemo loko mu dolopo eeli cita ukonzya kuzyala musimbi nakalindu. Mbwa bedede cindi nazyalwa, lino, elyo inga weenda kabotu. Pele ikuti na tolangisya, zya bwa banyina mbo bakabede ku bupange, musimbi oyo, bali fuka kuzwa ku kkumi, bayo lilemeka buyo mbubonya mbuli banyina mbo bacita. Lino, nywebo mulizi eci cililuleme. I mucembele ulanganya ng’anda ya mpuwo mbi, inga wazyala musimbi muniini. Inga kali myaka ili kkumi acisambomwe yakukomena, ca kusalala akulilemeka kabotu mbuli mpana ili yoonse, pele, ikuti na kacili boobo. Pele, cintu ca ncico, ula jokela nkoonya a kulilemeka mbuli banyina.

104 Lino, mbungano ya Katolika wakali sibwaamu mutaanzi mukulukulu oyo wakaanza njiisyo ezyo nzyaka libambila mwini, buzumini bwa zigamyoziinda, zyalo, Bbaibbele lyakati, “Waa kazwa mu malindi aatagoli nkabela uyo jokela ku lunyonyooko.” I Bbaibbele lya kaamba obo. Lino, ikuti na bayiisya boobo, cili lubide. Cili lubide, kweendelana ku Ijwi lya Leza. Elyo mpawo njeeyi yaboola mbungano ya Methodisti, eyo yakazyalwa kuli nguwe, mulindu mukubusyi weebeka, pele waka cita nzi? Wa kanyona ncobeni a kucita cintu ncoonya eco banyina nco bacita. Ula lekela mbunga yakwe kusama tubbudula. Ula balekela kufweba misanga yatombwe. Ula balekela kukwankana a kulilemeka mbuli buyo mbo beelede. Taakwe cintu caambwa kujatikizya ncico. I mweembeli mudaala muniini utakwe luzibo lweelede kusule kwini oko, cikambaukilo kusule kuya, ula yoowa kuti uyo maninwa kuvola kwakwe buzubabumwi, na mpani ya mabbisiketi.

105 Andi kwaambile, mukwesu, inga Nda sala kukambauka Makani mabotu, a kulya tunkwa twa soda a kunywa maanzi kuzwa ku kalonga, a kwaamba Bwini kujatikizya mbubo. Ikuti na bantu boonse ba mbunga yangu banyamuka akweenda kuzwa, inga Nda baambila Bwini kujatikizya ncico. Iiyi, ncobeni.

106 Ino ndipenzi nzi? Oh, walo muntu unyengelelwa kuli zyakuponena. “Ee, nywebo mulizi, Ndili mweembezi wa mbungano mpati kwinda iiliko mu muunzi.” Nywebo noba Baptisiti a Methodisti mula swiilila ku musinsimi mubeji. Lino, eco ncikali, pele kufumbwa cintu ciyiisya bwiimpene ku

Bbaibbele eli musinsimi mubeji. Nsekwe makani obo mbwanga kabambulwidwe kabotu, calo ncisinsimi cabubeji. Mbo mbubo.

<sup>107</sup> “Oh, zintuzyoonse zili kabotu kufumbwa kuti ujisi zina lyako mu bbuku.” Yebo inga kojisi zina lyako mu mabbuku manji loko. Ikuti na taliko mu Bbuku lya Buumi, uli sweekede! Inga konoli mubotu loko lyoonse, inga kosyomeka a kusalala a kulilemeka kabotu buyo mbuli mbo konzya kuba, eco tacikabi a cintu comwe cakucita ancico.

<sup>108</sup> Esau wakali mulombwana winiwini kwiindilila Jakobo mbwa kabede, cindi nicaka boola mukuba mwaalumi, kulanganya bawisi badaala boofu a zintuzyoonse zimbi. Elyo Jakobo wakali sibumpelenge muniini wakali kuyandisya kwiimaima muni lya aproni ya banyina, mulombe sibwanakazi muniini wakaindi. Pele Leza wakati, “Nda yanda Jakobo a kukaka Esau,” alimwi mulombe naba omwe katana zyalwa. Baroma 8 mbo yaamba obo. Mbo mbubo ncobeni.

<sup>109</sup> Leza ulizi cili mu muntu. Elyo Uli zyi eco cili mu mbungano, acalo. Tu ponena ku Cinkwa ca Buumi, Cinkwa ca Ijwi lya Leza. Lino, ako nkekaambo ta tuli kabungwe.

<sup>110</sup> Lino Ndi yanda kumupa bumbi muniini... Ndi yanda kumupa bupanduluzi buniini mbo Nda lembe awa. “I mupati...” Lino mu Ziyubunuzyo, mu 19:2. Ndi jisi cintucimwi ceengeledwe awa. Ndiya kulanga a kubona obo mbo cibede lino.

*Nkambo mbeta yako nja bwini a iluleme: nkambo wa beteka sikuvuula mupati, oyo wakabisya nyika a ibwaamu bwakwe, elyo wa liyankoto ku bulowa bwa bazike bakwe ku janza lyakwe.* (Ayo nge mamanino a mbungano ya Katolika.)

<sup>111</sup> Lino, tu yanda kuti muzibe, akwalo awa, kuti kabungwe—kuti kabungwe kala janwa akwalo mu Malembe awa, kuti i... Elyo Bbaibbele ta lyaambi zya kabungwe. I kabungwe kakazwa ku mbungano ya Katolika. Balo mbanyina bataanzi iba kabungwe, alimwi kabungwe akanwi kakaboola moonya mucuindi cakatobela. Lino, eci ciyo cisa loko ncobeni asyoonto. Ciyo cisa kwiindila kwiinda ciindi coonse, mwabona. Pele Ndi—Ndi yanda kuti mubone kuti kabungwe tii kakazyalwa na kwaanzwa aa Leza. Ka kaanzwa aa dyabulosi.

<sup>112</sup> Mbungano ya Leza ngu... Ta twaapaudwe pe, toonse tuli mubili omwe; bulangizi bomwe a njisyo, bomwe mu luyandisyo. Eyo ne Mbungano ya Leza muumi. Takukwe makani mbozibede, zyalo zintu, tuli bomwe antoomwe! Mbo mbubo. Naa ngwa Methodisti na Baptisti, mukwesu, ikuti na wakazyalululwa a kuzuzigwa a Muuya Uusalala, walo mukwesu wangu. Tu leenda mu lumvwano. Yaa. Iiyi, munene. Tacibambi lwandaano luli loonse.

<sup>113</sup> Musa. Ciindicimwi Nda langa konse a kwaamba, “Nywebo mulizi nkamu eyo yaba Pentekoste basikwiindilizya, Mukwesu

Branham, nkaambonzi ncongwa wasola kuunkila a nkamu mbuli eyo?" Nywebo mulizi cintu na? Musa wakalanga ku bana ba Israyeli. Wa kasondele mu mpulungwido njionya eyo Farao nja kasondelele. Farao wakabalanga mbuli nkamu ya basikukanda daka, pele Musa wa kabasondele mbuli basale ba Leza. Wa kalizi kuti baka jisi cisyomyo. Nkaambonzi? Wa kaciziba ku Ijwi. Elyo ku lusyomo. . . A cituta cakwe mu cuuno cabwami, kuti abe Farao, a inyika yoonse kaili kubweendelezi bwakwe, kakkede awo a kutila waini mu kanwa lyakwe, elyo banakazi babotu kaba muvupaula, mbuli mwaami, na muleli wanguzu zimaninide, na mwami wa inyika, Musa mukubusyi, kali amyaka iili makumi one yakukomena, kaijisi mu janza lyakwe. Wa kasondele ku nkamu eyo ya basikukanda daka, pele wa kalizi kuti wa kali umwi wabo. Aleluya! Nce ncico. Wa kalizi kuti wa kali umwi wabo. Elyo ku lusyomo, lulikke, wa kasala!

<sup>114</sup> Bantuboonse baleelede kusala. Yebo weelede kusala. Uyo sala lino. Uyo sala cifumo. Uyo sala masiku juunza, ikuti na kopona. Yebo weelede kusala ciindicimwi. Mukwesu, ciindi cilamfu cakainda Nda kasala. Eli Bbaibbele lyakali dikishinari lyangu. Eli Bbaibbele lyakali Bbuku lyangu ilya Buumi. Eli Bbaibbele lyakali Ijwi lya Leza. I Bbaibbele nde Ndi ponena wo. Eli Bbaibbele nde Ndi ima alyo.

<sup>115</sup> Aboobo, Musa wakasondele ku bana ba Israyeli. Elyo kutali biyo kuti wakati, "Oh, balo mbantu babotuloko. Nse jisi cintu nceba tongauka. Oh, peepe, inga tii Nda basampaula ku ijwi lyomwe." Eyo nje nzila bantu banji njoba cita sunu. "Oh, ba Pentekoste abo a bantu abo bajisi Muuya Uusalala, a bantu abo basyoma mu kuponesegwa kwa Buleza, oh, Nse—Nse—Nse jisi cintu cakuba sampaula." Pele oyo takali Musa. Wa kasiya Egepita a kuba umwi wabo. Wa kazwa akuba aakati ka babunyina bakwe. Wa kali umwi wabo.

<sup>116</sup> Mukwesu, awo Mpe sala nzila yangu. Ndiyo sala nzila abasampaulwa bace iba Mwami, na mba syoonto, kufumbwa mbobabede. Ba jisi cisyomezyo, nkabela Nda bona mazina abo mu Bbuku lya Buumi ilya Mwanaambebele. Balo mbakwesu. Mbo mbubo. Kubweza kusala kwako a kwiima ambabo. Baluleme na balubide, koima awo nekuba. Ikuti na bali lubide, koba gwasya kuti balulame. Yaa. To konzyi kubabamba kuba babotuloko kwiinda kukuba tandila koonse. Mwabona, ko sola kubagusya.

<sup>117</sup> Charlie, mbuli mbo bakaamba kujatikizya Mukwesu Allen, kujatikizya mulilo ngo. . .bulowa mu maanza. Nda kati, "Taakwe, taakwe ne Nda kaubausya A. A. Allen." Nda kati, "Ikuti na Nda konzya kukambauka mbuli A. A. Allen, inga akwalo Tii ndaba amuswaangano wa kuponya." Lino, cindi caboola ku kutazuminana aa bulowa kuba citondezyo ca Muuya Uusalala, mu maanza ako, Nse kazuminani a ceeco. Pele cindi caboola ku bunyina, walo mukwesu wangu. Nda ima mu lumvwano a nguwe mu nkondo. Mbo mbubo. Ikuti na uli lubide,

Ndiyo sola ku mugwasya. Elyo ikuti talubide, ikuti na Ndili lubide, Ndi yanda kuti andigwasye. Elyo yalo nje nzila njo tu—tu zwidilila. Lino amulange awa.

. . . waa kali *MAKANI AASISIDWE, BABULONI. . . I BANYINA WA BASIBWAAMU. . .*

<sup>118</sup> Sena mwabona lino obo mbungano sunu, beenzuma, konzya kubona obo mabungano aya sunu mbwaponi buyo nzila ili yoonse mbwa yanda kupona? “Kabotu kumaninina, kuzumanana ncobeni,” ngulube kulya ngulube, kutabikkila maanu. “Baa, taakwe bubi mukucita eco. Baa, usola buyo kuba ciyanza cakaindi.” Lino amulange njiisyo yabo. Ndi yanda. . . Lino amulange. Eco nce cilengwa cabo. Sena mula bona, kuti myaka misyoonto yakainda, kuti mbungano ya Katolika yakali imwi luzutu yakali kuzumizigwa kuya ku masinema? I mbungano ya Methodistii tii yakali kunga ya yeeya cintu cili boobo. Tubungwe toonse, “Peepe! Eyo milimo ya dyabulosi.” Nda libuzya eco cakacitika. Iiyi, munene.

<sup>119</sup> Elyo nywebo mulizi, inga mwatola basimbi bakubusyi bana Katolika, ba lazwa a tuntu otu tuniini. . . (Lino, nywebo nobamwi balombe bakakomena mbuli Ndime). . . mwazwa a kubona cintu eci ciniini oko nko baka jisi kuvumbwa kusika ku mazwi. Mulombwana oyo, Nda yeeyela kuti, uli mu gehena, sunumasiku. Nse zyi. Nseli mubetesi kuli nguwe. Pele cindi nakapanga nyimbo eyo syoonto ntaanzi yatombe yaka sweemukila muli basikapepele, kakutakwe kulangwalangwa, eyo, “Amusamunune, nobasimbi, amusamunune; amusamunune mapuling’I kusika ansi akutondezya mazwi anu mabotu.” Mbangaye baiyeeya cindi niya kasaanguna kuzwa, myaka yakainda? Oko kwakali kusweemuka kutaanzi mpoonya awo. Mbo mbubo. Elyo cindi niba kajana mulombwana oyu kuzwa ku Texas, a kutola banakazi kumasena ayo a kubelesya tubbudula twakunsi kubabamba kuboneka mbuli kuti bakali cintucimwi obo mbo baatabede, a zintu ezyo mbuli obo, akubaleka kakutakwe kusubulwa. Elyo lino cakacita nzi? Ca kasobelela kunjila mukati. Walo muuya.

<sup>120</sup> I mwaalumi wakali kwaambaula, buzuba bumwi. Wa kati, “Nse zyi eco nce Ndiyo cita. Ndi jisi mulombe, mubotu uusyomeka, elyo mulombe oyo ulimukuba loko mbuli zeezyo nzyabikka maanza akwe.”

Nda kati, “Nkaambonzi?”

“Walo unjilana a mubbi.”

<sup>121</sup> Wa njilana a muntuumwi uuli mubbi, uyooba mubbi omwini. Baama bacembele bana Kentucky bakali kunga baamba kuti, “Wa lala a mubwa uujisi ntabwa, uyooba a ntabwa, ayebo.” Wa bweza i—wa bweza mwanakazi oyo uutali kabotu, a kulekela musimbi. . . aku mubikka antoomwe a—a mulombe ulilemeka bweelede, elyo cintu citaanzi ulizi kuti ngu silunyemo loko

mbuli sikamikami. Kocibikka munzila imbi ilangene. Ula zibwa kwiinda ku balongwe bako. Koli pambula! “Amuzwe aakati kabo,” lyakaamba Bbaibbele, “amube bapambukene!” Mbo mbubo.

<sup>122</sup> Ikuti na kabungwe kajokela ku bubi mbuli kulekela bantu babo...Ee, kuno buzuba bumwi, mu mbungano ya Baptisti mpati mbotu, bakacita kumwaika. Buyo kukonzya kukambauka maminiti ali makumi obile, mwaalumi mbwa kakonzya, nkaambo mweembeli wa keelede kufweba. I mbunga yoonse yakazwa anze. Boonse bakaima anze awo mu mulongo kabafweba, a kujokela alimwi, mweembeli a boonse babo. Nda kaunka ku mbungano yabunakristo Ilyendelezuya, awo mwaalumi kaimvwi, ka samide hembe damfu lipati, kaimvwi awo, kati, kayaama ku cikambaukilo mbuli *obu*, kaambaula zya musyobo umwi wa lubaluba ndya kajana aa cilundu. Nkukoonse kwakali kujatikizya ndilyo, elyo wakajokela anze. Elyo tunwe twakwe twakali yello nkambo ka busi bwatombwe. Iiyi. Elyo kwaambaula kuti banakazi, kuti mwaalumi wakali kuyo sobana...Ncisobano nzi eci caci German nco basobana aco, kanji loko ula—ula vozya makkadi, nywebo mulizi na? Kajisi...Oh, Ndali kuyeeya kuti no Nda wiibaluka. Musobano wanjuka, bakali kuunka kuyosobana cisobano canjuka. Ndi yeeya kuti mbo mbubo. Inzya, nkooko kocita. Nkusobana kwa njuka kwalyoonse. I cisobano canjuka, mu kaanda kaansi! Ma, yaa! Awo mpaali ntalisyo yaco. Ta cigambyi! Cenzi? Bala cita eco, elyo mpawo balaingolola kujatikizya mbungano ya Katolika kumasena aya aa zilawo Zyakulidamali a kusobana zyaku janina mali. Nkaambonzi, nywebo noba Protestanti muli bafowi buyo mbuli mbobabede, aboobo ncinzi ncomukonzya kwaamba kujatikizya ncico? Mupika taukonzyi kwiita nketulo kuti “sitombe.” Peepe ncobeni. Yebo uli mukucita eco, mpawo kwaamba, “Ee, Ndi muna Presbyteria. Ndi muna Methodist.” Toli cintu kusikila wazyalululwa sansi. Mbo mbubo. Elyo cindi wa cita eco, ulizi. Kuli cintucimwi muli nduwe cikwaambila kuteeti zintu ezyo nzibyaabi, nkabela uyo zwa kuli ncico masimpe mbubonya mbuli munini loko ku dakisi. Yebo ulizi obo Mbwini. Cilimasimpe. Iiyi, munene. Ezyo zintu zila zuminana muli eco. Nkaambonzi?

... I BANYINA WA BASIBWAAMU ...

<sup>123</sup> Bumwi bwa mazuba aya, banyina bacembele bakati, “Yebo ulizi na? Nekubaboobo, oyandwa, toonse tuli elene.” Elyo sa mulizi mbocibede kai? I Nsanganano ya Mabungano ayokamantana oonse mbuli mbwabede lino. Elyo sa mulizi eco ciyo citika ku nkamu niini mbuli eyi? Muyo subulwa nkambo ka ncico, balombe. Mbo mbubo ncobeni.

<sup>124</sup> Pele mutapengi, Mwanaambebele uyo muzunda. Nkambo Mweendelezi wa Mweendelezi, a Mwami wa bami, elyo Leza uyo sololela Mbungano Yakwe, mubusena bwa kabungwe.

Uyo tila Mafuta ayo mabotuloko aa Muuya Uusalala aa Mbungano eyo. Mukwesu, Mulilo uyoowa kuzwaku Julu, elyo zitondezyo a zigambyo ziyo citika, mbuli mbo mutana bwene. Iyi, munene. “Uta yoowi, okatanga kaniini, nku luyando lubotu lwa Uso kukupa Bwami.” Iyi, munene. “Oyo ukakatila kusika kumamanino!” Mpaawo mwaunka. Kokkalikila ncobeni mpoonya aa mugwagwa. Kolungumika mutwe wako ku Kalivari. Eli Bbaibbele lili luleme. Uta pengi.

<sup>125</sup> Lino amulange. Kuli zilengwa zimwi nzoba jisi. Kulilemeka kumwi nko bajisi. Inga twa zumanana buyo. Cintu citaanzi mulizi, cakadonkokela mu mabungano aa Protestanti. Mpaawo banakazi ba Katolika batalika...Baa, tii cakali cibyaabi kusama tubbudula tuniini, kufumbwa kuti bakali kuunka ku mbungano a kusama tusila tuniini ku mitwe yabo. Musyobo umwi wa kansiyansiya, “Uta lyi nyama iili yoonse Bwasanu.” Elyo, oh, mpaali mpo mwakasola kujana kusama tusila ku mitwe yanu kutegwa munjile mu mbungano? Ndi yanda kuti munditondezye Malembe. Bwalo mbusinsimi bwa bubeji. Mpaali mpo cibede mu mbungano mpo mweelede kusama kagowani mu mbungano? Cindi wasama kagowani ku mutwe wako, uubausya Kristo, yaa; baalumi, mbe Nda amba. Banakazi, muli jisi civumbyo, pele Ndiyo zundikizya muntu uuli oonse kundi tondezya awo kagowani na kasila. Alo masusu anu! Elyo mwagela kumaninina. Lino ino kujatikizya eco? Oh, ba lati, “Eco nciyanza cakaindi.” Na mbocibede, a Bbaibbele mbolibede! Elyo Ijwi lya Leza lili luleme.

<sup>126</sup> Nkeambaula kuno, kutali cindi cilamfu cainda, zya mwanakazi wakali kusanzya matende aa Jesu, a kubweza masusu akwe, nywebo mulizi, a—a kwa pukutya angawo. Nda kati, “Inzila buyo mwanakazi mbwa konzya kucita eco, nkwiima aa mutwe wakwe kuba a masusu akubwene kusika ansi awo kuti asanzye matende Akwe, a kupukutya.” Mbo mbubo. Oh, mbocibede, alo mause kubona nzila i. . . Nceeci, ciindi citontola loko, kuya bweenda konse kosamide kabbaki kaniini kavungaila mbuli obo, a mibili yabo yacinswe kiitondezya.

<sup>127</sup> Lino wati, “Nkaambonzi nco loolola kubwekela banakazi?” Mwe elede kuloolwedwa kubwekela.

<sup>128</sup> Elyo nywebo no baalumi nomu lekela banakazi banu kucita boobo, mukwesu, Nse—Nse zyi eco cakuyeeya kujatikizya ndinywe. Lino, mbo mbubo.

<sup>129</sup> Elyo nywebo no beembeli, Nse yeeyeli kuti nkomuli. Pele ikuti na mwabona mulombwana, amu mwaambile kuti koboola, kumwaambila, ku ndibona. Mwabona? Ikuti na tajisi buyo bulemu kuli Kristo uyo lekela mbunga yakwe kucita mubuteteete kakutakwe...Lino walo...Inga bacicita kuya kunze lyakwe, pele ikuti na ta baambili makani aco, ta eeleli kuba muzike wa Jesu Kristo. Mbo mbubo ncobeni. Ta eleli kuba muzike wa Kristo. I muzike wa Kristo weelede kutaba

mukandu ikuti na kaambo kaboola ku Bbaibbele. Cilimasimpe. Pele mbaabo we, bala unka kuya a kucicita nekuba.

<sup>130</sup> Elyo mpawo, cintu citaanzi mulizi, ba Protestanti baka cizumina. Yebo omuna Methodistu mubotu, alimwi yebo omuna Baptistu, a yebo omuna Presbyteria, na Nazareni, Pilgrimu Holinessi, alimwi nyoonse nywebo, cintu ncoonya, cakazwa ncobeni, cisambomwe cacimwi, acisambomwe ca cimbi. Nceeco we, “Banyina wa basibwaamu.” Kabungwe kanu, “Kufumbwa kuti bakatalikila ku masena aendelezwa, ndwandaano nzi ndo cipanga?” Mwabona? Cipanga cintucoonse ca lwandaano. Tii caka talika ku, Masena *ayo* akweendelezwa. Antela inga catalikila ku masena anu a kweendelezwa awa eni, pele kutali Imwi eyo Atala. Citola buyo oko nkozwa. Obo mbwini.

<sup>131</sup> Lino, Ndi yeeya kuti ta tujisi ciindi kujana eci cimwi cimbi, ndiza ncibotu Nda cisiya kuya kuba ca cifumo. Ncibotu, atu bweze buyo cimwi eci cisyonto acifwaafwi. Tuli jisi, awa, “lubbizyo lwamu maanzi.” Tuli jisi akwalo “kukanzwa,” a, oh, zintu zinji. Aboobo atu bweze buyo eci, eci cifwaafwi, cimwi cisyonto “bakambausi banakazi,” elyo kubweza cimwi eci.

<sup>132</sup> Lino, lino, mukambausi mukaintu, Nse yanda kucisa kulimvwa kwako, pele Ndi yanda ku kwaambila cintucimwi. To jisi kabeela komwe ka Malembe, taakwe komwe mu Bbaibbele. Inzya, Ndi lizi nko unka, elyo Nda kacita koonse kwako, inzya, “Elyo bana balombe abasimbi banu bayo sinsima.” Lino, ikuti na mweembeli wako tazi bbala “kusinsima” nco lyaamba, walo—walo tazi cintu pe. Ta jisi mulimo maningi wakuba kunze lya cikambaukilo, kusola ku kwaambila kuba mukambausi. Mwabona? Nkaambo calo, cakumaninina, kupedwe mulandu kuzwa ku Matalikilo kusikaku Ciyubunuzyo. Lino andi kutondeze eci, wabona.

<sup>133</sup> Lino Ndi yanda kuti ujulule kuli Timoteo Mutaanzi 2:11. Amu jule buyo awa elyo tuyo bona eci lino, elyo tuyo jana eco awa, akwalo, Incito 2 yanu. Inzya. Elyo amu swilile buyo—buyo awa Malembe nca elede kwaamba kumakani a ciiyo eci.

<sup>134</sup> Lino, muntuumwi waka zumanana kwaamba kuti, “Ee, Mukwesu Branham, uli buyo sikusulaika wa banakazi mudaala.” Nseli sikusulaika wa banakazi. Ndili i... Nse botelwi biyo kubona banakazi kabasola kubweza masena ayo moba tazulilwi.

Mula yeeya Kubambilwa maato kwa Howard okuno, bumwi bwa masena a kubambila maato buzwidilide loko buliko ku Mulonga Ohio? Ba kabikka mwanakazi ku bweendelezwa. Amulange eco cakacitika.

Ba kapa mwanakazi nguzu zya ku voota. Amulange eco cakacitika.

<sup>135</sup> Andi mwaambile ndyoonya lino. Kutali kukupulula banakazi. Ndi yanda baalumi kumwisya kuti muli mu kaziye kuli ceci anywebo. Pele andi kwaambile cintucimwi, mukwesu.

Eci cisi ncisi ca banakazi. Ndiyo tondezya eco kuli nduwe, kwiinda ku Malembe, kwiinda ku cintu cili coonse eco ncoyanda kutondezya aco. Nce ncico. Ncinzi ciboneka aa mali esu? I mwanakazi. Mpaali mpa janwa? Mu Ziyubunuzyo, awa, mula mubona. Walo ngwa myeelwe ili kkumi ayotatwe, akwalo, zintuzyoonse nzya katalika; nyenyeezi zili kkumi azitatu, myeengo ili kkumi aitatu, masi akweendelezya aali kkumi aotatwe. Kkumi aotatwe, zintuzyoonse zyakali kkumi azitatu, ku matalikilo. Ula bonekela mu cipati 13 ca Ciyubunuzyo. I mwanakazi, kkumi azitatu!

<sup>136</sup> Elyo mu 1933, cindi Mwami...Cindi nitwa kajisi miswanganano okuno awo mbungano eyo ya Kristo mpo iimvwi lino, ng'anda yakayakwa aa Mabwe yakaindi, cilengaano ca Mwami caka ndiboolela awa a kwaamba ziciza kuti "Germany iyo buka a kuyaka obo Bulambo bwa Maginot kuya." Bunji bwanu mula ciyeeya. Elyo nzila mbobayo likwabilila boonse mukati muya, nkabela bana America bayooba a kuzunda kupati nkoonya kuya ku bulambo obo. Elyo akwalo cakaamba ciyo citika, a kujatikizya Roosevelt a zimwi zintu, obo mbwayo ima akuzwidilila kuba a ciindi cane cakulela. Cakulondoka, mbubonya buyo nzila mbo cakacitika. Elyo akwalo cakaamba kuti myootokala iyo zumanana kuyabuba mbuli ijii, kusikila mazuba aku mamanino inga ayooba muciiimo ca ijii. Elyo Nda kati, "Ciyo citika kuti myootokala eyo taino nyonwi aamibalo pe. Ciyooaba cintucimwi cuenzya." Yalo myootokala eyi njobali mukupanga ndyoonya lino, iylendelezya aamasigino, ku bukwalibili. Mbombubo. To kakonzyi kunjila muunzi... Mpawo, cilawo ca mamaile aali makumi obile, inga weenda buyo mamaile aali makumi obile. To konzyi kupunka motokala umbi, nkaambo ula lyeendelezya aamasigino. Mwabona, ciyabuya mbuli obo, elyo ndyoonya lino. Elyo Nda kati, "Amuyeeye, mu buzuba obo, kakutana boola ciindi caku mamanino, kakutana boola ciindi caku mamanino, kuti mwanakazi...Lino, amu cibambe eci kacilembedwe nyoonse. Kuyooaba mwanakazi, wanguzu maningi uyobuka, na kuba Muleli, naa muleliwanguzu zimaninide, na mwanakazi umwi wanguzu maningi mu United States eyi. Elyo iyo nyomena, kubwendelezi bwa koongelezya kwa banakazi. Lino, amu yeeye, ngu MBUBOOBU MBWAAMBA I MWAMI." Mwabona?

<sup>137</sup> Elyo uli lubide. Elyo ino capa mweenya kunzi? Andi mwaambile. Amube basimuuya. Atu...Amu jule. Amulange. Nkaambonzi nco cicitila eco? Kupa mbungano ya Katolika busena bwa kunjilila. Mwabona? Mu komba bantu aba bamu zipekupeku a zintu zyoonse ezi zimbi zyandeene okuno. Amuyeeye nkambauko Nje kakambauka? Margie, ula yeeya, myaka yakainda, aa i-i kusaalwa kwa United States, kutola bweendelezi bwa mfulumende ya America. Elyo obo mbo Nda kati wa kabuka mu Paris nitwaka mana kubavuna kuya kuzwa ku banakazi abo, waini a ciindi cibotuloko. Elyo wa kaselukila



moonya mu Hollywood. Lino, mubusena bwesu bwa kutuma ku Paris kuyo jana bantu bali mikozyanyo ilondokede, bakatuma kuno kuzojana bantu bali mikozyanyo ilondokede. Ino ca kacita nzi? Ca kaba...Tii twakali kulekela bana banu kuunka ku masinema, pele wa kanjila moonya mu cipekupeku, kayabuya kwini mubusena a kusofwaazya cintu coonse, mukucibelesya moonya mubusena. Elyo mpaawa mpo tubede sunu, boonse basimbi baniini a balombe, mbuli misyobo yoonse imwi yaba sikusangabalisyu bamu zipekupeku. Ino ncinzi? Ci bamba nzila. Mulombe, mwanakazi omwe simpuwo mbi inga watuma bantu banji ku gehena kwiinda basikusambala makoko kunzacuulu boonse mbo mukonzya kusanganya mu muunzi. Mbo mbubo. Amu mulangilile kaselemuka mu kagwagwa a zisani zyakwe kazivumbwidwe kusika aansi, taakwe ndaba na mwaalumi nguni, ikuti na mwaalumi uukkwene wanseba mbotu, cindi amulanga ulelede kuba a cintucimwi citabikwa kuli nguwe. Lino kosyomeka buyo. Ta ndikwe makani . . .

<sup>138</sup> Nda katambula Muuya Uusalala kwa myaka. To konzyi kulanga ku mwanakazi nkabela walo katasamide cakumaninina. . .Ndi—Ndi bwezelezya ciingano ciniini mu mootokala wangu, bunji bwanu mwaka cibona. Muntuumwi waka ndaambila kuti, “Sa uli muna Katolika?” Nkokuli Katolika nkoya kasola kujana nguzu ku ciingano? I ciingano caamba “Munakristo.”

<sup>139</sup> Zyalo zya Musalali wakaindi muniini Cecilia a zintu ncaando ca Bunakatolika. Ta tusyomi mu zintu zili boobo mbuli ezyo. Tu syoma muli Kristo. Bali jisi misyobo yoonse ya bantu bafu mbe bakomba. Calo nciimo caatala cabube bwamizimo. Coonse mboicibede, kukomba bafu. Taakwe cintu cili boobo, peepe.

<sup>140</sup> Nda kabuzya mupaizi oyo. Nda kati, “Nkaambonzi nobakacita, kai, ikuti . . .Petro wakali pope mutaanzi?”

Wa kati, “Mbo mbubo.”

<sup>141</sup> Nda kati, “Mpawo nkaambonzi Petro nca kaamba kuti, “Taakwe sikukombelezya uumbi aakati ka Leza a muntu pele Muntu oyo Kristo Jesu”? Kakuli muli jisi banakazi bafu bali zyuulu zyosanwe, a zintuzyoonse zimbi, mu babamba kuba basikukombelezya. Lino ncinzi cakacitika?” Nceeco we. Taba jisi bwiinguzi kuli eco. Mbo mbubo.

<sup>142</sup> Lino zimwi njiisyo zyabo, njiisyo zyabo zybubeji, cikama ca basinsimi ba Protestanti babeji basika koonse a ku yiisya eco, elyo nywebo no bantu ba Protestanti muli mukuczumina. Mbo mbubo ncobeni. Tubungwe a ziimo zya lubbizyo, a milazyo yandeene a zintu ezyo nzo mwiinda mo, ezyo zitali zya Malembe kumaninina. Ala ilwana, mu Malembe, nekubaboobo mula zikotamina ncobeni. Bwalo mbwini.

143 Lino amuswiilile kuli eci kujatikizya bakambausi banakazi. Ncibotu. Timoteo Mutaanzi, Ndi yanda Timoteo Mutaanzi 2:11. Lino amuswilile eco Nca amba awa.

*Amuleke banakazi banu baiye cakulibatamika ku bweendelezi boonse.*

*Pele Nse zumizyi mwanakazi ku yiisya, na kulangila aa mutwe mwaalumi, pele kanga kabaumwine.*

144 Nse jisi bwiinguzi bwa kucibikka mukati omo. Ndi jisi mulimo wa kumwaambila kuti ali mukati muya. Mwabona? Mwabona?

*Amuleke banakazi banu baiye a kuba ku bweendelezi boonse. (Ikuti na mwakasola kunjila mbungano ya Orthodoxisi a kuba langilila, mwabona. Mwabona?)*

*Pele Nse zumizyi mwanakazi ku yiisya, na kulangila aa mutwe (kuba mweembeli, daikona, na kufumbwa cintu mbuli boobo) mwaalumi, mwabona, kulangila aa mutwe mwaalumi, pele kanga kaumwine.*

*Nkambo Adamu wakasanguna kulengwa, elyo mpawo Eva.*

145 Sena mwa kalizi? Amu swiilile, banakazi. Nywebo no banakazi, balulami Banakristo balo ncintu cibotu kwiinda eco Leza ncakonzya kupa mwaalumi, na inga Wa mupa cintucimwi candeene. Iiyi, munene. Mwabona? I mwanakazi akwalo takali mu bulenge butaanzi. I mwanakazi tali cipange cakalengwa kwa Leza. Walo ncipangulule cizwaku muntu. Leza wakalenga muntu, bonse mwaalumi a mwanakazi. Elyo Wa kaba pambukanya. Elyo kumane kuti muntu wakali kupona kale aa nyika a kuuzika banyama, a kupona awo kwaciindi cilamfu, Wa kagusya kabambo ku lubazu lwa Adamu, mbuli cipangulule, aku panzya mwanakazi kuli nkako. “Adamu wakalengwa kusaanguna, elyo mpawo Eva.” Lino amulenge.

*Elyo Adamu taakwe nakeenwa, pele mwanakazi mukweenwa waka janwa mu nsotoko.*

146 Leza wakabweza mwaalumi. I dyabulosi wakabweza mwanakazi. Amu cilange, kudunamina mu busyu, eco ncali mukucita sunu. Amu lange ku Mbungano iini ya Leza, iyo amba, “Jesu!” I sinkondonyinakristo uyo amba, “Maria!” Amwiilange yalo myuuya. Mwabona? Njeeyo we. “Wabonwa Maria, banyina Leza, uli lelekedwe aakati ka banakazi, nkabela kotu kombela toba sizibi lino, aku buzuba bwa lufu lwesu. Ameni. Maria, kokomba!” Oh, ma, yaa! Mwabona, mpaawo mwaunka, “mwanakazi,” cibelesyo ca dyabulosi. Kristo, cintu cikombwa, elyo Umwi luzutu! Mboobo we. Mboobo we.

147 “Elyo Adamu ngu wakasaanguna kulengwa, elyo mpawo Eva.” Adamu taa keenwa. Elyo mbobuti mbo mukonzya ikubamba mwanakazi kuba mweembeli, daikona? Adamu taa

keenwa, pele mwanakazi nguwa keenwa. Waa kacitwa, mubwini. Ta kali kuyeeya kuti wakalubizya, pele wa kacita. “I mwanakazi mukweenwa wakali mu nsotoko.” Nkaambo, walo, zindizyoonse kuti i—i dilwe lyano yabuya mu mugwagwa, mwanakazi ngu wakalicitya. Ziindizyoonse muvwanda nakakwiila, mwanakazi ngu wakakucitya. Ziindizyoonse muntuumwi nakafwa, mwanakazi ngu wakakucitya. Imvwi zyamasusu zyoonse, mwanakazi waka zicitya. Zintuzyoonse, a lufu, mwanakazi ngu wakakucitya. Zintuzyoonse zilubide, mwanakazi waka zicitya. Elyo mpawo kumubikka kuba mweendelezi, mweembeli, oh, bishopo ziindizimwi. Mause kuli nguwe.

<sup>148</sup> Lino andi munjizye muli eci, cimbi, kaindi buyo kaniini. Mwabona? Lino atu jule ku Bakorinto Bataanzi 14:32 awo, a kubona eco Paulo ncaamba awa, elyo mpawo tuya nkoonya kuli amwi ambi, kaindi buyo kaniini. Elyo mpawo ta tuyandi kumujata kwa ciindi cilamfu, cakuti muyo katala maningi cifumo kutakozya kujokela. Ncibotu. Ndi yanda kubala. Mbangaye basyoma kuti Paulo wakali mwiiyi wakananikdwe? Lino, amuyeeye, Paulo wakalembela eci Timoteo akwalo. Mwabona? Cakuti, lino, Bakorinto Bataanzi 14:32. Lino atu talike mpoonya awa, a katalika kubala awa, 14:34, Nda syoma.

*Amu leke banakazi banu kabanga kabaumwine mu mabungano: . . .*

<sup>149</sup> Sena mwamvwa eco ncaamba?

*Amu leke banakazi banu kabanga kabaumwine mu mabungano: nkambo ta ku zumizigwi kuli mbabo kwaambaula; pele baka laililwa kuti babe kubweendelezi, . . .*

<sup>150</sup> Sena mujisi kubala kwa mumbali aali ceeco? Ikuti na muli jisi, amwiitobezye musule a kubona ikuti na taibwezi Matalikilo 3:16. Cindi Leza na kaambila Eva, nkaambo kakuti waa kaswiilila ku nzoka mubusena bwa mulumi wakwe, kuti uyo mweendelezya mazuba onse a buumi bwakwe. Mbobuti mwanakazi mbwakonzya kuboola a kweendelezya mwaalumi, kuba mweembeli na daikona, kakuli Bbaibbele lyakati abe “kubweendelezi,” mbubonya mbo cakabede kumatalikilo? Cindi Na . . . Leza—Leza takonzyi kucinca pe. Tamu konzyi kubamba Ijwi kwaamba cintu cimwi *awa* a cintu cimbi *awa*. Tali ciciti. Calo ncintu ncoonya ciindi coonse.

<sup>151</sup> Aboobo, kumatalikilo, oko nkonkuko, eci kacitana mana, ikuti na Nda jana ciindi cikubwene, Ndi yanda kululamika ako kaambo ka *Lukwatano A Kulekana* nkambo ka ndinywe. Nsena cicita mu mbungano eyi. Pele amulange cizuminano eci cabubili. Umwi waamba kuti inga waa kwatwa; aumbi wakati takonzyi kukwatwa; elyo umwi oyu waamba *eci, eco*, na *cimbi*. Amulindile buyo kaindi kaniini a kubona eco Bbaibbele ncolyaamba, cindi twa sika kuli eco. Mwabona? Ncibotu. Lino amulange awa.

*Amu leke banakazi banu kabanga kabaumwine mu mabungano: . . . ta ku zumizigwi kuli mbabo kwaambaula; pele baka laililwa kuti babe kubweendelezi, akwalo mbuli mbo waamba mulao.*

<sup>152</sup> Mpawo, mu Cizuminano Cakale, tiiba kali kuzumizigwa kwaambaula, nkaambo Paulo wakati awa teebe kali kucita. Sa mbombubo? “Amu leke banakazi banu kabaumwine. Kwalo nkuswiilila.” Lino ikuti na mwa kutobezya kubala kwanu kwa mumbali awo, kuyo mujosya ku Matalikilo 3:16. Mwabona? Ncibotu. “Kunsi, mbuli kunsi kwa mulao.”

*Elyo ikuti ba . . . baiya kufumbwa cintu, balekwe babo . . . babuzye—babuzye balumi babo . . . ku ng'anda: nkambo alo mause ku mwanakazi kwaambaula mu mbungano.*

*Iinzi? . . .*

<sup>153</sup> Lino amu lange kakwalu ako kamubuzyo kamwi akamwi mu Mabbaiibbele anu, ali eco, “Iinzi?” Ncinzi cakapa Paulo kwaamba boobo a kucicita mbuli boobo? Lino, ikuti na mukasole kujana magwalo ayo Bakorinto nge bakalembela Paulo. Lino, inga mwaaajana mu laibrari mbotu iili yoonse, mwabona, ayo Bakorinto ngeba kalembela Paulo. Ba kalemba a kumwaambila, kumane kuti banakazi abo bakasanduka. . . Ba kajisi i—i kaleza kanakazi atala awo, kakali kutegwa “Diana.” Elyo kakali kaku Efeso, akalo. Elyo Bakorinto bakali kukomba nkako, nkaambo bwakali bukombi bwa buhedeni. Elyo baka jana mwaala kuya mu muunda buzuba bumwi, wakali kuboneka mbuli ciwa ca mwanakazi. Ba kati, “Leza walo mwanakazi, elyo waa tulosezya cinkozya cakwe.” Elyo tempele lyabo lyakali kwiindilila maningi ku tempele lya Solomoni, ba kaamba, basimakani aakale. Oh, lyakali lya mabwe alaimo koonse, mukati lyakayalidwe ngolide; awo, tempele lya Solomoni lyakapangidwe aa kedara, mukati lyakayalidwe ngolide. Mwabona? Elyo lyakali kwiindilila maningi kuli ndilyo. Elyo kuteeti, mpawo, ikuti na Leza wakali i—i mwanakazi, baa, masimpe, na kali kunga ulijisi bapaizi banakazi. Masimpe, ikuti na Leza walo mwanakazi, nkokuti mukambausi mwanakazi uli kabotu. Pele, Leza walo Mwaalumi. I Bbaibbele lyakati Wa kali Mwaalumi, alimwi Walo Mwaalumi. Mwabona? Elyo ikuti na Leza wakali Mwaalumi, nkokuti kweelede kuba mwaalumi.

Lino amubone awa, “Iinzi?”

<sup>154</sup> Lino, bamwi babo bapaizi banakazi, cindi niba kasanduka kuzwa ku buhedeni kunjila Bunakristo, baka yeeya kuti bakali kukonzya kuzumanana mu zyuuno zyabo mbuli bakambausi, kusika buyo kucinca kuya kumbi. Ikuti na baka kambauka kuya kujatikizya Diana, bakasika kucinca awa akukambauka zya Kristo.

155 Wa kati, “Inzi? Lyakazwida kuli Ijwi lya Leza. . .” Amu swiilile buyo Eci. Mukwesu, mbobuti bakutausi mbo bakonzya kucita eco? Kampango ka 36.

*Inzi? lyakazwida kuli ndinywe ijwi lya Leza? na lyakasika kuli ndinywe buyo?*

*Ikuti muntu kaliyeeya mwini kuba musinsimi, na simuuya (taelede akwalo kuba musinsimi; muntu buyo uyeeya cakumuuya), azibe kuti zintu nze Nda mulembela milao ya Mwami. (Mula syoma obo?)*

*Pele ikuti walo, ikuti na ngumwi takwe luzibo, amu muleke buyo katakwe luzibo.*

156 Lino, oko nkumaninina ncobeni buyo mbuli Mbwe konzya kucibikka. Mwabona? Wa kati, “Ikuti na muntu walo muntu simuuya, na musinsimi, uyo ziba kuti eyo Nje wamba awa Milao ya Mwami.” Pele wakati, “Ikuti walo—ikuti walo uyooba uutakwe luzibo, amu muleke buyo abe uutakwe luzibo.” Mwabona, cintu buyo nco mukonzya kucita. Ba yanda kuzumanana kuli ncico, mweelede biyo kubaleka kabaya, nkaambo wa kacibona kacitalika awo.

157 Elyo mwanakazi umwi waka ndaambila, kati, “Oh, Paulo wakali buyo mudaala sikusulaika wa banakazi.”

158 Ta kali sikusulaika wa banakazi. Nywebo mulizi, Paulo wakali muapostolo, alimwi ku Mbungano ya Bamasi. Amulange awa. Sena mwakali muzyi Paulo. . . Mbangaye basyoma ezyo Paulo zyaka kambauka? Sa eco nca—nca kaamba awa? Elyo Paulo wakati. . .

159 Yebo wati, “Ee, kolindila aniini lino, Mukwesu Branham. Kaindi buyo kaniini! Lino, bishopo wesu waamba kuti eco cili kabotu. I mulinguzi waboonse, Assemblisi, yaamba kuti cili kabotu. I bishopo wa Onenessi waamba kuti cili kabotu.”

160 Ta ndikwe makani eco nco baamba. Nca lweeno! Elyo Nda mwaambila kuti tuyo yasa eci kuba ciyumu. Elyo basinsimi babeji bayo amba boobo. Nkambo Bbaibbele lyakati, “Ikuti na muntu uuli oonse ulali yeeya mwini kuba simuuya, na musinsimi, a zibe kuti eyo Nje wamba Milao ya Mwami.” Elyo ikuti na muuya wakwe taupi bumboni ku Ijwi eelyo, walo musinsimi mubeji, ku kotalika. Inga ndasala kuba sikusulaika wa banakazi kwiinda sibanakazi, kweenda mu zintu mbuli ezyo, kulekela zintu mbuli ezyo mbuli mu Mbungano ya Leza, ziimpene ku milazyo ya Leza. Elyo Paulo wakati. . . Amujane ba Galatia 1:18. Paulo wakati, “Ikuti Angelo uzwaku Julu akakambauke makani mabotu ambi ali oonse kunze lya ayo nge Nda kamu kambaukila, akabe mutuke.” Lino muyo citaanzi kujatikizya Eco?

161 Lino yebo wati, “Ino kujatikizya Mpo lyaamba kuti, ‘Bana banu balombe abasimbi bayo sinsima,’ muli Joeli, a—a busena Petro mpa kabalulula aa Buzuba bwa Pentekoste?” Obo mbombubo ncobeni.

162 Sena mwakalizi, mu Cizuminano Cakale, kuti nzila biyo, a nzila biyo lino, yakuti kufumbwa muntu inga wanjila mu cizuminano, kwiinda, kuli Abrahamu, wakali umwi wakapegwa cisyomezyo, elyo i—i caando ca cisyomezyo cakali kwiinda ku kupalulwa. Mbangaye bazi obo? Oyo wakali Leza kasimpikizya.

163 Mbuli mukwesu muna Baptisti, wa kati, “Mukwesu Branham, baa, swebo tobana Baptisti twaka tambula Muuya Uusalala.”

Nda kati, “Nde lili nimwa Kau tambula?”

Kati, “I ciindi nitwa kasyoma.”

164 Nda kati, “Paulo wakati, ‘Sena mwaka tambula Muuya Uusalala kuzwa nomwa kasyoma?’” Mwabona? Nda kati, “Lino, nywebo noba Baptisti amuboole a kubweza cimwi ca Ceeco, nkabela tuyo bandika bukwalibili bumwi Butamani a ndinywe.” Nda kati, “Pele, ee, mpaali mpo Muu tambula mbuli boobo?” Mwabona?

165 Wa kati, “Sena mwa Kau tambula *kuzwa* nomwa kasyoma?” Ba kali basyomi, nkabela kaba jisi koongolola a lutangalo a zintuzyoonse zimbi. Tiiba kalina tambula Muuya Uusalala. Paulo wakaamba kuti tiiba kajisi. Mwabona? “Sena mwaka tambula Muuya Uusalala kuzwa nomwa kasyoma?”

Ba kati, “Ta tuzi naa kuli Muuya Uusalala uuli oonse.”

Kati, “Mpawo mbobuti mbo mwaka bapatizigwa?”

166 Ba kati, “Twa ka bapatizigwa.” Pele, cabubeji, mwabona. Aboobo wa kacita kubapatizigwa, alimwi. Ncibotu.

167 Lino amubone eci lino, kuti bakambausi aba banakazi, cindi noba kanjila, baka yeeya kuti inga babweza bweendelezi bwabo. Pele taku zumizigwi ncobeni kuli Leza kucita boobo. Elyo amu. . . kuciindi buyo notuli mpoonya awa a ciyo eci, banakazi aba, mwabona. Elyo ci, lino, wa kati, “Ikuti na kuli muntu uuli oonse aakati kanu, uli ngu simuuya, na musinsimi, amu muleke azibe kuti eyo nje Nda lemba yalo Milao wa Mwami. Pele ikuti na takwe luzibo, amu muleke buyo katakwe luzibo.” Elyo ako nkekaambo i. . . cikombelo eci ta ciimi a kunanika bakambausi banakazi, badaikona banakazi, na kufumbwa cintu ca mwanakazi kucita mbuli mulimo wa cikombelo eci, nkaambo kakuti Malembe aya ali bikkidwe awa nkabela ala ntangalala.

168 Lino, Bbaibbele lya kati, “Bana banu balombe abasimbi bayo sinsima.” Lino, ino bbala *kusinsima* lyaamba nzi? Amu lilingule. Kwalo “nkwaamba cintucimwi, kungsi lyabunanike,” na “kwaamba ciciza.” Ndi bbala lijisi bupanduluzi bunji.

169 Mbubonya mbuli *kusalazya* lyaamba “kusalazigwa, a kubikkwa ambali ku mulimo.” Mwabona? Na, ndi bbala lijisi bupanduluzi bunji, kupandulula kwindilila ku cintu comwe, mbuli mbo tujisi kunjii loko kwa ngawo mu Chikuwa awa.

170 Mbuli, inga twaamba bbala “boordi.” Ee, ino inga *boordi* lyaamba nzi? Yebo wati, “Ee, wa amba kuti wabbadela *cilyo* cakwe.” “Peepe, ta kacita. Wakali kupandulula kuti wa *kadonkola* cipulo.” “Peepe, ta kacita. Wa kali kupandulula kuti wa *mucima*.” Na, nywebo mwabona, bbala buyo, weelede kuziba eco ncokanana. Mwabona?

171 Elyo nje nzila mboibede a bbala eli lijisi bupanduluzi bunji, awo, “Bana banu balombe abasimbi bayo sinsima.” Lino, nzila luzutu eyo Leza. . .

172 Oyu muna Baptisti wakati, “Ee, twa katambula Muuya Uusalala.” Nda kati. . . “Mpawo ni twa kausyoma.” Nda kati. . . Lino, mwabona, wa kati, “Leza wakapa Abrahamu i. . .” Kati, “Abrahamu wakasyoma Leza.” Eyo nje nzila mbwa kacibikka. Wa kati, “Abrahamu wakasyoma Leza nkabela ca keelezegwa kuli nguwe ku bululami.” Mbangaye bazi kuti obo mbwini? Lino amulange obo—obo Saatani mbwakonzya kusobelela kunjizya eco cabuteteete ku mukwesu. Mwabona, cabuteteete buyo. Lino, ayo Malembe.

173 Mukwesu, Nda kwaambila, muli eci atala awa, we elede kunanikwa kotana njila eci. We elede kunjila mu kampetu a kukomba. Bantu balati, “Nkaambonzi tounki kumasena kuyobona bantu?” Mukwesu, ikuti na uyoambaula ku bantu na kuba yiisya, yebo ncibotu wali pambula, akuba a Leza, kwa kaindi, kotana njila mu cikambaukilo eco. Cilimasimpe, mwabona, nkaambo Saatani mupyungi, mupyungi loko.

174 Wa kati lino, kobona, wa kati, “Abrahamu wakasyoma Leza, elyo ca keelezegwa kuli nguwe ku bululami.” Mbo mbubo. Wa kati, “Lino, nkunji buti kwiinda oko Abrahamu nkwakonzya kucita cita kusyoma?”

Nda kati, “Nkukoonse nkwakali kukonzya kucita.”

175 Wa kati, “Nkunji buti kwiinda nkokonzya kucita na kufumbwa muntu uumbi kucita pele kusyoma?”

176 Nda kati, “Nkukonse nko tukonzya kucita. Pele kolanga, mukwesu, mpawo Leza wa kayanzanya, na kutambula lusyomo lwa Abrahamu. Wa kamupa caando, citondezyo ca kupalulwa, mbuli caando ca cizuminano. Mwabona? Wa kamupa. Wa kati, ‘Lino, Abrahamu, Ndiyo tambula lusyomo lwako, aboobo Ndiyo kupa citondezyo lino cakuti Nda kutambula.’”

177 Aboobo Wa kapalula Abrahamu, nkabela eco cakali caando ca cizuminano. Elyo lino mu buzuba bunu. . . Lino, mwanakazi takali kukonzya kuba mu cizuminano eco; cita mwanakazi wakakwetwe. Amulingule, tii cakali kukonzeka kupalula mukaintu; aboobo, bakacita kunjila, aboobo walo a mulumi wakwe bali bomwe. Taba cili bobile; bali bomwe. Mbangaye bazi obo? Malembe aamba boobo. Aboobo, walo mukuba uukwetwe, mpawo walo—walo uba bomwe. Elyo amuzumanane kuyansi awa a kulanga muya muli Timoteo, kaamba cintu ncoonya,

kati, “Lino nekubaboobo uyo futulwa mu kuzyala bana, ikuti na waa zumanana mu lusyomo a busalali bujisi kulibatamika koonse.”

<sup>178</sup> Lino, pele, mpawo, kupalulwa kwa Cizuminano Cakale kwakali kwa mu nyama, pele mu Cizuminano eci Cipya, Joeli wakati, “Njo tila Muuya Wangu aa bantu boonse, elyo bana banu balombe abasimbi bayo sinsima.” Lino, bbala *kusinsima* ta lyaambi kuyiisya pe. I *kusinsima* caamba naa “kwaamba lucitiko, kungsi lya bunanike,” na “kwaamba cintu ciciza eco cili aafwi kucitika.” Elyo tu lizi kuti kwakali basinsimi banakazi mu Cizuminano Cakale. Teeba kali kwaamba mu mayake, kwaamba mu mbungano, mu mbunga, mbuli bamaiyi. Pele walo, Anna, a banji babo mu tempele, bakali basinsimi banakazi, alimwi bakali. . . Miriamu wakali musinsimi mwanakazi, na cintucimwi mbuli eco. Waa kajisi Muuya aali nguwe, obo mbwini, pele waka jisi mwakugolela mwakwe ku masena. Banakazi inga baba basinsimi banakazi, nincobeni; pele kutali bamaiyi, a bamwi bambi, kunze lya cibumbili awa. Mwa cita, mu bamba—mu bamba Bbaibbele kulikazya Lini. I Bbaibbele tali konzyi kwaamba cintu cimwi *awa*, a cintu cimbi kuya *awa*. Lyeedelede kwaamba cintu ncoonya ciindi coonse kwatababoobo Talili Ijwi lya Leza. Mwabona? Aboobo, “Bana banu balombe abasimbi bayo sinsima,” caamba kuti naa bayo “aamba ciciza” na “kulungulula.” Lino, amu lingule eco, elyo mubweze dikishinari lya Bbaibbele a kubona na eco taci luzi. “Bana banu balombe abasimbi bayo sinsima.”

<sup>179</sup> Lino, Bbaibbele lilaamba akwalo zya mwanakazi oyo wakali cengeezya, aboobo, na kataminina kuti waa. . . Eci inga cabeleka konse ku mbungano ya Katolika, alimwi inga cabeleka ku i. . . ku ciiyo eci neo tuyo kanana lino. Atu jule ku Bbuku lya—lya Ziyubunuzyo, elyo atusike kutandila i—i cipati ca 2 a kampango ka 20, kuciindi buyo notuli mpoonya awa mumsi lya ncico, kuti mukonzye kuziba awa a kubona buyo obo mbocili cadyabulosi cintu eco mbo cikonzya, kukanana mu mazuba aya aku mamanino eco ciyocitika, obo kuti ezi. . . obo mwanakazi mbwa yooba. Amuyeeeye, mbungano ya Katolika mwanakazi. Twa zwaa kwiibala, embo na? Amuswiilile kuli aka lino, obo Mbo lyaamba. Ciyubunuzyo 2:20, “Lino nekubaboobo. . .” Walo ukanana ku mbungano eyi ya Tuataira, mwabona, “Lino nekubaboobo. . .” Yalo ni mbungano ya bukkalo bwaakati awo, kaina mu Makkalo a Musinze.

Lino nekubaboobo Ndi jisi zintu zisyoonto kulwana nduwe, nkaambo walekela mwanakazi oyo Jezebele, oyo uliita mwini kuti musinsimi mwanakazi, ku yiisya a. . . kukoma bazike bangu a kucita ibwaamu, a kulya zintu zituulwa ku mituni. (Mwabona?)

<sup>180</sup> Lino, na mwasola kuziba, amulange makkalo aya aa mbungano, mpawo tula jala. Mpawo cifumo tuyo talika



alimwi ku zintu ezi. Amulange. Mu i...Kunsi i—i zibikkilo zyamalampi zya ngolide izya cikombelo caba Juda, mu kati, zinkwa zyamabonwabonwa a zimwi zimbi, kwakali zibikkilo zyamalampi zili ciloba izya ngolide. Nyoonse nywebo mulizi obo. Mwabona? Kuli makkalo aa mbungano aali ciloba. Ayo aamba makkalo aa mbungano ali ciloba, mumuni. Lino ikuti na mwazibisya mu Ziyubunuzyo 1, tu jana Jesu kaimvwi mu makkalo aa mbungano ali ciloba, zibikkilo zyamalampi zya ngolide zili ciloba, cindi na kanyona akubona Umwi mbuli Mwana wa muntu, kaimvwi, kasamide eco mbuli mbo kwakabede. Wa kali Nabwiinga kaimvwi mu zibikkilo zyamalampi, kasumpikidwe.

<sup>181</sup> Lino, Cizuminano Cakale, bakali kunga babweza i . . . lampi eli lyomwe, a kuliyasya, kubweza lampi limbi a kuyasya kuzwa kuli eelyo limwi, kuyasya kuzwa eelyo limwi, limwi kuzwa kuli limwi limbi, mbuli obo, kusikila aka kayasya zibikkilo zyamalampi zyoonse zili ciloba.

<sup>182</sup> Ikuti na mwalangisya, ku matalikilo, cindi Leza naka talika kubeleka aba Juda, elyo bakainda mu bukkalo bwa ngolide. Elyo mpawo bukkalo bwa musinze maningi bwa zipangano zyaba Juda, Leza wakali aba Juda, wakali mu bulelo bwa Ahabu. Elyo ikuti na mwalangisya, kubala makkalo ayo aa mbungano awo, Ula jokela nkoonya kuli mbubo alimwi. Wa kati, lino, “I zintu zyakainda,” elyo kati. . . Lino, moonya mu Bukkalo obo bwa Musinze, myaka iili cuulu amyaanda yosanwe kuya, na ku ciindi ca Ahabu, kusaanguna, aba Juda. I bukkalo bwa musinze maningi mbo bakajisi, cindi Ahabu naka kwata Jezebele a kuleta bukombi bwamituni mu Israyeli, a kubamba bantu boonse kukomba kutobela Ahabu. . . kutobela kaleza ka Jezebele. Mula yeeya, baka bweza, kayaka minsemu, akumwaya zipaililo zya Leza. Elyo Elisha wakoopolola, wa kali “omwe buyo,” elyo Leza waka jisi bali myaanda iili ciloba batakalina kotamika mazwi abo kuli Balimu. Nywebo mulayeeya obo? Eco nce cikozyanyo ca Mbungano insale ilimukuzwa. Mwabona awo? Mwabona mbo cibede?

<sup>183</sup> Lino, mu mbungano eyi, ikuti na mwalangisya mbungano ntaanzi, mbungano ntaanzi, mbungano yaku Efeso, yakali mbungano ndemu. Wa kati, “Uli jisi mumuni, nekuba.” Elyo ikuti na mwalangisya, aimwi mbungano, yaka talika kuzima, kuzima, kuzima, kusikila yakasika ku Tuataira. Mpawo, myaka iili cuulu amyaanda yosanwe. Mpawo yakalibonya ku lubazu lumbi, “Elyo ujisi mumuni muniini. Koyumya oyo ngo jisi, kwataba boobo cibikkilo cako ca lampi ciyo gusigwa.” Elyo kuboola mucuindi cakatobela mpawo ku bukkalo bwa mbungano ya Filadefia, elyo mpawo mu bukkalo bwa mbungano ya Laodikeya.

<sup>184</sup> Lino, mboobu bweebesi. Oh, ma! Nda cibotelwa buyo eci, Mukwesu Smith. Mwabona, amu lange eci. Lino, mu bukkalo

*obu* bwa mbungano, mbuli mbo twa kaindamo . . . Lino amulange eci. I bukkalo butaanzi bwa mbungano bwakali bwa Efeso, bukkalo bwa mbungano yaba Efeso. Lino, bumwi abumwi bwa makkalo ayo aa mbungano, mane bwakasika mu myaka eyi iili cuulu amyaanda yosanwe, ikuti na mwalangisya. . . Amu kacibale lino cindi mwainka ku ng'anda sunumasiku, na muno jisi ciindi, na kuseeni maningi, kamutana boola ku mbungano, mu cipati 1, 2, a ca 3 ica Ciyubunuzyo. Muyo jana, bumwi abumwi bwa makkalo ayo aa mbungano, Wa kati, "Yebo ujisi nguzu ziniini, nkabela tona kaka Zina Lyangu," kusikila Na kasika mu myaaka eyi iili cuulu amyaanda yosanwe iya Tuataira, Bukkalo bwa Musinze. Mpawo Wa kalibonya ku lubazu lumbi, elyo kati:

. . . yebo ujisi *i zina yebo* ndo ponena, pele yebo uli *fwide*.

<sup>185</sup> Elyo aya, taakwe makkalo aya ambi aa mbungano, cakuti na bukkalo bwa mbungano ya Filadefia, kwiina nibwa kabweza Zina eelyo alimwi. Kwiina nibwa katola Zina eelyo, nkaambo bwaka zimaana muciiindi eci. Lino, oh, obo mbo tunga twabikka kabotu eco aa njiisyo zya kubeja lino, moonya muya, kumutondezya kuti mbanyina, mbungano ya Katolika, banyina wa boonse babo, obo mbwali "banyina, makani aasisidwe, Babuloni." Elyo oko, amulange, bukkalo obu bwa mbungano awa cindi nobwa kayutuka, bwa kajisi mumuni muniini, mpawo bwa katalika kuzimisya, kuzimisya, elyo mpawo bwakanjila mu kabunga kaindi awa, myaka eyi iili cuulu amyaanda yosanwe. Elyo bwa yutuka lino, kutali mbuli Mbungano ya Mwami Jesu Kristo, pele mbuli mbungano ya Katolika. Wakazwa kalibuti Luther? Mbuli mbungano ya Lutherani. Yakazwa kaili buti Baptisti? Mbuli mbungano ya Baptisti. Kutali Zina Lyakwe, kutali Zina Lyakwe; zina limbi, "ujisi zina." "Nkambo taakwe zina limbi lipedwe kungsi e Julu kuli ndilyo nko mukonzya kufutuka, cita Zina lya Jesu Kristo." "Yebo ujisi zina ndoponena, pele uli *fwide*," nce ciliko ku kabungwe ako.

<sup>186</sup> "Oh, Ndili muna Presbyteria," nkabela uli *fwide*! "Oh, Ndili muna Baptisti," nkabela uli *fwide*! Yebo uli muumi biyo mbuli mbo boola kupona muli Kristo Jesu. Mbo mbubo. Lubbizyo lwanu lwabubeji, maanzi, lubbizyo lwa bubeji; kusansaila, kutila, mubusena bwa kunyikizya; kubelesya "Taata, Mwana, a Muuya Uusalala," mubusena bwa Zina lya Mwami Jesu Kristo. Zintuzyoonse ezyo nzya bubeji kaziboola moonya muciiindi cakatobela, Bbaibbele kalyaamba, mbuli kukunka kutonkomene muli ncico canguzu buyo mbuli mbo cikonzya. Elyo mpaawa tula lekela ncobeni antoomwe a mbabo, "Ee, mbungano yangu Ici syoma nzila *eyi*." Pele Bbaibbele lyaamba *Eci*. Mwabona? Taakwe cintu cili boobo. Kwiina cintu cili boobo.

<sup>187</sup> Elyo kunyina busena mu Bbaibbele niba kasola kulolomeka milaka yabo a kulya Kankwa kasetekene, elyo mupaizi wanywa

waini a kuita kuti Muuya Uusalala. Taakwe mu Bbaibbele niba kasola kusukana maanza akupa janza lyalulyo ilya luswaanano, a kulwiita kuti Muuya Uusalala. Taakwe muntu wakaima a kwaamba kuti, “Lino Ndili musyomi,” elyo ndatambula Muuya Uusalala. Ikuti na wakacita, njeeyi nzila Incito 2 mbo yakalino lembwa, “Elyo cindi Buzuba bwa Pentekoste nibwa kazulila, kuselelo lya mugwagwa kwakasika mupaizi muna Roma, nkabela wakalili tukumwide koonse. Wa keenda kumbele, kati, ‘Nyoonse amu lolomeke milaka yanu a kulya Kankwa kasetekene, mulalilo mutaanzi.’” Sa eyo inga yaba nzila imwi yakuba Incito 2?

<sup>188</sup> Ee, nywebo noba Protestanti muli babyaabi. Kujoka kuya a kwaamba, “Lino tuyo enda kuya kuli ndinywe noba Methodist; ku babikka ku janza lyalulyo, na, kubapa janza lyalulyo ilya luswaanano, mpawo myeezi ili cisambomwe yanzila yakusolekwa.” Mpaali mpo mubala obo mu Incito 2? Mwabona? Mpaali mpo mucijana? Mwabona?

<sup>189</sup> Lya kati, “Cindi boonse nobakali mu busena bomwe, a kuzuminana komwe!” Taakwe nokwa kasika bishopo a kucita *eci*, alimwi taakwe nokwa kasika mupaizi a kucita *eci*. “Pele mpaawo kwakasika kumvwika kuzwaku Julu mbuli guwo pati lyuungisya, nkabela Kwa kazuzya ng’anda yoonse omo moba kkede.” Njeeyo nzila mboba Ku tambula, iiyi, munene, mbuli guwo pati lyuungisya kuzwaku Bulemu. Kutali kutala lya mugwagwa na kuzwa ku kabungwe kamwi.

. . . yebo ujisi *i zina yebo* ndo ponena, pele uli *fwide*.

<sup>190</sup> Mwabona, tulengwa a tubungwe twanu twa sinkila Leza munzila eyo, mane, “Tu syoma *eci*, elyo tu syoma kuti mazuba aa maleele akainda.” Walo musinsimi mubeji oyo waamba boobo. Walo musinsimi mubeji umwaambila, kuti, “Inga mwasukana maanza a kutambula Muuya Uusalala.” Walo musinsimi mubeji oyo umwaambila kuti, “Mula tambula Muuya Uusalala cindi mwasyoma.” Walo musinsimi mubeji oyo umwaambila kuti, “Mwe elede kutililwa a kusansailwa mubusena bwa kubbila.” Walo musinsimi mubeji oyo umwaambila ku “bbizigwa mu zina lya Taata, Mwana, a Muuya Uusalala,” kakuli kwiina Malembe andulo mu Bbaibbele. Mbo mbubo. Kwiina Malembe mu Bbaibbele amwaambila kubbizigwa, awo muntu umwi mpa kasola ku bbizigwa, cita mu Zina lya Jesu Kristo. Cita, basikwiiya ba Johane; nkabela bakacita kusika, kubapatizigwa lwabili, mu Zina lya Mwami Jesu Kristo, kuti batambule Muuya Uusalala. Mbo mbubo. Lino, eyo taili njiisyo yabana Jesu Buyo. Ndi liizi njiisyo yabana Jesu Buyo. Taili njiyo. Eyo ni Njiisyo buyo ya Bbaibbele. Mbo mbubo.

<sup>191</sup> Pele mboobo we. Ino mula cita nzi anjiyo? Mbaabo banyoko. Mbaabo banyoko ba tulengwa oto.

<sup>192</sup> Lino, amulange kujoka mu Bbaibbele a ku ndaambila awo muntu umwi mpa kasolwa kusansailwa. Methodist,

Presbyteriani, Katolika, amu ndaambile muntu omwe waka solwa kusansailwa, mu Bbaibbele. Amu ndaambile awo umwi mpa kasolwa kutilwa, mu Bbaibbele, ku kujatilwa kwa zibi. Amwa ambe. Sa inga mwaajana? Ikuti na mwacita, amuboole kuli ndime, nkabela Ndiyo enda kuselemuka kagwagwa aka a citondezyo kusule lyangu, a kuti, “I musinsimi mubeji! Nda kali lubide.” Na, mujane busena bomwe mu Bbaibbele lyoonse awo muntu umwi mpa kasola kubbizigwa mu zina lya Taata, Mwana, a Muuya Uusalala, nzila cibeela capesenti ili makumi alilusele mbo mwaka bbizigwa. Amundi janine Lugwalo lomwe awo muntu uuli oonse kufumbwa ciindi wakabbizigwa nzila eyo, elyo Ndiyo bikka citondezyo kusule lyangu, “musinsimi mubeji,” a kweenda kuselemuka mugwagwa a ncico mbuli *boobu*. Elyo amundi tondezye muntu umwi mpa kasola kubbizigwa, mu Mbungano mpya, oyo wataka boola a kubbizigwa lwabili, mu. . . kutali mu zina lya “Jesu” buyo, pele mu Zina lya Mwami Jesu Kristo. Mbo mbubo. Mubone na taciluleme.

<sup>193</sup> Elyo, awa, ino ncinzi? Waa kali banyina wa basibwaamu. Ncinzi caka mubamba kuba sibwaamu? Ncinzi caka mubamba kuba sikuvuula? Njiisyo yakwe! Ncinzi caka babamba kuba basibwaamu? Njiisyo yakwe!

<sup>194</sup> Elyo ako nkekaambo tatulekeli tubungwe twabo a buzumini bwabo. Tula kkala cakusalala a Bbaibbele eli. Ta ndizi kabotu obo mbo mupona a Ndilyo, pele mula yiisigwa kuli Ndilyo, nekuba. Mbubo. Cili kuli ndinywe. Nse konzyi kumubamba kupona mbuli Ndilyo. Ndi konzya biyo kumwaambila cili Bwini. Ako nkekaambo nco tutali kabungwe. Inga tenda—tenda yanda kuti tuli sofwaazye mu kunjila mu zintu zili mbuli ezyo, kweelela kufugamina musyobo umwi wa buzumini. Inga ndasala kubweza nzila ya bace iba Mwami basampaulwa. Inga ndasala kukkala nkeli uusalala a kunjoloma ku busyu bwa Ijwi a Leza, a kwiima awo a kwaamba, “Taakwe bulowa bwa muntu aa cikobela cangu.” Ako nkekaambo nco tukkala ku Branham Tabernacle. Ako nkekaambo tatuli ba Assembled. Ako nkekaambo tatuli ba Onenessi. Ako nkekaambo tatuli bana Jesu Buyo. Ako nkekaambo tatuli ba Methodisti. Ako nkekaambo ta tuli ba Baptisti. Buyo i—i cikombelo ciniini kuno. Ta tukwe kabungwe pe. Tuli angulukide, muli Kristo. Ako nkekaambo tula kkala nzila mbo tucita. Elyo Leza watu longezya, Leza katugwasya.

<sup>195</sup> Lino, inga twaamba kambo nco tulida mulalilo, tula mwaambila nco tu sanzanya matende, kaambo nco tuta lekeli basibungano kucicita kuti na tu lizi bali mu cibi. Ako nkekaambo, ezi mvwiki zyainda zyuibile na zyotatwe, Nda kali kuzwa kuli simbungano umwi kuya kuli umbi, oko nko mwakajisi kukwankwana kuniini koonse, anywebo. Kuunka koonse, umwi takali kwaambaula kuli umbi, a kwiindana mu mugwagwa a kunyona mutwe wako. Mause kuli nduwe, abo bakanywa cinywido cilelekedwe ica Leza atala awa, a cipaililo

awa, a kuliita lwanu kuti bakwesu a bacizi, elyo mpawo kuba ku telefooni a kusampaula umwi aumwi. Ta mweelede kwiitwa kuti Banakristo cindi mwacita boobo. Yaa. Amu zwe ku matelefooni; ikuti na tamu konzyi kwaamba bubotu kujatikizya muntuumwi, mutaambauli pe. Amuyeeye, Leza ula mupeda kaambo kabwiinguzi. Kufumbwa kuti musyobo oyo wa muuya uli muli ndinywe, mulizi kuti tamululeme kuli Leza. Ikuti na tamu limvwi. . .

<sup>196</sup> Ikuti na muntu walubila, koya kuli nguwe mu kayanzane. Ikuti na tokonzyi kuyanzana, kotolelezya muntuumwi. Ta cigambwi Leza nca takonzyi kulaya Mbungano Yakwe, nkambo tamu ciciti kabotu. Mubusena bwakuba ku fooni a kwaambaula makani aumwi, cintu cicitika, tukamu tuniini twabuzumini bugambya a tumwi tumbi, koonse mbuli obo. Mubusena bwa kucita eco, nkaambonzi tamu citi eco Bbaibbele nco lyaamba? Ikuti na mukwesu umwi watolwa mu bulubizi, koya kuli nguwe a kubona na takonzyi kuyanzanisigwa a nguwe. “Ee, lino, waka nditalika!” Ta ndikwe makani eco ncakacita, koya kuli nguwe nekubaboobo! Ta lyaambi kuti walo asike kuli nduwe. Yebo koya kuli nguwe ikuti na ulilubide. Yebo wati, “Ee, ngu wakalubila. Walo weelede ku ndisikila.” Embo Bbaibbele mbo lyakaamba. I Bbaibbele lya kaambila nduwe kuya kuli nguwe. Ikuti na walubila, koya kuli nguwe.

<sup>197</sup> Elyo mpawo ikuti na taka kuswiilili, mpawo kutolelela muntuumwi, mbuli kamboni.

<sup>198</sup> Elyo mpawo ikuti na taswiilili kamboni oyo, mpawo koamba, “Lino Ndiyo bweza mweembeli wako.” Mpawo wa mwaambila, kwaamba, “Ndiyo caambila mbungano, elyo mu mazuba ali makumi otatwe kuzwa lino, ikuti na nywebo bakwesu tamuna lulamika eco. . .Oyu mukwesu kuno uli libambilide kuyanzanisigwa. Yebo toyandi kucicita. Elyo ikuti na tolulamika eco mu mazuba ali makumi otatwe, mpawo ncinzi ciyo citika? Yebo tocili umwi wesu pe.”

<sup>199</sup> I Bbaibbele lyakati, “Ikuti na takaswiilili mbungano, mpawo amumuleke abe mbuli muhedeni a simitelo kuli ndinywe.” Nywebo mwabona, kufumbwa kuti mukwesu kali kungsi lya bukwabilizi obo ibwa mbungano, Bulowa bwa Kristo bula mu kwabilila. Ako nkekaambo ta tubambi mbungano kweenda munzila mboicita. Lino, yaa, *Eyi* ni Njiisyo ya Bap- . . . ya mbungano ya Baptisti, na Branham Tabernacle kuno, na muyo icita. Mwabona, nkaambonzi ta. . .

<sup>200</sup> Yebo wasika kuno, kwaamba, kupa mukozyano, bantu bobile, kuti Leo a Ndime. Sa muyo ndi. . .Elyo Nda amba, “Ee, wa—wa kandi lubizizya.” Eco tacipangi lwandaano luli loonse pe. Nde elede kuunka kuli nguwe. Ee, walo ncizo ca mbungano eyi. Wa—wa kaba Munakristo. Ula lya mulalilo kuno aa kasanza a ndime. Elyo twa kabapatizigwa mu Zina lya Mwami

Jesu. Keenda cakululama, mbuli babunyina, kumbele lya umwi aumwi, mpawo cintucimwi cacitika.

<sup>201</sup> Tali muntu. Peseenti ya makumi ali fuka yaziindi ngu dyabulosi wakanjila aakati ka bantu. Tabali bantu. Ngu dyabulosi. Elyo kufumbwa kuti mwalekela dyabulosi kacita eco, unyonganya munyoko. Mbo mbubo.

<sup>202</sup> Ee, cintucimwi cili lubide kuli Leo a Ndime; atu cilulamike. Elyo ikuti na wabona kuli cintucimwi, mulimo wako kuboola kuli ndiswe, a kwaamba, “Nyoonse nywebo nobalombe amu boole kuno a kuba antoomwe. Tuyo lulamika cintu eci.” Lino, mpawo, ikuti na wasika kuya, elyo wasika kuya kuziba, mpawo, mpaawa mpotuli. Nda amba, “Ee, cintu citaanzi, ikuti na ta—ta tu konzyi kuzuminana, nkokuti amuboole ku mbungano mbuli boobo.”

<sup>203</sup> Elyo mpawo ku—ku fumbwa kuti tamuciti cintu kujatikizya ncico, nekuba, Bulowa bwa Jesu Kristo bula tukwabilila toonse tobile. Mwabona? Pele mpawo kkulenge eelyo—eelyo lyakaindi liyo talika kkulenge limbi, alimwi kkulenge eelyo liyo talika kkulenge limbi, nkabela cintu coonse ciyo nyongana, koonse, mbungano yoonse. Mpawo ulasika ku busena nko njila mu mbungano, elyo ilatontola buyo, uyo cita kubamba sikulanga mayake kupwayaula mbali ya caanda, mbunga kaitana konzya kunjila. Lino, mulizi kuti kuli luleme. Elyo kutontola! Muntumwi ukkede abusena, yebo ulizi, nkabela uta amba buyo cintu. “Ee, twakali kunga tuli basimuuya loko.” Ee, ncinzi cakacitika? Mwakali kubeleka kabotu, ndipenzi nzi? Mwabona, zibi zyanu zila mupambula. Elyo Leza uyo mupeda kaambo kuli nzizyo, bakwesu. Lino Ndiyo lulamika cintu eci.

<sup>204</sup> Taakwe cilubide kuli ndime, taakwe cilubide kuli Leo; ngu dyabulosi wakanjila aakati kesu. Mbo mbubo. Amu lulamike cintu. Kamuya kuli nguwe. Mpawo ikuti na taka swiilili, na Nse kaswiilili, kufumbwa nzila mboibede, mpawo amu caambile mbunga. Ikuti na tabooli ku kuyanzanisigwa ku mbungano eyo mu mazuba aali makumi otatwe, mpawo ulaanze ku bukwabilizi bwa Jesu. Twa mwangulula. Obo mbombubo ncobeni. Mpawo amulangilile cacitika. Amulekele Leza alaye mpawo. Nywebo mwagwisya maanza anu. Mwa kacita ceelede mbuli mbo mukonzya. Mpawo amulekele Leza amujate asyoonto; Uyo mubikka kuli dyabulosi. Uyo boola mpawo. Ikuti na taciti, buumi bwakwe mbwa cindi buyo cisyonto.

<sup>205</sup> Mulayeeya mu Bbaibbele, awo kwakali mukwesu watakali kuyanda kululama a Leza? Mbangaye bayeeya kaambo? Wa keenda a banyina bakujana, nkabela tiiba ka konzya ku mululamika. Paulo wakati, “Amu mubikke kuli dyabulosi, ku lunyonyooko.” Mu jana kuti, mu Bakorinto Babili, wa kalulamika.

<sup>206</sup> Ndi jisi mukwesu, mweenzuma mubotu, Nda botelwa kuno kwiita zina lyakwe, mukwesu mukambausi. Elyo mukwesu

oyu mukambausi, zina lyakwe ngu Mukwesu Rasmussen. Bunji bwanu nobakutausi bakkede awa, sunumasiku, zina lyakwe lili aa mapepa anu. Njeeyo inkamu ya tubungwe toonse twamu Chicago. Elyo amulange. Wa kajisi mulombe, mukutausi, nkabela wa kaunka a kukwata musimbi muna Katolika, elyo wakatalika mbuli boobo. Elyo bakali kuya kukucita *eci*, *eco*, a *cimbi*, a—a cintu coonse; kanjila mu penzi limwi. Elyo bausi baka mwiinkila, kati, “Lino langa, omwana, sa uyo yanzanisigwa?”

Kati, “Taata . . .”

Wa kaita mbungano yabo kuti ni nkamu ya babumbulusi basalala, bausi. Wa kati, “Lino, langa, sa uyo lulamika cintu eci ku mbungano eyi?”

<sup>207</sup> Wa kati, “Lino, bataata, ndinywe bataata, nkabela Nsi yandi kunjila mu penzi lili lyoonse a ndinywe.” Ncibotu.

<sup>208</sup> Wa kaunka akubweza umwi wa badaikona a kuunka kunselelo ku ng’anda yakwe. Kati—kati, “Wesley, Ndi yanda kwaambaula kuli nduwe.” Kati, “Sa uyo lulamika cintu eci ku mbungano?” Elyo wa kamupa bwiinguzi bobile bufwaafwi mbuli boobo. Kati, “Koyeeya, Wesley, Ndili mweembeli wa mbungano. Ndime bauso, pele Ndiyo cita eco Leza ncaamba kucita. Ndiyo kupa mazuba ali makumi otatwe kuti ululamike eco ku mbungano eyo, kwataba boobo tuyo kutanda ku Busyu bwa Leza. Yebo uli mwana wangu wini; oyo Mufutuli wangu.” Kati, “Nda kuyanda. Elyo ulizi kuteeti Nda ku yanda, Wesley. Inga ndafwida nduwe ndyoonya eno. Pele weelede kuboola kululama ku Ijwi lya Leza. Mwabona?” Wa kati, “Ndili mweembeli. Ndili mweembezi wa butanga obo. Ikuti na uli mwana wangu, na kufumbwa mbobede, weelede kweendelana a Ijwi lya Leza. Ikuti na to citi, nkokuti Ta ndeeleri kuba mweembezi Wakwe.”

<sup>209</sup> Mulombe, oyo mweembeli. Oyo mwaalumi uukkwenene. Sena tamu yeeyi boobo? Oyo mwaalumi uukkwenene. Wa kaambila mulombe wakwe obo. “Elyo ku mucisa,” wa kaamba. Pele wakati, “Iinzi? Nguni ngoyo cisa, muntu, na kucisa Mufutuli wako? Aboobo,” wa kati, “mpawo twa kazumanana.” Elyo kati, “Ta kacicita pe. Elyo twa . . . Nda kaambila mbungano.”

<sup>210</sup> Wa kati, “Mwana wangu wini, Wesley, ula kaka ku ndimvwa, mu kaambo aka. Ula kaka kumvwa daikona. Elyo uli kamboni wa ceci, Mukwesu *Nini-a-Nini*?”

“Iyi, Ndime.”

“Ncibotu. Aa eiti okuloko, Munsondo itobela, mvwiki zyone kuzwa lino, ikuti na ta lulamiki eco ku mbungano eyi, twa bikka Wesley, mwana wangu, kuli dyabulosi, ku kunyonyooka kwa mubili. Bulowa Bwakwe, Bulowa bwa i . . . bwa Jesu Kristo, a mbungano eyi, tabu cimukwabilili pe.”

<sup>211</sup> Elyo busiku obo bwakasika. Kaima aa cikambaukilo, kati, “Uci ceezezye maminiti obile.” I ciindi casika. Wa kati, “Lino, mbuli mwana wangu, Wesley Rasmussen . . . kati ku mbunga

eyi, kuli Nduwe, Leza Singuzuzyoonse: Twa cita koonse nko tukonzya kucita, mbuli ku Majwi Ako a malailile aa Wako—Mwana Wako, Mufutuli wesu, nga katusiila. Swebo lino, Nda bikka mulombe wangu, a mbungano eyi antoomwe a ndime, ku kunyo-...kuli dyabulosi, ku kunyonyooko kwa mubili wakwe, kutegwa buntu bwakwe buka futuke.” Nkukoonse kwa kaambwa. Taakwe cintu cakacitika, kwa mvwiki na zyobile, ndiza mweezi na yobile.

<sup>212</sup> Busiku bumwi, Wesley mudaala waka ciswa. Elyo cindi na kaciswa, wa kali kuya buciswa loko. Wa kaita dokotela. I dokotela wakasika a ku mulangalanga. Wa kajisi ntuntumaanzi ya mwaanda aosanwe. Ta kajana kambo kuli njiyo. Kazumanana buyo kuciswa loko. Dokotela wakati, “Mulombe, Nse zyi caka citika kuli nduwe.” Ta kazyi cakucita. Kati, “Tula ita syazibwene wabumwi.” Ba kaita syazibwene wabumwi, elyo syazibwene wabumwi wakanjila muya. Ba kamutola ku cibbadela, kamu langalanga, zintuzyoonse zimbi. Elyo wakati, “Nse konzyi ku kwaambila. I mulombe uboneka buyo—buyo calufu.” Mukaintu wakwe kaimvwi awo, kalila, zintuzyoonse mbuli boobo. Elyo bana kabaimvwi kuzunguluka bulo a koonse mbuli boobo. Wa kati, “Ula fwa. Kwa mana.” Kati, “Kudunta kwansinga zyabulowa ambali yakuyoya kwakwe, kuli mukuyaansi ciindi coonse.”

<sup>213</sup> Wa kati, “Amwiite bataata.” Oh, iiyi. Eyo nje nzila yakucicita. Nje njiyo. “Amwiite bataata.” Elyo bausi baka zuzila kuya ku cibbadela, cakubinda loko, kuyo mubona. Wa kati, “Bataata, Nse konzyi lino, pele Leza ulamvwa majwi angu. Ndiyo lulamika zintuzyoonse. Ndiyo cilulamika. Iiyi, Ndiyo cita.” Iiyi, munene, mukwesu. Mpoonya awo mbali yakuyoya kwakwe yakatalika kupiluka kuba mbuli mbokweelede.

<sup>214</sup> Elyo Munsondo mwakatobela, wa kaima kumbele lya mbungano. Wa kati, “Nda kabisya kumbele lya Leza, mu busyu bwa mbungano eyi. Nda kakaka kuswiilila majwi aa mweembeli. Nda—Nda kakaka kuswiilila daikona kuno.” Elyo kati, “Ndi lomba mbungano eyi kuti indijatile ku bubi mbo Nda kacita mbuli boobo.” Kati, “Leza wavuna buumi bwangu.” Nda mwaambila, waka lulamika. Inzya. Eco ncencico nco mweelede kucita, mwabona. Mwabona? Nywebo, ikuti na muyo cicita mu nzila ya Leza! Mwabona?

<sup>215</sup> Lino, mwabona, nzila mbo tucita, tuli jisi muswaangano wankamu yeendelezya, elyo tula amba, “Ee, lino, sena tweelede kubamba...” Ta ndaambi cikombelo, pele Nda amba swebo to bantu iba Protestanti. Tuli jisi muswaangano wankamu yeendelezya, alimwi, “Ino muyeeya nzi kujatikizya Jones? Ino muyeeya nzi obo mbo tweelede kucita a nguwe? Ndi yeeya kuti inga wabamba muna Methodisti wa cizo cibotu loko kwiinda mbwa tucitila.” Nceeco we. Eco, eco cililubide. Ako nkekaambo ncotu teeled kutobela tunsiyansiya twabo; a bishopo umwi,



tweelede ku mwiita, cizo cimwi. . . ncinzi nco mu mwiitila kuti, muntu wa cooko mu mbungano ya Pentekoste? Mwaalu uulanga cooko, kumwiitila kubona kulilemeka kwa muntu oyu.

<sup>216</sup> I Bbaibbele lila twaambila cakucita. Ako nkekaambo tatu cengwi ku tubungwe twabo. Tula kkala cakutantamuka ku cintu eco. Ameni. Muta ndikalalili maningi, mwacita na? Muta ciciti. Ncibotu. Antela ndiyo jana mibuzyo mibotu maningi juunza masiku. Pele, ee, kuli kabotu. Mwabona? Amuyeeeye. Muzibe. . .

<sup>217</sup> Nda amba eci lino. Nywebo no bantu bali kuno kuzwa ku mabungano atubungwe aandeene, kabungwe kanu, alimwi, mukwesu, Ta ndaambi kuti toli Munakristo. Ta ndaambi kabungwe kako kuti taka jisi zyuulu zya Banakristo babotu muya. Ndi sola kwaamba kaambo nco tutali kabungwe. Nkaambo, Inga tiinda iminina eco ncobeni. Peepe, munene. Inga tiinda cita ncobeni. Ba sola ku kwaambila ca kucita. Ikuti na Leza waka ndiita kukambauka Makani mabotu, nkokuti Nda kambauka Eyo nzila Leza nja ndaambila kucicita. Eyo ili luleme ncobeni, nzila mbwaa lembedwe muno mu Bbaibbele eli. Na ta ceendelani a Leeli, nkokuti li kuti. . . Leza uyo ndibeteka nkambo ka ngawo. Pele ikuti Nda—ikuti Nda—ikuti na Nda bona umpe kaboola, na sinkondo kaboola, nkabela Nda kakilwa kuba cenjezya, nkokuti Leza ulandipa mulandu. Pele ikuti na Nda mucenjezya, nkokuti cili kuli ndinywe mpawo. Mwabona?

<sup>218</sup> Amuyeeeye, “Kuya mu mazuba aku mamanino, kuti ziindi zikataazya ziyosika, bantu bayooba basikuliyanda, basikulidundaizya, balisumpula, basikusanka.” Mwabona, basikusanka, “Oh, balo ni nkamu ya ziyanga. I mazuba aa maleele akainde. Takwe cintu cili boobo.” Walo musinsimi mudaala mubeji. “Lino, tu lizi kuti banakazi besu bali jisi kuyeeya kweelede mbuli baalumi besu.” Ta ndikazyi eco nokuceya, pele Bbaibbele lya Leza lyakati kamu tantamuna ku cikambaukilo. Oko—oko nkubotu kweelede kuli ndime, mwabona. Mbo mbubo. Ncibotu. Mwabona?

Elyo kati, “Ee, lino, tubungwe twesu, tu jisi ncobeni bantu banji babotu mbuli mbo mujisi kuya ku cikombelo.” Ta ndaambi eco nokuceya, pele Bbaibbele lila sampaula tubungwe. Mbo mbubo. Elyo, aboobo, Ta ndaambi kuti tamu jisi mamembala mabotu mu mbungano yanu. Eco ncibotuloko. Balo mbantu babotu. Bamwi bantu babotumaningi, Nda baswaana muli toonse twabo, ba Katolika a moonse kumaninina. Toonse twabo, Nda swaana mamembala mabotu.

<sup>219</sup> Lino, nzila mbo tuyo leta eci lino, beenzuma, ikuti na Mwami wayanda, mu kwiiya oku kutobela kusyoonto, ndiza. . . Ndiyo muzibya juunza kuseeni naa tweelede kubeleka juunza sikati na pe, mwabona, ku cimanizya. I kaambo ncetuli mukusola kucicita, Ndi yanda ku ciselusizya ku kasena lino. Lino, ikuti na uyanda kuletelela muntuumwi, uli tambwidwe cakumaninina kucicita. Pele amuyeeeye lino, muta—muta unki a kusola buyo

kujana kampenda. Amu boole kuno. . . Ndi kanana buyo ku mbunga yangu—yangu, nywebo mwabona. Ta ndiyiisi eci kunze lya mbunga yangu kuno, nkaambo oyo mulimo wa muntu uumwi. Kuti, walo mweembezi wa butanga obo. Elyo—elyo Ndili buyo i. . . [Kabeela katakwecintu aa teepu—Mul.]

<sup>220</sup> Kujoka nkoonya ku Matalikilo, muyo cisomona ncobeni kuzwa kumatalikilo kusika kumamanino, a kubona awo mpo cibede. Lino tu jokela ku Matalikilo, kuziba kaambo kakuti mwana wa musokwe takali kunjila mbunga ya Mwami kwa nzyalani zili kkumi azyone. Obo mbo citola. . . Eyo inga yaba myaka ili myaanda yone ku cibi eco kuti cimane. Obo mbo tuyo ziba nzila kuteeti i—i kutalulama kwa bazyali kula swaya ku bana a bana, obo mbo kwakatalika ku Matalikilo, a kumwi kumbi.

<sup>221</sup> Elyo nywebo. . . mpawo muyo bona obo kuti, kujokela kaindi koonse, cakuti Leza, kakutanaba malengelo aa nyika, kakutana sola kubbotoka atomu yomwe, kaindi kuya kakutana sola kuba sumolyaleza lya mumuni kusola kulengwa, Leza wakalizi zilenge zyoonse a zintuzyoonse ziyo sola kuba aa nyika. Sa kuli muntu umwi kuno. . . Inga teewa konzya kupandulula eelyo bbala, a kuli pasaula, a kwaamba eco bbala lya “bupatikampatila” nco lyaamba. Mbubonya mbuli kunyona kkamera yako ku—ku bupatikampatila. Mbubonya, cili mbubonya kuzwa kuli caambwa, kwa mana. Mwabona? Ikutagola! Elyo ta tukonzyi, mu mizeezo iigola, kusola kumvwisya oyo Muzeezo uutagoli nco ukonzya kwaanza. Mwabona, ta tukonzyi kucita eco. Tamu, tamu konzyi kucicita. Mwabona? Pele ikuti na mwa langa buyo, kujata mu Muuya, inga wakumvwa kulaale kuya. Elyo—elyo kupiluka awa mu Malembe nkabela muyobona lino, mwabona, kule kakutanaba malengelo aa nyika kaitanasola kulazikwa.

<sup>222</sup> Lino, Bbaibbele lyakati Jesu Kristo wakali Mwanaambebele wa Leza. Lino amu swiilile kabotu maningi, aboobo, ikuti na nobamwi tamu nooliko juunza, kuumvwa kumana. I Bbaibbele lyakati Jesu Kristo wakali Mwanaambebele wa Leza, waka jaigwa kuzwa ku malengelo aa inyika. Sa mbombubo? Ino Wa kajaigwa lili? Kuzwa ku malengelo. Eyo ni inyika, ikuti na ipangidwe kuzwa ku nkamu ya maatomu akapasauka, akasomonwa kuzwa ku zuba kutala, kaitanaba obo. Mpawo, kakutanaba atomu yakasola kupasuka kusaanguna mu zuba, ikuti na eli lyakali sumolyaleza kuzwa ku zuba, eyo inga yaba myaka ili matililioni trililioni trililioni ya mabbilioni aa mwaanda kaindi kakutanaba akwalo lyomwe sumolyaleza lya mumuni, Kristo waka jaigwa. Cindi muzeezo mupati wa Leza niwakasitikizya a cintu comwe, calo ncipange cimaninide. Cindi Leza nakati, “A kube,” cimanide kale. Ikuti na cakatola mabbilioni ali mwaanda wa myaka kukulauka, cimanide kale mpoonya buyo Mbwa kacaambila. “Elyo cindi Mwanaambebele nakajaigwa kuzwa ku malengelo aa inyika,” Bbaibbele

ndyoonya, Muuya nguonya wakalemba a kwaamba, “Mazina esu akabikkwa mu Bbuku Iya Buumi Ilya Mwanaambebele kakutanaba malengelo aa inyika.”

<sup>223</sup> Aboobo muntu wakalemba lwiimbo kuti, “Kuli Zina Lipya Lilembedwe Mu Bulemu,” wa kajisi bupanduluzi bubotu, pele takalemba mbuli kumalembe. Mwabona? Eelyo zina Iya kalembwa mu Bulemu cindi inyika...cindi inyika kiitana kusola kutalika. Cindi Mwanaambebele nakajaigwa, mazina esu aka bikkwa mu Bbuku Iya Buumi Ilya Mwanaambebele.

<sup>224</sup> Andi—andi mujanine buyo Malembe amwi masyoonto. Sena inga mwalindila kwa kaindi buyo kaniini? A boola bwini mu mizeezo yangu lino. Ndi yeeya kuti inga Nda nyonena nkoonya kuli ngawo. Nseli masimpe. Elyo lino Nda usa kumujata kwaciindi eci cilamfu, pele Nda mwaambila kuti kuyooba aakati kamasiku; takuli kubyaabi loko obo. Pele Nda—Nda botelwa ncobeni ku—ku jana aya, Malembe omwe buyo kuli eci.

Amujule andime lino ku Bbuku Iya ba Roma, elyo Ndi yanda kuti mubale aya antoomwe a ndime. Lino, atu bone, ba Roma, ikuti na inga Nda ajana, kutandila buyo mpoonya awa. Lino atu jane ba Roma 8, alimwi—limwi atu talikile kampango ka 28 ka cipati 8 caba Roma. Elyo Ndi yanda kuti mwaabale buyo munzila yamupailo antoomwe a ndime lino. Amuswiilile awa ncobeni eco Leza nca kaamba lino.

*Elyo tu lizi kuti zintu zyoonse zibeleka antomwe ku bubotu kuli baabo bayanda Leza, kuli mbabo abo ba . . . kaitwa mbuli ku bukanze bwakwe.*

*Nkambo abo mba kazikale, . . .*

<sup>225</sup> Ayo amupa . . . Sa inga mwabala antoomwe a ndime? “Nkambo oyo . . .”

*Nkambo abo mba kazikale, akwalo waka bakanza (ncibotu) kuti bakozyanisigwe ku cinkozya ca Mwana wakwe, kutegwa abe sikuzyalwa mutaanzi aakati ka babunyina banji.*

*Akwalo abo mba kakanza, abalo waka baita: elyo abo mba kaita, abalo waka balulamika: elyo abo mba kalulamika, abalo wakabapa bulemu.*

<sup>226</sup> Kuzwa ku malengelo aa inyika! Cindi Leza nakalanga ansi . . . Lino, Leza taendelezyi ncito Yakwe, kwaamba kuti, “Ee, lino, Ndi yo . . . Oh, ncinzi nco tuyo cita lino?” Mwabona? Taakwe cintu . . .

<sup>227</sup> Amuyeeye, bubi, cibi, mbululami bwa pindamunwa. I dyabulosi takonzyi kulenga. Sena muntuoonse, oonse, ulamvwisya eco? Eyo ni Njiisyo ya mbungano eyi. I dyabulosi takonzyi kulenga. Ula konzya kupindamuna eco Leza nca kalenga. Lino, kupindamuna niinzi? Awa, nywebo nyoonse muboneka mbuli bapati, bunji. Amuswiilile kuli eci. Tuli

bantu bakwete. Elyo nywebo no baalumi a nywebo no banakazi bakwete inga mwapona antoomwe mbuli mulumi a mukaintu, elyo balo banakazi bali buyo mbubonya mbo baatali. . . Balo mbanakalindu, kufumbwa kuti wakakkala a mulumi wako. Mbo mbubo. Lino, eco ncamulao a mbuli milazyo, nkabela cili kabotu. Ca kasalwa a Leza kucitwa boobo. Mwanakazi umwi inga wacita mucito nguonya mbuli wa mukaintu wako; umwi wabo, uli luleme ku meso aa Leza; a mucito nguonya ku mwanakazi umbi, wapegwa mulandu kumbele lya Leza, ku lufu. Ino ncinzi? Bululami bwapindamunwa, mwabona, bululami bwapindamunwa. Lino, dyabulosi takonzyi kulenga, pele ulapindamuna cintu Leza nca kalenga kale.

<sup>228</sup> Bubeji niinzi? Bwalo mbwini bwapindamunwa. Muntuumwi wakati, “Oh, langa, akali masiku mu Mujibelo, naini okuloko, webu, Bill Branham wakali mu Jeffersonville,” mbwini. “Kunselelo lya saluuni ya Antz, kakoledwe,” bubeji. Ino cakali ncinzi? Nda kali mu Jeffersonville. Ako nkasimpe. Bwakali bululami bwa kapindamunwa kuba bubeji. Mwabona Nce pandulula? Mwabona, bubeji bupindamuna ciluleme. Calo ncintucimwi cakaamba oko Nkwe kabede. Lino, ikuti na cakati, “Ku mbungano, kukambauka,” mbwini. Obo mbululami. Wa kaamba masimpe. “Ku taveni, kanywa,” bubeji. Kapindamunwa; mwabona, bwini bwa kapindamunwa. Sena mwabona Nce pandulula? Bubi boonse mbululami bwa kapindamunwa.

<sup>229</sup> Lufu, lwalo ninzi? Buumi, bwa kapindamunwa. Malwazi? Nsebambotu, ya kapindamunwa. We elede kuba muntu, mubotu muyumu. Ncibotu. Ikuti na ula ciswaciswa, ino ncinzi? Insebambotu ya buumi bwako ya kapindamunwa. Mwabona? Nkukonse kuliko kuli nkuko. Ino ncinzi? Mwa kali kunga muli banakazi, babotu bakubusyi; a baalumi, babotu bayumu. Lino muya busutana lukanda, muya bucembaala. Ino ncinzi? Buumi, bwa kapindamunwa, mwabona, kujokela nkoonya kunze alimwi. Mwabona? Elyo kweelede kujokela. Alilelekwe Zina lya Mwami! Leza waka syomezya ku kujosya. Elyo masimpe buyo mbuli mbo cibede—mbuli mbo cibede (tu lizi cili ano), aoboobo masimpe buyo mbo cibede, Leza uyo kujosya alimwi. Wa kasyomezya alimwi wakakonkezya kuti Uyo kucita. Eco ncencico ncobupa.

<sup>230</sup> Lino, buti, musyobonzi wa bantu mbo tweelede kuba? Lino amubone obo zintu ezi zicitika. Lino, abo balo Mba kabwenekale, Wa kabaita; abo balo Mba kaita, Wa kalulamika abo. Lili? Kakutanaba malengelo aa inyika, ayalo inyika kiitana talika. Lino, ikuti nitwa konzya kubweza Malembe aya a kucilulamika ncobeni, inga twa tola maora aali ncico, pele tatu—tatu yandi kucita eco. Pele bubi obu boonse awa, mbululami bwa kapindamunwa kuba bubi. Eco ncencico dyabulosi nca cita.

Lino, cindi waboola kukukomena kwakuli vwiilila twaambo, nkabela ulizi eco cilubide a ciluleme, we elede kuzwa ku bulubizi bwako. Nkaambo, wa kazyalwa mu cibi, kabumbwa

mu milandu, kaboola aa inyika kwaambaula bubeji. Mpawo mubwini wa—wa kazyalwa kukuyanda kwa lulalano, alimwi mpawo weelede kuzyalululwa, kutegwa utambule Kuzyalwa kupya, kuyonjila ku Julu. Nkaambo, musyobo oyu wa kuzyalwa ngo jisi awa . . .

<sup>231</sup> Amubone awo Kamboni wa Jehova mpanga kano lubide maningi awo, ku yeeya kuti Kuzyalwa kupya mbubuke bwa mubili? Nywebo mwabona, tabu konzyi kuba. Mwabona? Kwalo kweelede kuba cintucimwi . . .

<sup>232</sup> Nywebo, muli mu mwaakwe wa ciindi. Elyo cintu buyo eco Citamani ncintucimwi eco cakanyina matalikilo na cakanyina magolelo. Kufumbwa cintu Citamani kwiina nocakali amatalikilo, akwalo tacikabi a magolelo. Mwabona? Aboobo ikuti na uli cibeela ca Leza, Muuya oyo uli muli nduwe taakwe niwaka jisi amatalikilo na taukaba a magolelo, nkabela uli Utamani ku Muuya uli muli nduwe. Mwabona? Mbuli i—i—i luyandisyo lwa *Agapao*, mpawo luselemukila ku luyandisyo lwa *phileo*, alimwi mpawo kuselemukila ku luyandisyo lwa cisusi. Lula zamanana kuyabuya ansi a kuyabuya ansi, kupindamunwa kuyabuya ansi mane lwaba buyo cidyobedyobe ku bumwi bunyongene maningi. Ee, nzila buyo, Jesu wakaselukila ansi a matantilo ngaonya, ansi awa kuzobweza a kujosya ku ciimo caatala maningi, kuzwa ku ciimo caansi maningi; kuzwa ku lufu kuyaku Buumi, kuzwa ku malwazi kuyaku nsebambotu, kuzwa ku bubu kuyaku bululami. Mwabona? Wa kacita kuzwa Aatala maningi kuya aansi maningi, kutegwa Akonzye kuleta caansi maningi kuya Aatala maningi. Wa kaba ndime kuti Ndi konzye, kwiinda ku luzyalo Lwakwe, kuba Nguwe, muswaana wa Cuuno cabwami mu Bulemu. Mwabona eco Nce pandulula? Zintu ezyo.

Lino amulange. Kaindi maningi inyika eyi kaitana talika mu maatomu kaindi eelyo, cindi Leza nakabona eco cakali kuyocitika, nkoonya kuya Wa kakubona, Wa ka ndibona, Wa kabona ntabwa zyoonse, nzinini zyoonse, bacula boonse, tususuli toonse. Zintuzyoonse zyaka linooba aa nyika, Wa kazibona ndyoonya kaindi. Masimpe, Wa kacita.

<sup>233</sup> Lino, Ta kaamba kuti, “Njo tuma Mwana Wangu aansi aku Mu lekela kufwa, elyo ndiza muntuumwi uyo Mu fwida luse. Elyo kayooba kaambo kafwisya luse obo, antela muntuumwi inga wafutulwa.”

<sup>234</sup> Wa kalizi kale abo bayo futulwa! Iiyi, munene. Wa kati, “Esau Nda musula, nkabela Jakobo Nda muyanda,” umwi aumwi katana sola kuba aciindi cakutondezya obo mbwa kabede, nkaambo Wa kalizi mbo bakabede. Wa kalizi. Walo ulizi zintuzyoonse. Wa kalizi eco ncoya kucita, kotana kuzyalwa, na cindi inyika kiitana talika.

<sup>235</sup> Lino amulange. Mbuli mbo muzi, Ndi—Ndi—Ndili sikudubula ubelesya raifo. Nda—Nda botelwa maraifo.

Elyo mwanakazi umwi mu Texas, Nda syoma ngu Texas, wakandiletela Swifti, tu twenti Swifti. Nda kali kuyanda imwi lyoonse. Ndi yanda kwilangalanga. Ni ntobolo niini yanguzu maningi iidubula. Nja misyonga ya makumi obile ayobile, musyonga watumbulu tuli makumi one alusele. Elyo inga wailongela eyo a maanza. Lino, fakitori yaamba kuti, “Muta ciciti; ncantenda loko.” Pele inga wailongela misyonga eyo a maanza kusika ku tukokola tuli zyuulu zyosanwe mu sekondi, elyo kocijatilide mu busena bwayo. Tukokola tuli zyuulu zyosanwe mu sekondi, eyo ni maile ku sekondi. Mu majwi aambi, lubanze uukkede, mayaadi aali myaanda yobile. Wa dubula lubanze, kobona mapepe kauluka ntobolo kiitana sola kukudinka. Mwabona? Cakuti, pele waibweza, kabeela kapapaleta kakupokozya mumeno, a kunjila mu musili wako, a kutila *oyo* munji loko muya, kweelede buyo cakuti inga wajatilila aa kapokozyo ka mumeno; nkabela wadubula ku dindi lya basikoswe bakkede kumamanino a buyake awa, ula kkala buyo aku kulanga. Ino ndipenzi nzi? I musyonga ulapandauka, uleenda kufwaambaana maningi. Elyo—elyo inga wabikka isila aakati awa a kokuya, elyo toka soli kubona cicaalwa comwe ciniini kuwida aa isila. Ijokoloka buyo; kutali ku—ku twe, itwe lya volukkano, pele lilainka kule kwiinda obo. Lila jokela ku maasidi mataanzi ayo aapanga mukuba a liidi ayo ilimuya. Lila jokela mbuli kuti yakali myaka iili mabbilioni yakainda. Lino, ngooyu musyonga muniini, musyonga watumbulu tuli makumi one alusele Nje jatilide mu janza lyangu, elyo ku sekondi liccilila ila jokela kuli mboya kabede myaka ya mamilioni ali mwaanda yakainda. Elyo ikuti na inyika antela yaima myaka iimbi ya mamilioni ali mwaanda, inga yajokela ku musyonga alimwi, inga yajosegwa ncobeni, nkambo inga yalibumba ncobeni kuba mukuba.

<sup>236</sup> Lino amulange Leza ncakacita, elyo mpawo muyo Mu yanda. Mpawo muyounka ku muunzi, elyo cifumo muyo muka aniini koono. Elyo—elyo muyo—muyo Mu yanda maningi kwiinda lyoonse. Lino, Leza ngu Simulimo mupati. Mbangaye bazi boobo? Walo Muyasi. Yaa. Amuswiilile kabotu loko. Lino, Leza kaindi eelyo, na, ba lati . . . Lino tuyo bweza muyeeyo wa bantu babamba matobelanwa azya makani aakale. Leza, myaka yakainda ya mabbilioni ali mwaanda, cindi Na kali kuyanda kupanga inyika, ee, Wa katalika buyo. Lino, Wa kajisi . . . Wa kajisi muyeeyo mu muzeezo Wakwe.

<sup>237</sup> Lino uyo amba kuti, “Ikuti na Walo mupati obo, Mukwesu Branham, mbobuti Mbwa kazumizya dyabulosi kupanga cibi?” Ee, Wa kalizi, dyabulosi katana sola kulengwa, kuti uyooba dyabulosi. Bulemu! Lino Nda limvwa cabukombi. Oh, ma! Wa kalizi, dyabulosi katana lengwa, kuti uyooba dyabulosi. Lino wa buzya kuti, “Ino kujatikizya eco?” Yebo wati, “Nkaambonzi Nca kamulekela kuba dyabulosi?” Kutegwa inga Wa tondezegwa

kuba Leza. Ako nkekaambo Nca kacicitila. “Nkaambonzi ncokwakali utaluleme lyoonse? Nkaambonzi?”

<sup>238</sup> Citaanzi cakali cinzi, Mufutuli na sizibi? Citaanzi cakali cinzi? I Mufutuli. Citaanzi cakali cinzi, Musilisi na muntu uuciswa? Nkaambonzi kwakazumizigwa kuba sizibi? Nkaambo bube Bwakwe walo Mufutuli. Ikuti nokwaataba sizibi, Na taka zibwa kuti Mufutuli. Aleluya! Ula konzya kubamba zintu zyoonse kubeleka koonse ku bulemu Bwakwe. “Sena mubumbi inga waamba ku i. . .Na, sena mpoto inga yaambila mubumbi, ‘Wa kandibambila nzi kuba boobu?’” Nguni weenzya zintu? Nguni ujisi bulongo? Ngwani ula maanza ali mukati? Paulo wakati, “Oh, muntu mufuba, sa Ta kaamba kuti Wa kabusya Farao ku bukanze mboonya obu?” Masimpe. Wa kalicizi. Inyika kiitana kuba, Wa kalizi eco cakali kunooba cintu. Elyo Wa kalekela cibi kuba, kutegwa inga Waba Mufutuli. Wa kalekela kuba malwazi, kutegwa inga Waba Musilisi. Wa kalekela kuba lusulaiko, kutegwa inga Waba Luyandisyo. Kasimpe, Wa kacita. Walo ngu Leza, nkabela obo mbube Bwakwe. Elyo We elede kuba a cintucimwi cakuzibya bube Bwakwe.

<sup>239</sup> Mbobuti mbo munga mwasola kuziba kuti kwakali busiku, mbobuti mbo munga mwasola kuziba kuti kwakali kumwi? Ikuti na lyakali isikati koonse, mbobuti mbo munga mwasola kuziba kuti kwakali busiku? Kuli busiku, kutegwa kutondezya isikati. Kasimpe, nceeco we. Amen. Mwabona eco Nca kacita na?

<sup>240</sup> Pele kwalo Na kali kuya kaindi eelyo, kakutanaba malengelo aa inyika, katana Bweza zuba eli likulukulu nkabela Wa kali zungulusya ku nyenyeezi eyi yakaindi eyo nje tuponena lino, nyika eyi, nkabela Wa kaibumbila ku lubazu *olu* ku zuba, elyo akwiibikka kuzunguluka zuba. Kwaamba, *ndeeli* zuba. Wa kaibumba ku lubazu *olu*, elyo kwiilekela kulengelela kuya kwa myaka ya mabbilioni aali mwaanda. Ncinzi Nca kali kupanga? Magaasi amwi. Wa kazunguluka ku lubazu *olu*, Wa kapanga cintucimwi cimbi. Ncinzi Nca kali kupanga kuya? Potashi imwi. Wa kazunguluka nzila *eyi*, elyo ncinzi Nca kali kucita awa? Kupanga kkaushiamu imwi. Ncinzi Nca kali kucita? Wa kali kupanga nduwe a ndime. Ncinzi Nca kali kucita? Mbuli simulimo mupati kabamba kabotu maboodi akwe aelene alampa kobile kuli tone a akwe ali kobile ku lusele, boodi liyalene lyakwe, zivumbyo zyakwe zyaanze zyoonse, wa kalizi biyo kuti akali onyaye mayake ayo yakwa. Elyo tu pangidwe kuzwa ku tubeela tuli kkumi acisambomwe itwa nyika, alimwi Wa kali kupanga ndiswe toonse, a kutubamba kabotu kuya inyika kiitana sola kuba. Elyo Walo. . .Antela yakali yalene ku ciindi eci; Nse zyi mbo yakabede. Ncinzi Nca kali kupangila ngolide, a mukuba, a butale, a maanzi, a zintu ezyo zyoonse? Walo ngu Simulimo mupati. Walo antela. . .I Muyasi, Wa kali kubamba zintuzyoonse kabotu kuya, kajisi zintuzyoonse kazibambidwe a kubikkwa mu misyobo. Cindi Na kamana

kwiipanga yoonse, kwakali kufumuka kupati ncobeni kwa volukkano. Wa kalekela mavolukkano ayo akaindi kukumba kuya kwa mamilioni ali mwaanda, kupanga kkaushiamu imwi. Ino ncinzi? Ncibeela cako.

<sup>241</sup> Elyo mpawo, kakutanaba kampandu komwe ka buumi aa nyika eyi, mibili yesu yakali lede awo. Aleluya! Kakutanaba dosi lyomwe lya mudumo kusola kusika a nyika, twa kali lede awa. Cindi Adamu nakeenda konse akoonse mu muunda wa Edeni, Nda kali lede awa. Ameni. Iiyi, munene. Oh, bulemu! Cindi ya Kerabimu, ntanda zya kubucedo nizyakaimba antoomwe, nkabela bana ba Leza bakoongolola nkambo ka lutangalo, Nda kali lede awa nkelindila buyo kuyoya kwa buumi ikusika. Nda kali awa. Wa kandi bumbila awa, kabambide mubili wangu kaulede awa. Iiyi, munene. Ikuti nikwaatali obo, niwa kazwida kuli? Huh? Mbobuti mbo wakasika awa? Leza wakali ubambide kaulede mukati awa. Leza wakaubamba. Tu bambidwe kuzwa ku tubeela tuli kkumi acisambomwe: mafuta, potashi, a mumuni wabulengeboonse, a tumbi. Mwabona, twa kali lede awa.

<sup>242</sup> Mpawo ncinzi kakacitika? Mpawo Leza wakati ku Muuya Uusalala, tuyo njizya mu ciimo ca ciiminizyo, “Lino Yebo koya, alimwi Yebo koya ukakutauke luyandisyo ku inyika. Nkaambo, Ndili luyandisyo, nkabela Uli cipange Cangu, aboobo lino Yebo koya ukakutauke luyandisyo ku inyika.” Elyo Muuya Uusalala mupati, tu yeeya kuti, wakazwa kuya; buyo mu ciimo ca cifwanikiso lino. Tii yakali nzila eyo. Mubwini, Muuya Uusalala a Leza mbukanze bomwe bukozyenye, mbukanze bomwe bukozyenye, Muntu. Mundi jatile. Elyo buyo kwaamba kuti Wa kabukatya mababa Akwe koonse ku nyika, Wa katalika kukumba. Ino nkukumba nzi oko? Mbuli nkukunseke ku bana bayo, kulila cabuuya, kakutauka luyandisyo, “Kle, kle, kle.” Oh!

<sup>243</sup> “O buumi, kozwa mo!” Wa kakwiila. Wa kalanga konse. “Ndi yanda bweebesi aa nyika eyi. Kobuka, mumuni!” I Muuya Uusalala kawenda. Elyo cindi Niwa kacita, Nda langa; kakuboola, nkaako kalonga kunselelo lya cilundu kulaale, kulaale kwaboola kkaushiamu kuutikila aansi, a kusangana a potashi. Ino ubamba kuba nzi? “Buumi, kobuka mo!” Elyo ilubaluba liniini lya Pasika lya kanongomeka mutwe walyo kuzwa kungsi lya mwaala. “Koboola kuno, Taata, langa kuli eco.”

<sup>244</sup> “Eco ciboneka kabotu. Buyo kuzumanana kukumba.” Wa kakumba kuzwisya malubaluba. Wa kaleta ziteo zyoonse. Wa kaleta buumi bwa banyama. I bayuni bakauluka kuzwa ku suko. Kwiinde kaindi, kwakalibonya mwaalumi a mwanakazi; kwakalibonya muntu, nkabela muntu wakali koonse mwaalumi a mwanakazi. Kutali uujiisi bwaalumi abwanakazi, lino. Buyo, wakali muli nguwe, kwakali muuya wabwanakazi.

<sup>245</sup> Cindi wa bweza muntu wakaba aciwa cabwanakazi loko, inga kali kabotu, kasitikide kabotu, pele kuli cintucimwi cilubide. Elyo cindi wabweza mwanakazi, uyanda kugela



masusu akwe a kusama ovolosi, a kuunka kumasena ayo, a, “Aleleke Leza, Ndiyo kwaambila!” Kuli cintucimwi cilubide. I mwanakazi ujisi muuya wabwanakazi, a mwaalumi ngu sibwaalumi. Tu lizi eco. Elyo mu lizi eco. Sena mwanakazi uboneka kabotu, usola kuba, kulilemeka mbuli mwaalumi?

<sup>246</sup> Baa, Nda kali kkede ciindi cimwi, Nda kali sikulangalanga zyamusokwe kuno, elyo Nda kali kkede mu bbaasi a kuunka kutala kuya elyo kandibakula mwanakazi oyo ku kuulu, a janza lyangu, nkeambaula kuli nguwe, elyo tii Nda kazi kuti wakali mwanakazi. Waa kasamidi imwi ya ngowani ezi zyaba sikuumpilila, a magilazi akumeso mapati mbuli *obo*, elyo Nda kali kkede nkoonya kusule kuya, nkabela waa kali kwaambila umbi cintucimwi kujatikizya cintucimwi cakacitwa. Waa kati, “Yebo ulizi,” elyo waa kati, “elyo masiku ainda,” kalangika buyo ugalankene mbuli mbwakali kukonzya kuba, kafweba tombwe. Waa kati, “Masiku ainda, Nda kwaambila, mulombwana oyo waka sweemukila, atala lya cintu eco. Wa kati, ‘Ma!’ Wa kasika kaselemuka kwiinda awo.” Kati, “Nsena sekede maningi mu buumi bwangu.”

<sup>247</sup> Elyo Nda kali kuseka, nywebo mulizi, mbuli *obo*. [Mukwesu Branham wapanga kumvwika kwa kabaiyi—Mul.] Nda kati, “Mulombe, oyo wakali nguwe, embo na?” Nkekkede awo kwaambaula mbuli *obo*. Elyo ikuti na taka samununa cintu eco a kuzungaanya mutwe wakwe, elyo waa kajisi nkata yamasusu kuya, yakuti waa kali mwanakazi. Nsena limvwide kuubauka loko mu buumi bwangu. Nda—Nda kati, “Sena uli mwanakazi?”

Waa kati, “Baa, mbombubo!”

<sup>248</sup> Nda kati, “Kondi jatila.” Tii ndabwene boobo. Lino, *obo*, *obo* mbwini.

<sup>249</sup> Nda kabona citondezyo buzuba bumwi, caka ndibotelezya. Ca kajisi citondezyo cipati kutala, kati, “Balindu amulibambile kusama zisani.” Nda kayeeya, “Alumbwe Leza kuli ceeco.” Mwabona? Pele, kaboola kuziba kuti, wakali buyo musyobo umwi wa zisani oyo ngo bakabambide kale, nywebo mulizi. Nda—Nda kayeeya kuti bayosama zisani zyeede. Nda kacita ncobeni. Kati, “Balindu balilibambilide kusama zisani.” Nda kati, “Alumbwe Leza nkambo kambabo. Eco ncibotu. Cakuti, Ndi lumba Mwami cakasimpe kuli ceeco.” Pele, mwabona, wakali buyo musyobo umwi wa zisani ngo bakabambide kale, cintucimwi. Cakacita kuba cintucimwi cigambya, embo na, mu cisi eci? Ncibotu.

<sup>250</sup> Mpawo cindi Adamu na kalibonya. Elyo mpawo Adamu wakaboneka kuba abukata, aboobo Wa kagwisya kabambo kuzwa ku lubazu lwakwe a kupanzia Eva, cipangulule cakwe. Wa kapanga. . . Wa kagwisya muuya wabwanakazi kuzwa kuli Adamu, a kuubikka mu mwanakazi, muuya wa luyandisyo, wabwanakazi, wabulongwe, wabuuya. Elyo Wa kasiya muuya wabwaalumi muli Adamu. Lino, ikuti kuli cintu cili coonse

candeene, kuli lupindamuno kubusena bumwi. Lino, elyo mpawo bobile bakaba bomwe.

251 Elyo aboobo atu cite buyo kasobano kaniini kai katutana jala. Mpaawa kwaboola . . . Mpaawa, ngu Adamu wabweza Eva ku kuboko nkabela beenda kubusena. Nda kayanda ncobeni kaano aka. Elyo beenda kubusena, nywebo mulizi. Elyo Eva wakati, “Oh, oyandwa, sa upandulula kuti ulijisi?”

“Iiyi, Nda uzika eyo.”

“Pele ino uyiita buti eyo?”

“Eyo itegwa mbizi. Uh-huh.”

“Niinzi eyo?”

“Eyo ni ng’ombe. Uh-huh.”

“Wa yuulika obo?”

“Inzya. Uh-huh.”

252 “Ino ubaita buti abo bali kokuya, balo bakkede kuya a mitwe yabo antoomwe?”

“Abo mbana bukwetene bayandana.”

253 “Oh, Nda bona. Nda bona.” Elyo akuzumanana mbuli boobo. “Elyo ino ncinzi eci cili kokuno?”

“Ndi ita eco, *eco*, a ceeci cili kokuno.”

254 Elyo, “Oh, Nda bona. Uh-huh. Eco cila botezya.” Elyo mulavu wavuluma. “Ino oyu umwiita kuti nzi?”

“Oyo mulavu.”

“Ino nguni *oyu*?”

“I siluwe.”

255 Elyo, oh, mbuli . . . “Oh, Nda bona.” Mbuli buyo bana ba kaaze, nywebo mulizi, nkabela kabalila koonse.

256 Aboobo, kwiinde kaindi, waa langa koonse. Waa kati, “Oyandwa, kolanga kuya, zuba liya bubbila. Nciindi cakuya ku cikombelo.”

Nywebo mulizi, kuli cintucimwi kujatikizya cindi zuba lya nobbila, nywebo muyanda kukomba. Ikuti na tee mwainka ku cikombelo masiku ayo, mula botelwa kunjila mu kaanda, akubala Bbaibbele. Mbangaye ba botelwa kucita obo, kuba olikke? Mwabona? Cili buyo mu muntu kucita boobo. Mwe elede kucitaboobo.

“Nciindi nzi cakuya ku cikombelo.”

257 Lino, tiiba kaamba kuti, “Lino, amulindile kaindi kaniini lino, lino, Jones uzulilwa ku Assemblisi, kwalo tu zulilwa ku . . .” Peepe, tii cakali cintu mbuli eco kaindi, aboobo bakaunka buyo kutala. Tiiba kajisi cikombelo, zyuuno zibotu zya kukkalila mbuli boobo. Baka unka buyo kutala kungsi lya cikombelo cipati maningi ca zisaka, a kufugama.

258 Elyo Mubalo oyo wamumuni wakali kulengelela kulaale mu ziteo. Mwabona? Inga ndamvwa Jwi kalyaambawida ansi a kuti, “Sa bana Bangu balibotezya aa nyika, kuciindi cino, eyo Mwami Leza wanu nja kamupa?”

259 “Inzya, Mwami, twa libotezya kuciindi cino.” “Embo na, oyandwa?”

260 “Iyi. Iyi, omuyandwa, twa cita.” “Mwami, twa Ku lumba ncobeni. Lino Ndi lazike kuti ndoone.” Mwabona? Elyo wakwazamuna kuboko kwakwe kupati, elyo waa kalala, aa kuboko kwakwe, alimwi walazika siluwe a mulavu, a zintuzyoonse kuti zyoone; caluumuno loko.

261 Aboobo Leza waselukila ansi elyo Wa leta aansii, oh, nkamu ya Baangelo, Gabriyeli, cilenge Cakwe caku Julu. Aboobo baseluka kabeendela ku tusindi twabo cabuteteete loko mu kaanda kakoonena, mwabona, kulanga koonse. Gabriyeli wakati, “Koboola kuno, Taata. Koboola kuno. Kolanga awa. Mpaawa mpabede. Mpaawa, mpaawa aledede bana Bako kabaledede awa.”

262 Mbangaye muno bakasola kunjila ku mbali lyabulo, nywebo no bamatumbu bamwi, nywebo a matata antoomwe, a kulanga ku mulombe muniini, musimbi muniini, elyo mula yeezyanya buyo, “Sena—sena taboneki mbuli nduwe, nzila *eyi* a nzila *eyo*?” Sena mwakasola kucita obo? Baa, ziindi zinji Nda unka a kwaambila Meda, kwaamba kujatikizya Joseph. Walo uyoti, “Bill, ujisi nkumu mpati mbuli nduwe.”

263 “Inzya. Pele, Meda, ujisi meso mapati mbuli nduwe.” Nkaambonzi? Walo ncibeela cesu capa-. . . Walo nqipange ca luswanano lwesu—lwesu.

264 Lino, elyo Taata wakaamba, inga waamba eci kujatikizya eci. Kati, “Yebo ulizi. . .” Elyo Gabriyeli wakati, “Yebo ulizi, uboneka mbuli Nduwe ncobeni.” Obo mbombubo Leza mbwa boneka; ko lilanga. Obo mbombubo Leza mbwaboneka. Walo uboneka mbuli nduwe. Uli cisyuukila Cakwe. Mbangaye bazi obo? Mwabona?

265 Lino amulange. Ino musyobonzi waciimo caansi loko ica buumi ngo tujisi? Cula. Ino nciimonzi caatala maningi ica buumi? Muntunsi. Masimpe. Elyo nciimonzi caatala maningi? Cila zumanana kuzwa kuli caansi loko, kuya atala, kuzwa kuli cula kusika kuli *eci* akusika kuli *eco*, elyo kusika mu kayuni, mane, kuli zimwi zimbi, mu ziimo zyaatala maningi izya buumi, mane cakasika ku ciimo caatala maningi mbo cakakonzya kuboola, mpawo cakabambwa mu cinkozya ca Leza. Nceeco we. Elyo mwanakazi takabambwa mu cinkozya ca Leza pe, pele mu cinkonzya ca muntu. Mwabona?

Lino, lino, mbaabo we. Elyo Leza waba langa, akuti, “Iyi, ba boneka—ba boneka cabubotu.”

<sup>266</sup> Cakali cinzi eco, mukwesu? Teeba keelede kufwa. Oyo wakali kkaushiamu musyoonto mutaanzi, potashi mutaanzi, a zintuzyoonse zyakatalika mbuli boobo. Sa tacili cibotu? Pele cibi cakaboola ambali a kubisya buboneki. Lino, ngu Leza. . . Ino Leza wakacizumizya kucita nzi? Nkaambonzi Nca kacizumizya kuba mbuli mbo twali kwaambaula kaindi kainda? Wa kacizumizya kutegwa A tondezye kuti Wa kali Mufutuli. Wa kacicita. Wa kalekela malwazi kucitika, kutegwa A konzye kutondezya kuti Wa kali Musilisi. Wa kalekela lufu kucitika, kutondezya kuti Wa kali Buumi. Mwabona? Wa kalekela zintu ezi zyoonse zibbi kucitika, kutondezya kuti Wa kali mubotu, obo Mbwa kabede. Tuyo. . .

<sup>267</sup> Yebo waambaula zya kwiimba kaano ka lununuko! Baa, mukwesu, cindi Jesu akuboola, Mbungano eyi—eyi iyoima kutala kuyaku minyinda ya nyika eyi a kwiimba twaano twa lununuko, cindi Baangelo nibayo kotamika mitwe yabo, mukutaziba eco nco twaambaula. Ee, kwiina noba kasweekede. Tabazi motwakainda mo. Tu lizi nco caamba kusweeka a kujanwa. Oh, inga twa kwiilila lulumbaizyo Lwakwe! Tali Mufutuli kuli mbabo. Teeba kali kuyandika kufutulwa kuli koonse. Takali Musilisi kuli mbabo. Peepe. Bulemu! [Mukwesu Branham wakamba maanza akwe ziindi zyosanwe—Mul.] Tali—Tali Buumi kuli mbabo. Nee ncobeni. Taakwe noba kafwide mu zibi a milandu. Mbo twakabede, elyo twa kapononosegwa. Mboobo mbotubede. Ino tukaambe nzi, katu samunwide misiyini yesu, “Oh, nduwe Muf. *Nini-a-nini*”? Peepe, peepe, peepe, peepe, peepe. Bulemu boonse kuli Nguwe! Mbo cibede. Nceeco we. Mpawo tuyo lungulula kaano obo mbo twa kazunda. Tuyo kumvwisya kabotu loko akale.

<sup>268</sup> Mpawo, mpawo muli eco awo, mpawo ncenzi cakaacitika? Sena Leza mpawo wakati buyo, “Ee, Inga akwalo ndanyonyoona buyo ncobeni potashi Wangu oonse a kkaushiamu. Walo wanyonyooka oonse”? Peepe, peepe. Wa kalizi kuti ciyooba munzila eyo.

Lino, lino, ikuti na Muuya Uusalala wakandibumba mbuli Mbwe bedede, nkabela Nda lya zyakulya a kujosya mu mubili wangu, a kukomena kusika mbuli Mbwe bedede lino. Lino, nekubaboobo, Nda kabambwa mu ciimo. Zifwanikiso zyoonse ezyo Leza nzya kabona, kakutanaba malengelo aa inyika, kusima, kubaciimo camubili. Mwabona? Cakazwa ku mwanakazi, mbuli Mbwa kati ciyooba; ciindi citobela, cilazwa kuli Leza. Caka sika ku ciindi eco, kwiindaku mwanakazi; cila sika ciindi eci, kwiindaku Mwaalumi. Mwabona? Kasika ciindi eco, kwiindaku kuyanda kwa lulalano; cila sika ciindi eci kwiindaku Ijwi lya Leza lyakaambwa. Mwabona?

<sup>269</sup> Awo, lino, sa kuli cikonzya kundi nyonganya? Peepe, munene. Taakwe cintu cikonzya kutu nyonganya. Paulo wakati, “Ku zintu azyalo ziliko, zintu ziciza, malwazi, lufu; taakwe cintu cikonzya

kutwandaanya kuzwa ku luyandisyo lwa Leza luli muli Kristo.”  
Taakwe cintu cikonzya ku twandaanya.

270 Mbuli mbo Nda kaamba kaano kaniini. Ndi tandila kucaazyza masusu ali osanwe kuba syalubala, kumaninina. Elyo Nda kali kukamuna ayo masyoonto kuno cindicimwi cakainda, mukaintu wangu wakati, “Billy, utandila kuba syalubala.”

Nda kati, “Pele Nsena sweekelwa amwi aawo.”

Waa kati, “Ali kuli?”

271 Nda kati, “Aakali kuli Nke tana kuba a ngawo?” Mwabona?  
“Nkokuli lyoonse nkwa kabede Nke tana kuba a ngawo.”

Lino, kwakaliko ciindi cimwi, myaka iili mwaanda yakainda, aya masusu takali kuno pe, pele aakali mubusena awa mu suko. Sa mbombubo? Mpawo kutandila myaka ili makumi osanwe yainda, aka talika kusika aa mutwe wangu. Ino akazwida kuli? Kuzwa ku suko. Elyo lino alimu kujokela nkwa kabede. Sa mbombubo? Ta kaliko, mpawo akaba, elyo lino taako. Ino ncinzi? Nguni wakapanga obo mbwabede? Leza! Ngooyo Mbwa bedede. Wa kabamba ciimo cabupanduluzi bwa buboneki, kati, “Eyo nje nzila Mbwe muyanda.”

272 “O Lufu, lulikuli lumoola lwako? Ocuumbwe, lulikuli luzundo lwako?” Inga mwandizikka mu bumwi bwa mazuba aya kuzwa awa. Ta ndizi. Pele, mukwesu, Nseno fwide pe. Ndiyo kwaambila obo. Peepe, munene. Oh!

Tuyo buka! Aleluya! Tuyo buka!

Ku cifumo eci cabubuke, cindi mingwala ya  
lufu niyo tyolaulwa,

Tuyo buka! Aleluya! Tuyo buka!

Taakwe cintu cikonzya kundikasya kubuka. Takukwe madaimona manji mu gehena moonse akonzya kundikasya kubuka. Takukwe cintu cikubwene koonse cikonzya kundikasya kubuka. Ndi jisi cisyomezyo ca Leza. Ndi jisi Muuya Uusalala. Ndi jisi Zoe, Buumi Butamani ibwa Leza, nkepumuna mukati muya. Oyu mutunta mukulukulu uzwa kuya, nkabela Leza uyondi kumbakumba kuzwa ku bulongo. Elyo ikuti na Walo Oyo wakandi kumbakumba kuzwa ku bulongo. . .

273 Cindi ni Nda kakomena, lino, ziindi zyoonse Nda mvwa mulangu wa cikombelo, Cintucimwi inga cilaambaula kuli ndime, mulombe muniini. I Angelo wakaambaula kuzwa ku citeo, kati, “Uta kasoli kunywa na kufweba. Ndi jisi mulimo wako wakucita. Uta kasofwaazyi mubili wako, kweenda a banakazi a zintu. Yebo, Ndi jisi cintucimwi cako cakucita cindi waakukomena bweelede.”

“Ino Nduweni? Ino Nduweni?”

274 “Muyo ziba kunji kwiinda obo kwakumana.” Kwiinde ciindi, ngooyu Wa kaboola. Ula lengelela kutala ku lubbizyo. Ula

litondezya Mwini. Ula lilungulula Mwini. Ula vwiila. Nda Mu bona kaimvwi kuya, koonse, ku mabazu oonse.

<sup>275</sup> Mbobuti mboya kucita, ikuti na Wa kandibumba obo Mbwe bede, kakutakwe kuba a kusala pe...? Tee ndaka jokela kuya akwaamba, “Lino, Charlie Branham, ko kwata Ella Harvey a kundizyala aa nyika.” Peepe, munene. Tee ndaka jisi kusala kuli ceeco. Leza wakacita ceeco.

Elyo ikuti na Wa kandibumba obo Mbwe bede, kakutakwe kusala; nkunji buti, cindi Muuya Uusalala waunka kuyo ndikumbakumba, elyo Nda amba, “Inzya, Mwami, Uli Mulengi wangu. Nda Ku yanda, alimwi Nda Ku tambula mbuli Mufutuli wangu!” Mbobuti mboya kundijatilila mu suko? Tokonzzyi buyo kucicita, mukwesu. Tokonzzyi kucicita.

<sup>276</sup> Leza kwiina nakabumba kampandu komwe ka kkaushiamu oyu, na potashi, kufumbwa cimbi, eco cacasola ku—ku nyonyoonwa buyo. “Boonse Taata mba Ndi pa, kakatanaba malengelo aa nyika, bayo boola kuli Ndime.” Fyuu! Nda limvwa koongolola; masimpe Nda cita. “Boonse Taata mba Ndi pa bayo boola kuli Ndime, nkabela taakwe wabo uyo sweeka, pele Njo mubusya alimwi mu bubuke.” Nda ka Mu mvwa kaita, cindi ni Nda ka Mu sikila. Mbobuti mbo bakonzzya kundikkazika mu suko lya nyika? Takukwe basikubamba mibili yakuzikka banji mu inyika iba kundibamba cakuumauma kubusyu a focolo, banga bandi bikka mu suko lya nyika. Ndiyo buka buzuba bumwi a kwiima mu bukozyanye Bwakwe, wakasanzigwa mu Bulowa Bwakwe, wakazyalwa ku Muuya Wakwe! Aleluya! Amube a tubungwe toonse nto muyanda; Ndiyo sala Jesu. Amen!

<sup>277</sup> I muntu wamakani abukwabilizi waka ndibolela. Wilmer Snyder, mweenzuma wangu mubotu. Wa kati, “Billy, Ndi yanda kukusambalila makani abukwabilizi.”

<sup>278</sup> Nda kati, “Nda jisi kale.” (Mukaintu wangu wakalanga konse, mbuli kuti uyanda kwaamba kuteeti, “Ino ubejela nzi, mulombe?”)

Kati, “Sa uli jisi bukwabilizi?”

Nda kati, “Iiyi, munene.”

Kati, “Ni kkampani nzi ya mbubo? Ino buli buti?”

<sup>279</sup> Nda kati, “Kaanzambwene kalelekedwe, Jesu nguwangu, oh, ino nkulabila kwa Buleza kwa bulemu! Muswaana wa lufutuko, wakaulwa aa Leza, wakazyalwa ku Muuya Wakwe, wakasanzigwa mu Bulowa Bwakwe.”

<sup>280</sup> Wa kati, “Eco cili kabotu, Billy, pele tabuka kubikki mu namaumbwe.”

<sup>281</sup> Nda kati, “Buyo ndi gusya.” Aleluya! Nseli biliki makani akunjila muya; nga kuzwa.

<sup>282</sup> Aboobo, Ndi jisi bukwabilizi obo bundaambila, “Ndiyo buka. Boonse Taata mba Ndi pa Mbi bangu.” Nsikwe ndaba bataata nco bakacita, eco baama nco bakacita, kufumbwa cintu mbo cakabede. “Boonse Taata mba Ndi pa bayo boola kuli Ndime, nkabela taakwe muntu ukonzya kuboola citakuti Taata Wangu wamukwela.” Aleluya! Nkaambonzi Nca kaba kwelela? “Nda kalibabwenekale kakutanaba malengelo aa inyika. Cindi ni Nda kajaya Mwanaambebele, Nda kamujaya a Nguwe.” Ameni. “Nda kakanza Mbungano.” Ncinzi cakakanzwa? I Mbungano. Mbobuti mbonjila mu Mbungano? “Ku Muuya omwe tula bapatizigwa mu Mubili omwe.” Wa kalizi, kakutanaba malengelo aa inyika, kuti tuyooba ko. “Elyo abo Mba kabwenekale, Wa baita. Abo Mba kaita, Wa balulamika. Abo Mba lulamika, Wa bapa kale bulemu.”

<sup>283</sup> Mu Mabbuku aa Leza, Wa kaamba kuti Uyo ndiswaana nkoonya kuya. Takukwe madaimona manji kuzwa ku gehena akonzya kubabikka kuli koonse kumbi naanka kubasinkila kuzwa nkoonya kuya, nkaambo Leza wakaamba boobo kale, nkabela cila cimanizya. Ikuti. . . I myaka ya mabbilion ali mwaanda kakutanaba inyika yakasola kubumbwa, intanda zya kubucedo nizyakaimba antoomwe nkabela bana ba Leza kabaongolola nkambo ka lutangalo, kakutanaba malengelo aa inyika. Mwabona? Kakutanaba male- . . . Elyo balo Baangelo a zintuzyoonse zya kakkomana, koongolola kujatikizya ncico, kakutanaba malengelo aa inyika. Mbobuti dyabulosi mbwayo sola kundisinkila mu suko lya nyika? Takonzyi buyo kwicita. Uli luleme.

<sup>284</sup> Atu bone, lino. Eci nciindi cakulisalila Nce jisi, okuno. Aya maminiti ali makumi obile kutandila ileveni. Ayo nge maminiti buyo ali makumi obile kutandila teni. Sa mbombubo, Mukwesu Wood? Mbo mbubo, maminiti ali makumi obile kutandila teni. Sa bantuboonse bakkomana?

Oh, Nda limvwa kuzumanana kweenda,  
Nda limvwa kuzumanana kweenda;  
Muunzi wangu Wakujulu ulamweka a kubota,  
Elyo Nda limvwa kuzumanana kweenda.

Oh, Nda limvwa kuzumanana kweenda,  
Nda limvwa kuzumanana kweenda;  
Muunzi wangu Wakujulu ulamweka a kubota,  
Elyo Nda limvwa kuzumanana kweenda.

<sup>285</sup> Sena mula ziyanda nyimbo zyakaindi mbuli ezyo? Kwakali kunga kuli imwi yakaindi njo twa kali kwiimba, imwi ijatikizya, “Luzyalo a luse zya kandijana. Kuya Ntanda yaku Bucedo yakamweka.” Ino njiili, Mucizi Gertie? Atu bone. Mbobuti. . . Ino njiili, Mukwesu Neville? Mwabona, imwi, “Luzyalo a luse zya kandijana. Kuya Nyenyeezi yaku Bucedo a Imweka itondezya Bwakwe. . . ? . . . kundi zunguluka.” Uh-huh. Inzya. “Mu ciingano.” Kotupa bulile kuli njiyo, mucizi, kuti, *Munsi*

*Lya Ciingano.* Koboola kuno, Mukwesu Neville. Oh, Nda ziyanda ezi. Mbangaye bayanda nyimbo zyakaindi zinanikidwe? Inga wakonzya kuba a zyoonse zyako zya boogie-woogie zyakusotauka koonse akoonse mbuli mbo yanda. Ko ndipa eyi, “Mpaawa awo luzyalo a luse mpo zya kandijana.” Nce ncico. Ncibotu, cabubotu lino.

Jesu, ndiswenye ku ciingano,  
Kuli kasensa kayandisi,  
Nkaboonse kabuyo, kalonga kakuponya,  
Kakunka kuzwa ku cilundu ca Kalivari.

Mu ciingano, mu ciingano,  
Kube bulemu bwangu lyonse;  
Mane buntu bwangu bwakakwempwa  
bukajane  
Kulyookezya kutala lya mulonga.

<sup>286</sup> [Mukwesu Branham watalika kung’ung’una *Munsi Lya Ciingano*—Mul.] Oh, mbo cili cibotu! Amu ciyeeye! Ikuti nokwatali Mufutuli? Ino kuti notwa tajisi Ijwi eli? Ino kuti Na taka mwiita? Ino kuti Na taka muzikale, elyo mwali mu masena aya amwi aa inyika sunumasiku? Sena mula Mu yanda? Oh, ma! Muta lubi miswaangano kuseeni, lino, aa naini theeti.

Mu ciingano, mu ciingano,  
Kube bulemu bwangu lyonse;  
Mane buntu bwangu bwakakwempwa  
bukajane  
Kulyookezya kutala . . .

<sup>287</sup> Lino kotupa bulile bwakuti *Busena Ku Kasensa*. Eyi nyimbo mbotu yakaindi, “Kuli busena ku Kasensa.” Mbangaye baizi? “Busena, busena, iiyi, kuli busena, busena ku Kasensa.” Cindi wa icita lino, cabutontozi loko kotambika buyo janza, kumbali lyako, nkabela kosukana maanza a mukwesu oyo. Nywebo mulizi, kuli busena lino bwa boonse bana Methodisti. Kuli busena bwaba Baptisti. Kuli busena bwaba Pentekoste. Kuli busena bwa ndiswe toonse lino, ku Kasensa. Mbangaye bazi lwiimbo lwakaindi? Oh, masimpe mula cita. Nywebo nobamwi basikale lino, eyi ni nyimbo mbotu, yakaindi yaku Kentucky lino.

Busena, busena, (amusukane maanza), iiyi,  
kuli busena,  
Kuli busena ku Kasensa bwako;  
Busena, busena, iiyi, kuli busena,  
Kuli busena ku Kasensa bwako.

Oh, busena, busena, kuli busena bunji,  
Kuli busena ku Kasensa bwako;  
Oh, busena, busena, iiyi, kuli busena,  
Kuli busena ku Kasensa bwako.



<sup>288</sup> Lino, Ndi jisi kugambya kuniini kwa ndinywe. Zyoonse nkambauko zipya, a mabbuku, a zintuzyoonse, zino sambalwa kusule lya cikombelo, mvwiki itobela, ku miswaangano; mateepu a zintuzyoonse, a zyoonse, mu ciimo cabulembo bubotu. Kuyooaba tafule kusule kwini kuya, muli kamwi ka twaanda. Elyo mabbuku abulembo, nkambauko zipya, a malembo amwi mabotu ayo akacitwa muciiimo citaanzi, mu mabbuku mapya, busanduluzi bupya, boonse buyobambwa, elyo mu i—i kusule lya buyake, busiku butobela Bwatatu obu.

Elyo tu langila i—i ciindi cibotu mu Mwami. Amuboole, kamukomba, lino. Lino, amukaite balwazi a bapengede banu, muba lembele magwalo. Amuka banjizye mukati muno. Tu yo buyo . . . Leza uyoenda ncobeni canguzu. Elyo tu lizi kuti Uyo cicita lino.

<sup>289</sup> Elyo lino Nda kaunka ku bantuboonse Mbe kazi, bakajisi cintucimwi. Ikuti na kuli cimwi citali kabotu lino, amu yeeye, Nda kamwaambila cindi cilamfu cakainda, kuti tuyo cilulamika. Elyo Ndi lizi kuti mulizi kuteeti kuli muuya wandeene kuno kunze lya oyo wakaliko. Mwabona? Mwabona? Mwabona? Mbo mbubo. Lino, muta ulekeli limbi kuzwa. Nda mulailila kumbele lya Jesu Kristo, muta ulekeli kuzwa. Amu kkale ncobeni awa a nguwo, mwabona, amu zumanane buyo kululamika zintuzyoonse cakumaninina a kuyabuya ncobeni. Nywebo muli bakwesu. Tali munyoko na mucizi oyo uucita cintu cili coonse cilubide; walo muuya uulya wa dyabulosi unjila mukati muya. Mwabona, ula unka konse. Elyo komu mufwida buyo nsoni ku mukwesu na mucizi, a kuziba kuti ngu Saatani uunjila aakati. Ikuti na ujisi kulimvwa kujatikizya ncico, ko cigusya kuli nduwe cakufwambaana ncobeni, wabona, nkaambo ciyokupa cikoto cacilonda. Iiyi, ciyo cita. Aboobo, kotantamuka kuli ncico. Ko yeeya buyo.

Kuli busena, busena, busena bunji,

Kuli busena bwabana Methodisti, busena bwabana Baptisti, busena bwamuna Presbyteria. Kuli busena bwa boonse.

Busena, busena, iiyi, kuli busena,  
Kuli busena ku Kasensa bwako.

<sup>290</sup> Mbangaye bayeeya lwiimbo lwesu lwakaindi lwa kwandaanina, kaindi?

Kotolelela Zina lya Jesu,  
Mwana wa buusu a mapenzi;  
Liyo kupa lutangalo a kumbulizigwa,  
Ko Li tola koonse nkoya.

Nowa konzya kukkala a ndiswe, Mukwesu Jeffreys, yebo a Mucizi Jeffreys, a balombe kuya, a boonse babo.

Elyo mpawo ku Zina lya Jesu kukotama,  
 Kuwa cakufugama ku matende Akwe; (Oh,  
 ma!)

Mwaami wa bami ku Julu tuyo Mu samika  
 musyini,  
 Cindi lweendo lwesu lwamana.

Kotolelela Zina lya Jesu,  
 Ko Li tola mbuli Ntobo sunu;  
 Oh, cindi masunko aswena,  
 Koamba buyo Zina eelyo Lisalala mu mupailo.


Oh, Nda libotelwa. Mula cita na? Eelyo Zina bbotuloko lya  
 Jesu! Lino, atwiime ndyoonya eno, kuciindi no twiimba eno.  
 Ncibotu.

Kotolelela Zina lya Jesu,  
 Mwana wa buusu a mapenzi;  
 Liyo. . .  
 [Mukwesu Branham waambaula a Mukwesu  
 Neville—Mul.]

O mbolili bbotu!  
 Bulangizi bwa nyika a lutangalo lwaku Julu;  
 Zina liyandisi (O Zina liyandisi), O mbolili  
 bbotu!  
 Bulangizi bwa nyika a lutangalo lwaku Julu.

<sup>291</sup> Oku lulandeene aniini lino. Atu kotamike buyo mitwe yesu  
 lino, alimwi, cabutontozi loko, atu nyamune janza lyomwe.  
 Kwaamba:

Ku Zina lya Jesu kukotama,  
 Kuwa cakufugama ku matende Akwe,  
 Mwaami wa bami ku Julu tuyo Mu samika  
 musyini,  
 Cindi lweendo lwesu lwamana.  
 Zina liyandisi, O mbolili bbotu!  
 Bulangizi bwa nyika a lutangalo lwaku Julu;  
 Iyi, Zina liyandisi, O mbolili bbotu!  
 Bulangizi bwa nyika a lutangalo lwaku Julu.

<sup>292</sup> A mitwe yesu kizumenene kukotama, twa amba. . .  
 [Mukwesu Branham watalika kung'ung'una *Kotolelela Zina  
 Lya Jesu*—Mul.] 

*NKAAMBONZI TA TULI KABUNGWE?* TNG58-0927

(Why Are We Not A Denomination?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Itwi 27, 1958, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)